



BIBL. NAZ.
Vitt. Emanuele III.

RACCOLTA
VILLAROSA

B

667

NAPOLI

B. 6. 9

527249

Vol B 667

M A P H A E I

S. R. E. CARD.


BARBERINI

N V N C

VRBANI PP. VIII.

POEMAT A.





MAPHÆI
S. R. E. CARD.
BARBERINI
NVNC
VRBANI PP. VIII.
POEMATA.

Pet. Paul. Rubens pinxit.

Corn. Galle sculpsit.

ANTVERPIÆ, EX OFFICINA PLANTINIANA
BALTHASARIS MORETI. M. DC. XXXIV.




Digitized by Google



VRBANVS VIII. BARBERINVS PONT. MAX.



EMINENTISSIMO
PRINCIPI
FRANCISCO
CARDINALI
BARBERINO
BALTHASAR MORETVS
FELICITATEM.

IVINA Eminentissimi Cardinalis Poesis, & Summo dignissima Auctore, quem vniuersæ Ecclesiæ suæ Pontificem Deus Opt. Max. destinabat, Plantinianâ iam veste induta, Romam redire



redire gestit: ad neminem diuersura libentius, aut à quoquam (vti confidit) excipienda benignius, quàm abs Te, Magne Ecclesiæ Princeps, qui Tuam ipsius Felicitatem atque Amplitudinem sanctissimis eius Legibus debere agnoscis. Siquidem cùm omnes illa & singulos ad melioris Litteraturæ, Virtutis & Honestatis studia hortaretur, Te in primis plenissimo amoris affectu ad eadem incitabat; atque ad illam præparabat Magnitudinem, quâ tandem Orbi Christiano non tam præesse, quàm prodesse, & velles & posses. At verò comiter primùm abs Te excepta, ad sacras Maximi Parentis sui ædes maiori deinde fiduciâ accedet; nihil-

nihilque metuet, ne sub nouâ hac veste Pontificios oculos offendat : præsertim cum ipsa haud nesciat , se plus roboris ac succi in Belgio hausisse , à nouâ , quæ ipsius Maximi Auctoris beneficio accessit , salutarium præceptorum copiâ. Vale Eminentissime Princeps , publico Ecclesiæ , cui vni inseruis , bono ; & Typographum , eiúsque operam , Beatissimo Pontifici , atque Optimo Patriuo Tuo , commenda.



**

VRBA-

VRBANVS PP. VIII.

Ad futuram rei memoriam.

EX PONI Nobis nuper fecit dilectus filius Andreas Brogiottus Typographiæ nostræ Apostolicæ Præfectus, quòd ipse denuò diuersa Carmina, à Nobis, dum in minoribus constituti essemus, composita, tam in magno quàm in paruo folio, magnâ cum diligentia & impensâ imprimi facere intendit: veretur autem, ne ab aliis absque eius licentiâ in maximum eius præiudicium & damnum Opera huiusmodi imprimantur; Nobis propterea humiliter supplicari fecit, quatenus ei in præmissis opportunè providere de Benignitate Apostolicâ dignaremur. Nos igitur dictum Andream specialibus fauoribus & gratiis prosequi volentes, & à quibusuis excommunicationis, suspensionis, & interdicti, aliisque Ecclesiasticis sententiis, censuris, & pœnis, à iure vel ab homine quauis occasione vel causâ latis, si quibus quomodolibet innodatus existit, ad effectum præsentium dumtaxat consequendum, harum serie absoluentes, & absolutum fore censentes, huiusmodi supplicationibus inclinati, non recedendo à priuilegiis officio Typographiæ prædictæ, & illud pro tempore obtinenti concessis, eidem Andream, ut durantibus viginti annis proximis à primauâ respectiue Operum huiusmodi impressione, dummodò tamen antea à dilecto filio Magistro Sacri Palatii Apostolici approbata sint, computandis, nemo tam in Vrbe, & vniuerso Statu

tu Ecclesiastico mediâtè vel immediâtè Nobis subiecto, quàm extra Statum, huiusmodi Opera prædicta sine speciali dicti Andree, aut eius heredum & successorum, vel ab eo causam habentium licentiâ imprimere, seu ab alio vel ab aliis impressa vendere, aut venalia habere vel proponere possit; auctoritate Apostolicâ tenore præsentium concedimus & indulgemus. Inhibentes propterea vniuersis & singulis vtriusque sexus Christi fidelibus, præsertim librorum impressoribus, sub excommunicationis latæ sententiæ poenâ eo ipso incurrendâ, & quoad personas Nobis & Apostolicæ Sedi subiectas etiam quingentorum ducatorum auri de Camerâ, ac amissionis librorum & typorum omnium, pro vnâ Cameræ Nostræ Apostolicæ, & pro aliâ eidem Andree, ac pro reliquâ tertiis partibus accusatori & Iudici exequenti irremissibiliter applicandorum, ne dictis viginti annis durantibus Opera prædicta, vel aliquam eorum partem, etiam prætextu additionis vel explanationis, scholiorum aut interpretationum, aut per modum summarij vel compendij, aut aliâs quomodolibet tam in magno quàm paruo folio, ac tam in Vrbe & vniuerso Statu nostro prædictis, quàm extra dictum Statum, sine huiusmodi licentiâ imprimere, aut ab alio vel aliis impressa vendere, seu venalia habere aut proponere quouomodo audeant, seu præsumant. Mandantes propterea dilectis filiis nostris, & Apostolicæ Sedis de Latere Legatis, seu eorum Vicelegatis, ac Præsidentibus, & Gubernatoribus, Prætoribus, & aliis Iustitiæ ministris Prouinciarum, Ciuitatum, Terrarum, & locorum Status nostri Ecclesiastici

stici prædicti, quatenus eidem Andream, eiusque heredibus & successoribus, vel ab eis causam habentibus huiusmodi in præmissis efficacis defensionis præsidio assistentes, quandoquæ ab eodem Andream & aliis prædictis fuerint requisiti, poenas prædictas contra quoscumque inobedientes irremissibiliter exequantur. Non obstantibus Constitutionibus & ordinationibus Apostolicis, ac quibuscumque statutis & consuetudinibus, etiam iuramento, confirmatione Apostolicâ, vel quavis firmitate aliâ roboratis statutis & consuetudinibus, privilegiis quoque indultis, & litteris Apostolicis in contrarium præmissorum quomodolibet concessis, confirmatis & innouatis, ceterisque contrariis quibuscumque. Volumus autem, quod præsentium transumptis, etiam impressis, manu alicuius Notarii publici subscriptis, & sigillo personæ in dignitate Ecclesiasticâ constitutæ munitis, eadem prorsus ubique fides adhibeatur, quæ ipsis præsentibus adhiberetur, si forent exhibitæ, vel ostensæ. Datum Romæ apud sanctum Petrum sub Annulo Piscatoris die xxx. Ianuarij M. DC. xxxi. Pontificatus nostri anno octauo.

A. M. Maraldus.

I. Sauenier.

Andreas Brogiottus, Typographia Apostolica Præfectus, hanc à S. D. N. VRBANO PP. VIII. sibi concessam facultatem cum Balthasare Moreto communicauit, litteris datis XVI. Aprilis M. DC. xxxiii. & à Francisco Iacobo Belgio Camera Apostolica Notario subscriptis.

Impri-

Imprimatur.

Fr. Nicolaus Riccardius Sacri Palatij
Apostolici Mag.

S V M M A P R I V I L E G I I
R E G I S C A T H O L I C I .

PHILIPPVS IV. Hispaniarum & Indiarum Rex Catholicus, & Potentissimus Belgarum ac Burgundionum Princeps, Diplomate suo sanxit, nequis *MAPHÆI S. R. E. Cardinalis BARBERINI, nunc VRBANI PP. VIII. Poëmata*, præter Balthasaris Moreti voluntatem villo modo intra nouennium imprimat, aut alibi terrarum impressa in has Inferioris Germaniæ ditiones importet, venaliave habeat. Qui secùs faxit, confiscatione Librorum & aliâ graui pœnâ mulctabitur, vt latiùs patet in litteris datis Bruxellæ xv. Nouembris, M. DC. XXXIII.

Signat.

Steenhuyse.

I N D E X P O E M A T V M.

Asterifco denotantur, quæ Editioni
huic accedunt.

POETIS probis & piis orna-
ta documentis primæuo de-
cori restituenda. *Quarentem vi-
ridi præcingere tempora lauro.*
pag. 1.

Paraphrasis in Canticum Moy-
fis: Cantemus Domino, &c. *Glo-
riam cæli Domino canamus.* 9.

Paraphrasis in Canticum Moy-
fis: Audite cæli quæ loquor, &c.
*Terra meas audi voces, audite lo-
quentem.* 17.

* Paraphrasis in Canticum
Annæ: Exultavit cor meum, &c.
*O quam lætitiæ mens mea perci-
pit.* 33.

Paraphrasis in Psalmum pri-
mum: Beatus vir, qui non abiit,
&c. *O ter beatus, qui fugit inte-
ger.* 39.

Paraphrasis in Psalmum cxvj.

Laudate Dominum omnes Gen-
tes, &c. *Laudate Regem siderum.*
41.

Paraphrasis in Psalmum cxxxvj.
Super flumina Babylonis, &c. *Se-
dimus in ripis flentes, Babylonis
ad amnem.* 43.

Paraphrasis in Canticum Eze-
chiz: Ego dixi: In dimidio die-
rum, &c. *In medio vite cursu mea
deficit ætas.* 47.

* Paraphrasis in Canticum
Isaiz: Confitebor tibi Domine,
&c. *Fassus potentem dexteram,
Rex calitum.* 53.

* Paraphrasis in Canticum Ha-
bacuc: Domine audiui auditio-
nem tuam, &c. *Quæ Pater omni-
potens olim promissa dedisti.* 55.

Paraphrasis in Canticum trium
puerorum: Benedictus es Domi-
ne

INDEX POEMATVM.

ne Deus, &c. *Te rerum Domi-
num, te Deus Ifaci.* 63.

Paraphrasis in Canticum bea-
tæ MARIÆ Virginis: Magnificat
anima mea, &c. *Ad astra Regem
calitum.* 71.

Paraphrasis in Canticum Za-
chariæ: Benedictus Dominus
Deus Israël, &c. *Ifacidum Domi-
num sacro vox consona plectro.*
pag. 75.

Paraphrasis in Canticum Si-
meonis: Nunc dimittis seruum
tuum, &c. *Nunc tuo, iuxta tua
dicta, seruo.* 77.

Paraphrasis in Hymnum fan-
ctorum Ambrosij & Augustini:
Te Deum laudamus, te Domi-
num, &c. *Laudamus omnes te
Deum, te siderum.* 79.

In Christi Domini Natalem
diem. *Nasceris alme Puer gelida
sub tempora bruma.* 84.

Christi Domini mox morituri
cum beatissimâ MARIA Matre
colloquium. *Instat, sacra Parens,
temporis ultimum.* 85.

Ad Diuinum Spiritum Hym-
nus. *Spiritus superum decus.* 87.

De S. Ioanne Baptista Ode. *In-
necta bigis Cynthia, candido.* 91.

De S. Mariâ Magdalenâ Ode.
Innixâ pennis versicoloribus. 99.

De S. Laurentio Ode. *Ibera sel-
lus, Austriv.* 109.

De S. Ludouico Rege Gallia-
rum Ode. *Obiectu gemini maris.*
pag. 118.

De S. Elisabethâ Lusitaniz Re-
ginâ Hymnus. *Domare cordis im-
petus Elisabeth.* 129.

De eadem Hymnus. *Opes de-
cussis, regium reliqueras.* 130.

Pœnitens. *Sepultus altâ crimi-
num caligine.* 131.

Circæi poculi Alexipharma-
cum. *Inserta vario nitore gemma.*
pag. 135.

Vexillum Caritatis ad Nico-
laum Barberinum germanum
fratrem, in illa verba Iob: Mili-
tia est vita hominis super terram.
*Quod dixi semel, hæreat repo-
stum.* 139.

* Ad Ioannem Donatum fra-
trem. Inanis Eruditio sine Pieta-
te. *Assuescis teneris agens ab annis.*
pag. 142.

Vani-

INDEX POEMATVM.

Vanitatis fuga, æternitatis amor. *Amica veris aura frigus ævis.* 145.

* In illa verba S. Augustini, Inquietum est cor meum, donec veniat ad te Deus. *Aurum & voluptas anida corda non explent.* 148.

Vera sapientia mortis meditatio. *Mundi machina fertur ad supremum.* 149.

Perturbatus animi pravi motus, placida recti quies. *Liberè vagans per agros quo pauore conculsit.* 152.

'Felicitatis' humanæ fuga, cælestis adeptio. *Prætereunt anni, celeri pede labitur ætas.* 154.

* Ad Alexandrum fratrem. Quà ratione prauus animi affectus fugiendus, & curandus. *Est opæ pretium vexari febre timenti.* 163.

Laurentium Magalottum viriusque Signaturæ Referendarium rusticatum inuitat. *Arna madent pluuies, & amabilis aura calores.* 168.

Alexander Ecloga. *Quæ so-*

lita es pecudes inter frondentis in umbrâ. 177.

Iulus Ecloga. *Infelix Galatea vagas Minionis ad undas.* 182.

Ad Urbem Romam, in obitu Alexandri Farnesij S. R. E. Card. *Quid flet purpurei decus Senatus.* 188.

Ad gratulationem Antonij Gigantis responsio nomine Dionysij Rattæ, in numerum Romanæ Rotæ Auditorum nuper adscripti. *Quod Patrum Pater omnium supremas.* 190.

Ad Virginium Cæsarinum Cæsarini Ducis fratrem. Rusticari, curas ac studium intermittere, verum valetudinis præsidium. *Virgini, decus eruditiorum.* 192.

* Non celebranda solùm, sed colenda virtus. *Virtutem meritis ad astra tollis.* 195.

De obitu Cardinalis Paleotti, ad Antonium Gigantem eius familiarem. *Dum mi doctæ, Giga, se prope mania.* 196.

Ruris laudes. *Ab Urbe-rura nos vocant ad otium.* 199.

Ad Bernardinum Capponium.

En

INDEX POEMATVM.

*En Pater Autumnus, redimitus
pulchra racemis.* 202.

In fontem miri artificij Epi-
gramma. *Largior angustâ pri-
mum defertur in auras.* 206.

De fonte Pontificio Nautis
effigiem habente. *Bellica Ponti-
ficum non fundis machina flam-
mas.* 207.

De Vlyffis Aldobrandi libris.
*Multiplies rerum formas, quas
Pontus, & Aether.* ibid.

In Pontici auaritiâ. *Vt par-
cas opibus, tibi quid non parcis?
an umquam.* 208.

Ad Aurelium Vrsium. *Allicis
Aureli mentes; seu rustica pan-
gis.* 209.

In maledicum, qui in Urbis
Romæ nomen impiè lufit. *Cum
Romam nequeas (quod aues) cuer-
tere, nomen.* ibid.

De eodem nomine. *Roma, si-
bi quondam qua robore subdidit
Orbem.* 210.

De Sole & Ape. *Luce fugat
tenebras, cerâ dum vestit ab igne.*
ibid.

De pronubo Deiparæ Virgi-
nis annulo, qui Perusie religiofi-
simè afferuatur. *Imbriferis Ar-
cus fulgens in nubibus Orbem.*
pag. 211.

* De sancto Petro. *Sanctam
vultu spirans in stipite tortor.*
ibid.

* De sancto Paulo. *E calo tibi
Paule lux refulsit.* 212.

De nece Reginz Scotiæ. *Te
quamquam immeritam feris, ô
Regina, securis.* 213.

* De S. Carolo Borromæo &
duobus aliis Cardinalibus à
Montepolitiano Nobilio & Bel-
larmino. *Hac vita innocha speci-
men fert omnibus ætas.* 214.

In pios affectus Angeli Grilli
Abbatis. *Demulcent animos, sa-
cro qua carmina plectro.* 215.

Ad Serenissimum Ducem
Alexandrum Farnesium, de vi-
ctoriâ Belgicâ. *Sub Duce Roma tuo
cecidiſt bis Belgæ: reſumpſiſt.* 216.

De picturis Guidonis Rheni
in Sacello Exquilino sanctissimi
D. N. Pauli V. *Vt trahit, ut re-
tinet, defixaq; lumina fallit.* 217.

*** Dra-

INDEX POEMATVM.

Draco æteus in fronte Laureti, in viridario Card. Burghesij. *Non sedeo custos, adsto venientibus hospes.* ibid.

Ad Vlyfsem Aldobrandum, de eius admirabili rerum naturalium Hermathenâ. *Qua Mariù & Terra peragranit, & Aërù oras.* pag. 218.

Ad Augustinum Nerum Porticiliani Dominum, in flore ætatis extinctum. *Effera mors Flora passim bacchata per Urbem.* pag. 219.

De Attilio Regulo. *Ambigü an patria maior sit cura salutis.* ibid.

De statuâ Niobes in Hortis Mediceis. *Bis septem Niobe natû, orbatâq; caro.* 220.

Ad Ioannem Pelicanum Senatorem Urbis, in Petri Victorij librum de culturâ olearum. *Hunc Pelicane Petri summâ scriptum arte libellum.* 221.

Ex Græco Anacreontis Epigramma. *Bos cornu, pedibus Sonipes, victuq; Leones.* 222.

De statuâ Dianæ dormientis

ad fontem. *Per filnas iaculis nuper cursuq; Diana.* ibid.

Ad Clementem VIII. de Tabulario Pontificio in Arce Adriannâ. *Hoc nos Scripta loco dubios contemnere casus.* 223;

Ad M. Antonium Roscium eximium Scriptorem. *Vt variè formata suos tua littera tractus.* pag. 224.

Monomachia terreni ac celestis amoris. *Quàm durû animi curis dolor intimus angit.* ibid.

In miram huius sæculi hiemali tempore florum varietatem. *Veris opes varios flores mirata, superbit.* 226.

In sanctum Leonem Tertium Epigramma Græcum. 227.

Idem ex Græco. *Qua Mare, qua Terras pernici. transuolat alâ.* 228.

In sancti Sebastiani imaginem Epigramma Græcum. 229.

Idem ex Græco. *Depictus Christi miles, quem spicula figunt.* 230.

In

INDEX POEMATVM.

In ornatum mulierum dam-
natum Epigramma Græcum.
pag. 231.

Idem ex Græco. *Quid pul-
chram medicas faciem, collumq,
lapillis.* 232.

De Vlyssis Aldobrandi libris
Epigramma Græcum. 233.

Idem ex Græco. *Non Aldo-
brandum nosces ab imagine so-
lum.* 234.

Distichon Aufonij Græcè
translatum. *Infelix Dido nulli
benè nupta marito.* 235.

In Rosam Epigramma Græ-
cum. ibid.

Idem ex Græco. *Ingenitas
qua pandis opes, & odore super-
bis.* 236.

In linguam Græcam Epi-
gramma Græcum. 237.

Idem ex Græco. *Cognita cui
Græca dines sit copia lingua.*
pag. 238.

Ad Clementem VIII. Pont.
Max. leuamen podagræ. *Sirius
sanis canis, astuansque.* 238.

Ad Petrum Cardinalem Al-
dobrandinum, Ferrariâ receptâ.

Insanienti cum quatit impetu.
pag. 240.

Ad Franciscum Caroli Fra-
tris Filium exhortatio ad virtu-
tem. *Ingressæ pubis limina lubri-
cis.* 245.

Ad R. P. Antonium Barberi-
num Fratrem amantissimum: Ex
debellato corpore mentem in
cælum rapi. *Pars hominis dedu-
cta putri Telluris ab aluo.* 250.

Ad Carolum Fratrem: *Phi-
lauria fugienda. Quam pulchra
blande sensibus ingerunt.* 253.

Pax Allobrogica. *Mentis ve-
rendum non acie minus.* 256.

In opus Roberti Bellarmini
sanctæ Romanæ Ecclesiæ Cardini-
nalis de Ascensione mentis in
Deum. *Summi decorâ dum spe-
cie boni.* 261.

Ad Ioannem Ciampolum.
Eius erga virtutem studium lau-
dat. *Aureo virtus folio decora.*
pag. 264.

Ad Io. Baptistam Strozam.
Eius laudat animum Æternitatis
inhiantem bonis, & humana fa-
stidientem. *Curis solutum rursus
in otio.* 267.

Ad

INDEX POEMATVM.

- | | |
|--|--|
| Ad Gabrielem Chiabreram,
Carmina virtuti parere immor-
talitatem. <i>Non cuspis ensis, sce-</i>
<i>ptæ regia.</i> 270. | terum Pacis artibus inclytum,
celebrandos proponit. <i>Iam sat</i>
<i>decoris marmore fontibus.</i> 275. |
| Ad Flaminium Figliuccium
Responsio ad laudes sibi carmine
attributas. <i>Vt blanda flores flori-</i>
<i>bæ implicat.</i> 273. | Adulatio perniciofa. <i>Cùm Lu-</i>
<i>na calo fulget, & auream.</i> 278. |
| Ad Aurelium Vrfum. Alexan-
dros Farnesios, alterum Belli, al- | In Torporem. <i>Lacte manantes</i>
<i>fluvios canoro.</i> 283. |
| | * Pro aduerfitatibus arcendis
Hymnus ad Deum. <i>Vrbes dira</i>
<i>per Italas.</i> 286. |



POESIS

I

P O E S I S
P R O B I S E T P I I S
O R N A T A D O C V M E N T I S .
P R I M Æ V O D E C O R I
R E S T I T V E N D A .



*Q*uarentem viridi praeingere tempora
lauro,
Labraq; Pegasei tingere fontis
aquâ;

*Me vocat antiquo spoliata decore Poesis,
Seq; sacrâ forma luce carere dolet.
Qua loquitur, tacito mecum sub pectore voluo,
Lapsaq; sic recolens tempora iure quoror:
Cum vixit morum probitas, studiumq; pudoris,
Admisit Pindi nil, nisi casta, Chorus.*

A

Prisca

Prisca nouem Musas atas in vertice montis
Frondiserum lauris incoluisse nemus;
Has inter finxit modulantem carmina Phœbum,
Et blandam digitis increpuisse lyram:
Fontis & Aoni j puro diluta liquor
Vatum dulciloquos ora dedisse modos.
Præruptus quid apex montis, placidusq; recessus,
Quid lyra, quid Phœbus, Pieridesq; mouent
Arboreas inter frondes, cantusq; volucrum,
Et faciunt longam qua loca grata moram?
Semotus rerum strepitu, vulgiq; tumultu,
Artibus excultum quâ Labor curget opus,
Iucundâ specie, fontisq; optabilis undâ,
Per iuga difficilem suadet inire viam.
Quâ Labor optat amans dum fertur in aethera, numquâ
Decidua lauri Gloria fronde viuet.
Attamen obnubens illum sub nomine Phœbi,
Virginis hanc Daphnes fabula nota canit.

Quis

Quis blando cithara sonitu potuisse recludi
 Viventi inferna ferrea claustra domus?
 Quisnam tartareis reuocatam credat ab umbris
 Threiciꝝ precibus coniugis Euridicen?
 Humanos animos donec mortalia vinctos
 Corporis angusto carcere membra tenent;
 Non Stygiis ab aquis, nec Auernei clauditur antro,
 Sordibus at scelerum mens tenebrosa iacet:
 Non Acheronteis furius agitur, at Orci
 Assiduo premitur sollicitata metu,
 Hanc Erebi è septo,mersam caligine culpa,
 Vt rursus valeat libera luce frui,
 Aemula virtutum septem vis consona chordis
 Non cithara plectro, sed ratione vocat.
 Eximios Helicon specioso cortice sensus
 Abdidit, ut gemmas lucida concha tegit.
 Aetas posterior spreuit, qua tecta latebant;
 Extera perquirens, excipiensqꝫ sinu.

A 2

Dicitur

Dicitur hinc Nympha captus fugientis amor

Phœbus, & amplexu non potuisse frui;

Hinc pulchris Orpheus oculis arsisse puellæ,

Pro quâ non timuit Ditis adire fores.

Iuppiter ex alto pluvium de lapsus in aurum,

Hæc Danaës violat fraude pudicitiam:

Et speciem tauri, plumasq; indutus oloris,

Polluit Europa, Tyndareumq; thorum.

Quis ferat impuros Venerem Martemq; referri,

Vulcani captos implicitosq; dolis?

Hinc Juvenes proni in prævum, mala semina morum

Hauferunt animo, pestiferamq; lucem.

Proh scelus! hæc turpi diffundunt carmine priscis

Deterius, fîctos qui coluere Deos,

Nomine posthabito CHRISTI, ritusq; piorum,

Dum fœdis modulis flagitiosa canunt;

Cultores addunt Veneri, pubemq; pudicam

Dedecorum satagunt commaculare notis.

Sic

Sic falsos venerans olim gens impia Divos,

Quæ Crucis in Montis vertice truncus erat;

Cypridis erexit spiranti è marmore signum:

Hoc & Adoni simul te colere instituit.

O pictas Helena! CHRISTI sanctissima Cultrix

Hinc Crucis eiectum nescia ferre decus,

Emertens Veneris cultum, pia signa salutis

Egregiè structâ præcipit Aede coli.

Ter felix Helene, tanto dignata triumpho.

Proh quantus Veneri nunc renouatur honor!

Carmina perq̃, manus hominum, perq̃, ora, vagantes

Sunt statua, Aonius quas polit arte labor.

Quis nocuos tollet cultus ope carminis auctas,

Sensâ metro claudens, qua celebrata iuuent?

Cur magis oblectant lauri, felicior Arbos

Si Crux diuini pignus amoris habet?

Orpheu cur canimus, penetrantem ad tartara, Victor

Si spolians Erebum IESVS ad astra redit?

A 3

Te

*Te species mutata trahit? spectacula lucis
Et nix in CHRISTO dat tibi mira Thabor.
O mihi, qua profint, liceat diffundere cantu,
Sectanti veteres qua cecinere Patres.
Auspice quo? cuius nutum ductumq; sequatur
Mens mea, praeclarum qua meditatur opus?
Sit mihi Dux Moses, rubras ad littoris undas
Qui socios Phario duxit ab exilio,
Arida cum virga tactu vestigia linquens.
Inferni tutum per freta vidit iter,
Suspensosq; maris fluctus hinc inde relabi,
Absorptasq; rotas & Pharaonis equos.
Quas rerum Domino persolvit carmine grates,
Dum resonant hilari tympana quassa manu?
Ah pereat, castam quisquis violare Poësim
Audet, & è myrto nectere sarta comis.
Me trahat Isacia cupido pia Gloria palma,
Jordanisq; sacra qui fluit amnis aqua:
Sceptri fer*

Scep̄trifer hic mentem recreans testitudine Vates,

Rebus in aduersis triste leuabat onus:

Hac læsi meritam placauit Numinis iram,

Dum lacrymis mixtas fudit ab ore preces:

Hac Mundi nascentis opes celebrauit, & almas

Diuina laudes & benefacta manus.

ſam nouus ex imo cordis mihi proſilit hymnus,

Et Chelys Hebraea me rapit: cunus amor.

Fallor, an ex animis laſciui carminis ardor

Aufugit, & morum tabida peſtis abit?

Sic malus è Regis narratur corde Saülis

Spiritus expulſus corripuiſſe fugam:

Dirige iam dociles digitos Ieſſea Propago;

Dum mea dextra tuo pectine pulſat ebur.


ſtala tu mecum Pubes cape nobile plectrum,

Et monſtrum Iſaciâ perge fugare lyrà.

CAN.

CANTICVM MOYSIS

Exodi cap. xv.


1.  ANTEMVS Domino: gloriosè enim
magnificatus est, equum & ascen-
forem deiecit in mare.

2. Fortitudo mea, & laus mea Dominus, & fa-
ctus est mihi in salutem:

3. Iste Deus meus, & glorificabo eum: Deus
Patris mei, & exaltabo eum.

4. Do-

PARAPHRASIS
IN CANTICVM
MOYSIS.

1.  LORIAM cali Domino canamus:
Nam triumphalem referens honorem,
Hostium turmas, equites, equosq;
Obruit undis.

2. Tu meum robur, mea laus decusq;
Calitum Rector: mihi tu potenti
Dexterâ præbes opifer cupita
Dona salutis.

3. Tu Deus magnus, mea lux, Parentis
Tu mei Numen, Columénque rerum:
Te canet laudans mea vox, tibiq;
Tympana plaudent.

B

4. Eius

4. Dominus quasi vir pugnator, omnipotens nomen eius: Currus Pharaonis & exercitum eius proiecit in mare:
5. Electi Principes eius submersi sunt in Mari rubro. Abyssi operuerunt eos, descenderunt in profundum quasi lapis.
6. Dexterâ tuâ Domine magnificata est in fortitudine : dexterâ tuâ Domine percussit inimicum. Et in multitudine gloriæ tuæ deposuisti aduersarios tuos:
7. Misisti iram tuam, quæ deuorauit eos sicut stipulam. Et in spiritu furoris tui congregatæ sunt aquæ:
8. { Stetit vnda fluens, congregatæ sunt abyssi in medio mari.
Dixit inimicus: Persequar, & comprehendam, diuidam spolia, implebitur anima mea:
- Euagi-

4. *Eius, ut Dux omnipotens in armis
Nomen est: trudit Dominus phalanges
In mare, & fractos Pharaonis axes
Aequore mergit.*
5. *Sicut absorptum petit ima saxum;
Sic Ducum primi, & Comites, profundum
Gurgitis rubri subière hiatu
Vorticis hausti.*
6. *Viribus pollens tua Dextra, laudum
Emicat pulchrâ specie: Cohortes
Strauit aduersas: tua Dextra sanos
Perdidit hostes.*
7. *Sic eos, tamquam stipulam per agros
Flamma decurrens, tua deuorauit
Ira, suspensos pelagi relaxans
Flamine fluctus.*
8. *Vnda stat pendens (inimicus inquit)
Persequar, stringam gladium: precepti*

{ Euaginato gladio meo, interficiet eos manus mea.

9. Flauit spiritus tuus, & operuit eos mare: submersi sunt quasi plumbum in aquis uehementibus.

10. Quis similis tui in fortibus Domine? quis similis tui, magnificus in sanctitate, terribilis atque laudabilis. ^o faciens mirabilia?

11. Extendisti manum tuam, & deuorauit eos terra. Dux fuisti in misericordia tua populo quem redemisti.

{ Et portasti eum in fortitudine tua, ad habitaculum sanctum tuum.

12. { Ascenderunt populi, & irati sunt: dolores obtinuerunt habitatores Philisthiim.

13. Tunc

*Concident passim: satiabor cultus
Divite pradâ.*

9. *Spiritus flavit tuus, & repente
Defluens hostes aqua præliantes
Mersit ut plumbum, maris & sub imo
Condidit aluco.*

10. *Quis, Deus, bello tibi conferendus
Fortis? aut Sanctus probitate par sit.
Sed malos terres; faciensve mira
Protegis aquos?*

11. *Ad tui nutum digiti dehiscens:
Impios tellus rapit, & redemptus:
Te Ducem sectans populus viarum
Tuta capeſsit.*

12. *Hac tuo ductu subiens ad Aram,
Quæ tuum Nomen colit, ob dolorem
En Philisthaos gemitu frementes
Cernit, & irâ.*

13. Tunc conturbati sunt Principes Edom , robustos Moab obtinuit tremor : obriguerunt omnes habitatores Chanaan.

- Irruat super eos formido & pavor, in magnitudine brachij tui:
14. Fiant immobiles quasi lapis, donec pertranseat populus tuus Domine, donec pertranseat populus tuus iste, quem possedisti.

- Introduces eos , & plantabis in monte hereditatis tuæ, firmissimo habitaculo tuo
15. quod operatus es Domine:
16. Sanctuarium tuum Domine, quod firmauerunt manus tuæ : Dominus regnabit in æternum, & ultra.

17. Ingressus est enim eques Pharao cum curribus

13. *En Moabitis timor occupavit:*
Principes Edom trepidant: tenentur
Ceu gelu, durâ Chanaan coloni
Compede vincti.
14. *Irruens illos tua vis pauore*
Opprimat, donec pia Gens tuorum
Transseat: tamquam silices rigentes
Stent sine motu.
15. *Nos tui Montis tribuas in Aede*
Incolas poni, tibi quam parasti
Artifex, sedes ubi te colendum
Sacra moratur.
16. *Imperat Victor Dominus: superbos*
Conterens hostes, sibi dedicata
Adstitit Genti Deus, & perenne
Regnat in aevum.
17. *In rubri fluctus Pharaon quadrigas*
: Intulit Ponti: socios & arma

Sustulit

bus & equitibus eius in mare: & reduxit super eos Dominus aquas maris:

18. Filij autem Israël ambulauerunt per siccum in medio eius.

CANTICVM MOYSIS DEUTERONOMII XXXII.

1. **A** Vdite cæli quæ loquor, audiat terra verba oris mei.
2. Concresecat vt pluuiæ doctrina mea, fluat vt ros eloquium meum,
3. Quasi imber super herbã, & quasi stillæ super gramina. Quia nomen Domini inuocabo:
4. Date magnificentiam Deo nostro: Dei perfecta sunt opera, & omnes viæ eius iudicia:
5. Deus

*Sustulit Numen, solidi refusus
Gurgitis undis.*

18. *Mempheos frendens periit Tyrannus
Mersus: at sicco pede transierunt
Israël nati medium recisi
Per maris aquor.*

P A R A P H R A S I S
I N C A N T I C U M M O Y S I S.

1. **T**Erra meas audi voces, audite loquentem
Sidera. 2. Concrecant sensus mihi mentis, ut
imber,
Et fluat eloquium labiis, ceu roscidus humor,
3. Ac veluti pluvia super herbida pascua gutta:
Nam mea caelestis Regem vox innocat Aula.
4. Laude Deum cumulate: Dei sunt omnia partu
Edita perfecto, calles quibus ambulat omnes
C Indi-



5. Deus fidelis, & absque vllâ iniquitate, iustus & rectus. Peccauerunt ei, & non filij eius in fordibus:
6. Generatio praua atque peruersa. Hæccine reddis Domino, popule stulte & insipiens?
7. Numquid non ipse est pater tuus, qui possedit te, & fecit, & creauit te?
8. Memento dierum antiquorum, cogita generationes singulas:
9. Interroga patrem tuum, & annuntiabit tibi, maiores tuos, & dicent tibi.
10. Quando diuidebat Altissimus gentes: quando separabat filios Adam,
11. Constituit terminos populorum iuxta numerum filiorum Israël.
12. Pars autem Domini, populus eius: Iacob funiculus hereditatis eius.
13. Inuenit eum in terrâ desertâ, in loco horroris, & vastæ solitudinis:
14. Cir-

Judicium: 5. *Deus est iustus sine labe, fidemq̃*
Intactam servat: polluto sordibus almo
Nomine natorum venerandum crimine Nu-
men

- Laserunt*: 6. *Soboles diris obnoxia culpis*
Haccine pro meritis reddis malefana Parenti,
 7. *Qui te de nihilo produxit in aetheris oras?*
 8. *Progenies tecum priscas, annosq̃ voluta*
Prateritos: 9. *queras ab avis & patre, tibi-*
que
Concordes referent. 10. *Imum cum Rector O-*
lympi
Respicens orbem, natos secrevit Adami,
 11. *Disposito varias diuifit limite gentes*
Natorum iuxta numerum, quos edidit almus
Ifacides. 12. *Domini verò pars unus Jacob,*
Illius & populus: 13. *solis hunc vidit in aruis,*
Desertisq̃ locis trepido terrore pauentem,

14. Circumduxit eum, & docuit : & custodiuit
quasi pupillam oculi sui.
15. Sicut aquila prouocans ad volandum pullos
suos, & super eos volitans,
16. Expandit alas suas, & assumpsit eum, atque
portauit in humeris suis.
17. Dominus solus dux eius fuit: & non erat cum
eo deus alienus.
18. Constituit eum super excelsam terram : vt
comederet fructus agrorum,
19. Vt sugeret mel de petra, oleumque de saxo
durissimo:
20. Butyrum de armento, & lac de ouibus cum
adipe agnorum, & arietum filiorum Ba-
san:
21. Et hircos cum medulla tritici, & sanguinem
vux biberet meracissimum.
22. Incrassatus est dilectus, & recalcitrauit : in-
crassatus, impinguatus, dilatatus,
23. De-

14. Deduxitq; manu, tamquam nutricula, paruum
Infantem, tutatus eum cœu luminis orbes:
15. Ac veluti pullos animum Regina volatu
Prouocat, & sequitur circum volitantibus a-
lis,
16. Detulit imponens humeris: Deus unicus illi
17. Dux fuit, atque comes Domino deus exterius
vllus
Non erat. 18. Excelsos illum perduxit in agros,
Vt fructus ederet terra, 19. mellisq; liquorem
Rupibus ex altis, succumq; hauriret oliui,
20. Ex ouibus lactis latices, & ab ubere vacca
Butyrum, Basanq; hædis frueretur & agnis,
21. Ac flaua segetis granis albaq; medullâ,
Et bibulas vna saturaret sanguine venas.
22. Dilectus nimium populus, male gratus & ex-
cors
Impegit Domino, pinguis post hordea, calces

23. Dereliquit Deum factorem suum, & recessit à Deo salutari suo.
24. Prouocauerunt eum in diis alienis, & in abominationibus ad iracundiam concitauerunt.
25. Immolauerunt dæmoniis, & non Deo, diis quos ignorabant:
26. Noui recentefque venerunt, quos non coluerunt patres eorum.
27. Deum, qui te genuit, dereliquisti, & oblitus es Domini creatoris tui.
28. Vidit Dominus, & ad iracundiam concitatus est: quia prouocauerunt eum filij sui, & filiæ.
29. Et ait: Abscondam faciem meam ab eis; & considerabo nouissima eorum:
30. Generatio enim peruerfa est, & infideles filij.
31. Ipsi me prouocauerunt in eo qui non erat Deus, & irritauerunt in vanitatibus suis:
32. Et ego prouocabo eos in eo qui non est populus; & in gente stulta irritabo illos.
33. Ignis

23. *Terga Deo vertit, lucis qui tradidit omni
Vsuram, & vita spirantes indidit auras,
Deseruit Dominum galeam clypeumq; salutis.*
24. *Huic acrem cultu bilem mouere nefando,
Proh scelus! ²⁵ & spreto caelestis Numine Regis:
Ignotos coluere deos, & damonis aras:*
26. *Dij nuper Venere noui, quos ritus auorum
Nesciit. ²⁷ Aeternum liquisti perfide Numen,
Cuius opus viuas, cuius tibi dextera vastam
Inseruit paruo conclusam corpore mentem.*
28. *Aspexit Dominus, stimulis & concitus ira
Intumuit, fixitq; grauem sub pectore noxam
Natorum; ²⁹ dixitque: Mei iubar oris ab illis
Auertam, crimen perpendam mente supremum:*
30. *Perdita flagitiis, exlex, infidaq; proles,*
31. *Irritant animum falsi mihi numinis aris:*
32. *Alter & ascitus populus mihi prouocet illos,
Qui modo non compos mentis despectus ineptit.*
33. *Ignis*

33. Ignis succensus est in furore meo, & ardebit
vsque ad inferni nouissima:
34. Deuorabitque terram cum germine suo, &
montium fundamenta comburet.
35. Congregabo super eos mala, & sagittas meas
complebo in eis.
36. Confumentur fame, & deuorabunt eos aues
morsu amarissimo:
37. Dentes bestiarum immittam in eos, cum fu-
rore trahentium super terram, atque ser-
pentium.
38. Foris vastabit eos gladius, & intus pauor: iu-
uenem simul ac virginem, lactentem cum
homine sene.
39. Dixi: Vbinam sunt? cessare faciam ex homi-
nibus memoriam eorum.
40. Sed propter iram inimicorum distuli: ne for-
tè superbirent hostes eorum,
41. Et dicerent: Manus nostra excelsa, & non Do-
minus, fecit hæc omnia.

33. *Ignis inardescet , iustaꝝ incensus ab irâ
Excurreret rapidis terra sub viscera flammis,*
34. *Hauriet & terram viridi cum germine, montes
Funditus exuret. ³⁵ Turmas aciesꝝ malorum
In caput illorum cogam , cunctasꝝ sagittas .
E pharetrâ fundam. ³⁶ Macie duraꝝ peribunt
Esurie , volucrum laniati prada iacebunt:*
37. *Letiferis illos serpentum dentibus escam
Obiiciam , sanisꝝ feris , rabidisꝝ molossis.*
38. *Extera vastabit gladius , paupor intima carpet:
Lactentes pueros absumam cade , senésque
Pubentes iuvenes simul , innuptasꝝ puellas.*
39. *Dixi: Quò fugiunt ? ubi sunt ? mea conteret illos
Dextera , nec nomen posthac memorabitur us-
quam.*
40. *Sed mea se differt , inhibens sententia motum,
Ne forsân tumidis insultent cordibus hostes,*
41. *Et dicant : Virtutis opus sunt omnia nostra;*

D Non

42. Gens absque consilio est, & sine prudentia.
Vtinam sciperent, & intelligerent, ac nouissima prouiderent!
43. Quomodo persequatur vnus mille, & duo fugent decem millia?
44. Nónne idè, quia Deus suos vendidit eos, & Dominus conclusit illos?
45. Non enim est Deus noster vt dij eorum: & inimici nostri sunt iudices.
46. De vinea Sodomorum, vinea eorum, & de suburbanis Gomorrhæ:
47. Vua eorum vua fellis, & botri amarissimi.
48. Fel draconum vinum eorum, & venenum aspidum insanabile.
49. Nónne hæc condita sunt apud me, & signata in thesauris meis?
50. Mea est ultio, & ego retribuam in tempore, vt labatur pes eorum:

§ 1. Iuxta

*Non hac gesta manu Domini. 42. Gens indigna
mentis,*

*Prudentes utinam saperent, supremaq₃ sano
Prospicerent animo! 43. Trepidat ut mille cohortes
Vna fuget? 44. Nisi quod vincat Deus ipse deo-
rum*

Tradidit addicens immitis more catasæ.

45. *Non ut dij reliqui, pictum seu sculptile Numen,
Iordanis Deus omnipotens in sacula vivit:
Noster & est iudex hostis. 46. Ceu vinea sacris
In Sodoma campis, illorum vinea fundit*

47. *Felle graves vuas, & amarâ bile racemos,*

48. *Fel colubri specie vini, sanieq₃ draconum,
Aspidis & virus nullis sanabile succis.*

49. *Creditis hac forsân nobis ignota latere?
Nonne meos inter thesauros condita seruo?*

50. *Me decet ultrices in tempore sumere pœnas,
Vosq₃ manet, certo sternat qui funere, lapsus.*

D 2

51. Exi-

51. Iuxta est dies perditionis, & adesse festinant tempora.
52. Iudicabit Dominus populum suum, & in seruis suis miserebitur.
53. Videbit quòd infirmata sit manus, & clausi quoque defecerunt, residuique consumpti sunt.
54. { Et dicet: Vbi sunt dii eorum, in quibus habebant fiduciam?
55. { De quorum victimis comedebant adipēs, & bibebant vinum libaminum:
56. { Surgant, & opitulentur vobis, & in necessitate vos protegant.
57. Videte quòd ego sim solus, & non sit alius Deus præter me.
58. Ego occidam, & ego viuere faciam: percutiam, & ego sanabo, & non est qui de manu mea possit eruere.
59. Leuabo ad cælum manum meam, & dicam: Viuo ego in æternum.
60. Si acuero vt fulgur gladium meum, & arripuerit iudicium manus mea:

51. *Exitij tempus pernicibus aduolat alis:*
 52. *Isacida populum peruerso corde rebellem*
Puniet, & seruis Dominus miserebitur Ultrò.
 53. *Aspiciet languere manum sub pondere belli,*
Atque fame absumi reliquos munimine clausos:
 { *Et dicet: Veniant, & opem in discrimine vobis*
 54. *Numina vestra ferant, quorum vos robore freti*
 55. *Militia nomen dederatis, & arma tulistis:*
 56. *Adueniant, ubi sunt? quorū dedit hostia vobis*
 { *Tosta cibos, dulcemq; meri libamina potum.*
 57. *Ecce ego sum solus; nullus Deus omnia nutu*
Temperat, æternum regnans, me præter, in auum.
 58. *Mors & vita mihi parent: sum vulneris au-*
ctor;
Non oberit quisquam, libeat si ferre salutem.
 59. *Ecce manum tollam, dicens: In sacula uiuo.*
 60. *Exacuum gladium flammantis fulguris instar:*
Iudicium arripiet directo cuspidis ictu

61. Reddam ultionem hostibus meis, & his qui
oderunt me retribuam.
62. Inebriabo sagittas meas sanguine, & gladius
meus deuorabit carnes,
63. De cruore occisorum, & de captiuitate, nu-
dati inimicorum capitis.
64. Laudate gentes populum eius, quia sangui-
nem feruorum suorum vlciscetur.
65. Et vindictam retribuet in hostes eorum, &
propitius erit terræ populi sui.
- Gloria Patri, & Filio, & Spiritui sancto.
- Sicut erat in principio, & nunc, & semper: &
in sæcula sæculorum. Amen.



CAN-

*Dextra; ⁶¹ meos vindex arcum protendet in ho-
stes:*

62. *Ebria voranti stillabunt tela cruore:*

Et gladius carnes hostili dente vorabit:

63. *Nudati primum capitis, captivaq; cadet*

Agmina, qua victis nexum sensere lacertis.

64. *Illius populum gentes laudate; suorum*

Nam meritas sumet iusto pro sanguine pœnas,

65. *Et debellatos vindictâ comprimet hostes,*

Præsentiq; suam defendet Numine gentem.

Supremo sit honor Patri, sit gloria Nato,

Spirituq; decus, quibus est aterna potestas.



IN

CANTICVM ANNÆ.

I. REGVM II.

1. **E**Xultauit cor meum in Domino, & exaltatum est cornu meum in Deo meo.
2. Dilatum est os meum super inimicos meos: quia lætata sum in salutari tuo.
3. Non est sanctus, vt est Dominus: neque enim est alius extra te, & non est fortis sicut Deus noster.
- 4. Nolite multiplicare loqui sublimia, gloriantes.
5. Recedant vetera de ore vestro: quia Deus scien-

IN CANTICVM ANNÆ
P A R A P H R A S I S.

1. **O** *Quam latitiam mens mea percipit
In te, siderei Verticis Arbiter!
Auctam me decoras prole Deus meus,
Et munimine roboras.*
2. *Exultans meritò te canit os meum,
Liuorisq; vigor frangitur amulis,
Cum genti fauceas, atque meum tibi
Sit cordi decus & salus.*
3. *Non te sanctor est, sine potentior
Quisquam, qui facilem pollicitis fidem
Seruet. 4. Jam pereat gloria femina
Qua voces dedit inuidas.*
5. *Non est, quod sterilem me vocet amplius:
Obiecit veterem dedecoris notam*

E

Nuper,

scientiarum Dominus est, & ipsi præparantur cogitationes.

6. Arcus fortium superatus est, & infirmi accincti sunt robore.
7. Repleti priùs, pro panibus se locauerunt: & famelici saturati sunt,
8. Donec sterilis peperit plurimos: & quæ multos habebat filios, infirmata est.
9. Dominus mortificat, & viuificat; deducit ad inferos, & reducit.
10. Dominus pauperem facit, & ditat; humiliat, & subleuat.
11. Suscitatur de puluere egenum, & de stercore eleuat pauperem:
12. Vt sedeat cum principibus, & solium gloriæ teneat.

13. Do-

*Nuper ; sed Dominum non latuit Deum,
Mentis qui videt abdita.*

6. *Arcu deposito succubuit manus
Bellatrix, animis debiliū data
Sunt vires. 7. dapibus qui fuerat satur,
Vulgi panibus indiget;
Jejunum satiant fercula dapifilis
Mensa: ^{8.} sic sterilem progenies beat;
Et fecunda prius, nunc sterilis dolet
Raptos funere filios.*

9. *Mortales Dominus ducit ad inferos,
Quos illinc subito, si libet, eripit;
Immittit tenebras mortis, & aureum
Vita restituit iubar.*

10. *Quosdam pauperie deprimit, inelytis
Illos diuitiis auget, & exultat.*

11. *Atque hunc ex humili Regibus inserit,*

12. *Auro & murice fulgidum.*

13. Domini enim sunt cardines terræ, & posuit
super eos orbem.
14. Pedes sanctorum suorum seruabit, & impij
in tenebris conticescent: quia non in forti-
tudine sua roborabitur vir.
15. Dominum formidabunt aduersarij eius: &
super ipsos in cælis tonabit:
16. Dominus iudicabit fines terræ, & dabit im-
perium regi suo, & sublimabit cornu Chri-
sti sui.



PSAL-

13. *Nam quà lux oritur solis, & occidit,
Tellus est Domini, quà pelagi patent
Tractus, & gemino cardine nititur
Calum sidera deferens.*
14. *Iustum propitio Numine proteget,
Et noctis tenebris occulet impium:
Frustrà vir proprio robore pradtus
Vltricem fugiet manum.*
15. *En aduersa paucet turma nocentium;
E calo Domini vox tonat, ^{16.} & simul
Iudex Christus adest, sceptraq; tradita
Sumens, omnibus imperat.*



P S A L M V S

P R I M V S.

1. **B**Eatus vir, qui non abiit in consilio impiorum, & in via peccatorum non stetit, & in cathedra pestilentiae non sedit:

2. Sed in lege Domini voluntas eius, & in lege eius meditabitur die ac nocte.

3. Et erit tamquam lignum, quod plantatum est secus decursus aquarum, quod fructum suum dabit in tempore suo:

Et folium eius non defluet: & omnia quaecumque faciet, prosperabuntur.

4. Non

IN PSALMVM PRIMVM

P A R A P H R A S I S.

1. **O** Ter beatus, qui fugit integer
 Mores profanos, nec stetit in viri
 Viâ scelesti; quig, inire
 Pestiferam renuit cathedram:

2. Hic, seu coruscum sol iubar exerit,
 Sen nox tenebris aëra contegit,
 Caelestis è legis tenore
 Iussa Dei meditans capeffet;

3. Eritq, ut arbor, qua prope riuuli
 Labentis undam floruit, uberes
 Edens suam fetus sub horam
 Fructiferis opulenta ramis,
 Quam frondium non deficiet vigor:
 Et qualibet, qua fecerit, omnia

Felicitet

4. Non sic impij, non sic: sed tamquam pulvis,
quem proiicit ventus à facie terræ.
5. Ideò non resurgent impij in iudicio: neque
peccatores in concilio iustorum.
6. Quoniam nouit Dominus viam iustorum: &
iter impiorum peribit.

P S A L M V S CXVI.

1. **L** Audate Dominum omnes Gentes: lauda-
te eum omnes populi:

2. Quo-

*Feliciter cedent, superni
Numinis auxilio fauente.*

4. *Non sic iniquus, sed velut impetu
Abreptus Eurï pulvis in aëra
Vanesce't, exturbatus aquo
Iudicio athereis ab oris,*
5. *Longè à beatis extibus exulans.*
6. *Patris supremi luminibus c'ia
Est nota iustorum, perenni
Impius interitu peribit.*

IN PSALMVM CXVI.

P A R A P H R A S I S.

1. **L** *Audate Regem siderum
Gentes per Orbem disita:
Omnes & populi canant
Dia laudis honores:*

F

2. *Nam*

2. Quoniam confirmata est super nos misericordia eius : & veritas Domini manet in æternum.

3. Gloria Patri, & Filio, & Spiritui sancto.

Sicut erat in principio, & nunc, & semper:
& in sæcula sæculorum. Amen.

PSALMVS CXXXVI.

1. **S**Vper flumina Babylonis, illic sedimus & fleuimus; cùm recordaremur Sion:
2. In falicibus, in medio eius, suspendimus organa nostra.
3. Quia illic interrogauerunt nos, qui captiuos duxerunt nos, verba cantionum:

Et

2. *Nam perstat eius efficax
Nos protegens clementia,
Inconcussa^q veritas
Omni permanet auro.*
3. *Patri , simulq³ Filio,
Tibi^que , sancte Spiritus,
Nunc sit , iugiter ut fuit,
Omni gloria saclo.*

IN PSALMVM CXXXVI.
PARAPHRASIS.

1. **S***Edimus in ripis flentes , Babylonis ad amnem,
Dum memores Solyma nos pia cura subit:*
2. *Hic taciti salicum suspendimus organa ramis,
Exosi mixtis verba cie^{re} sonis.*
3. *Carmina suadebat nobis , qua compede vinctos .
Nos patrio abduxit de lare sana cohors:*

F 2

Flex-

Et qui abduxerunt nos : Hymnum cantate
nobis de canticis Sion.

4. Quomodo cantabimus canticum Domini in
terra aliena ?

5. Si oblitus fuero tui Ierusalem, obliuioni de-
tur dextera mea.

6. Adhæreat lingua mea faucibus meis, si non
meminero tui :

Si non proposuero Ierusalem, in principio
lætitiæ meæ.

7. Memor esto Domine filiorum Edom, in die
Ierusalem :

Qui dicunt : Exinanite, exinanite vsque ad
fundamentum in ea.

8. Filia Babylonis misera : beatus, qui retribuet
tibi retributionem tuam, quam retribuisti
nobis.

9. Beatus, qui tenebit, & allidet paruulos tuos
ad petram.

10. Glo-

Flexanimum nobis modulantes dicite carmen,

Quod cantare sacrâ suavit in ade Sion.

4. *Quî Domini vox nostra pio modulamine dias*
Externâ laudes in regione canet?
5. *Non delenda meam teneant obliuia dextram,*
Si fuero oblitus sacra tui Solyma.
6. *Deficiat mea lingua meis in faucibus harena,*
Si non grata tui mens crit usque memor:
Si qua mei poterunt admittere gaudia sensus,
Qua pluris faciens te potiora rear.
7. *Gentis Edom fixam condas in pectore noxam,*
Nec fugiat Solyma te truculenta dies:
Nam genus infandum frendens, Exscindite, dixit,
In praeceptis donec funditus acta ruat.
8. *Infelix Babylon, felix quicumque rependet*
Digna tua vindictae praemia sentit:
9. *Ter felix, quacumque tuos ex ubere raptos*
Allidet saxis fœda cruore manus.

10. Gloria Patri, & Filio, & Spiritui sancto.

Sicut erat in principio, & nunc, & semper:
& in sæcula sæculorum. Amen.

CANTICVM EZECHIÆ
EX ISAIAE XXXVIII.

1. **E**Go dixi : In dimidio dierum meorum vadam ad portas inferi.

2. Quæsiui residuum annorum meorum. dixi:
Non videbo Dominum Deum in terra viventium.

Non aspiciam hominem vltra, & habitatorem quietis.

3. Generatio mea ablata est, & conuoluta est à me, quasi tabernaculum pastorum.

Præcisa

10. *Aeterno sit honor Patri, sit gloria Nato,
Et tibi perpetuum Spiritus alme decus.*

IN CANTICVM EZECHIAE

P A R A P H R A S I S.

1. **I**N medio vitæ cursu mea deficit atas:
Amica, dixi, me cadens lux deseret?
Infernasq; domos subeam? 2. Quò protinus, in-
quam,
Reliqua meorum pars dierum transfugit?
Non te viuentes inter mea lumina cernent,
Tuumq; templum, conditor cali Deus:
Non dabitur posthac hominis mihi cernere vul-
tum,
Nec, qui beata Aedem quietis incolit.
3. *Abripitur mea progenies: nam Regia, qua stat
In me, domus conuoluitur; plicatilis*

Cen

Præcisa est velut à texente , vita mea : dum
adhuc ordirer , succidit me : de manè vsque
ad vesperam finies me :

4. Sperabam vsque ad manè , quasi leo sic contriuit omnia ossa mea :
5. De manè vsque ad vesperam finies me : sicut pullus hirundinis sic clamabo , meditabor vt columba .

Attenuati sunt oculi mei , suspicientes in excelsum :

6. Domine vim patior , responde pro me . Quid dicam , aut quid respondebit mihi , cùm ipse fecerit ?

Recogitabo tibi omnes annos meos in amaritudine animæ meæ .

7. Domine si sic viuitur , & in talibus vita spiritus mei , corripies me , & viuificabis me .

8. Ecce

Ceu casa pastorum: subito mihi vita recisa est;

Sic orsa textricis secat telam manus.

Manè prait; propero vesper iam lumine fulget:

Instatq³ lucis tam citò finis mea?

4. *Sperabam, meliora dies ut postera ferret;*

At comminuta ceu leonis dentibus

Sunt mihi compages, contritâq³ corporis ossa:

5. *Heu manè viuens non videbo vesperam?*

Vox questus cohibere nequit: sic stridet hirundo:

Sono columba lugubri sic ingemit.

Languida suspiciunt solum mea lumina calum:

6. *Me, summe rerum Reſtor, ut vis opprimit!*

O mihi dexter ades: quid poſſim dicere? preſtas

Maius petitis: membra morbus deſerit.

Iugiter exactos animus meditabitur annos,

Fundens amaras præ dolore lacrymas.

7. *Sic Deus, ut vinam tribuis? ſi vita mei ſic*

Eſt ſpiritus, me, viuus ut ſim, corripe.

G

8. Ecce

- ⁸. Ecce in pace amaritudo mea amarissima.
9. Tu autem eruisti animam meam, vt non periret, proiecisti post tergum tuum omnia peccata mea.
10. Quia non infernus confitebitur tibi, neque mors laudabit te: non expectabunt qui descendunt in lacum, veritatem tuam.
11. Viuens viuens ipse confitebitur tibi, sicut & ego hodie: pater filiis notam faciet veritatem tuam.
12. Domine saluum me fac, & psalmos nostros cantabimus cunctis diebus vitæ nostræ in domo Domini.
13. Gloria Patri, & Filio, & Spiritui sancto.
Sicut erat in principio, & nunc, & semper: & in sæcula sæculorum. Amen.

CAN-

8. *Ecce venit pax alma , fauis mihi dulcior Hy-
bla*

Meus est amaror usquequaque amarior.

9. *Nam tua me sana rapuit clementia morti:*

Proiecit hac post terga molem criminum,

*Quâ suavam grauis. ^{10.} An laudans hac dicat
Auerni*

Superbus hospes ? anne spes in te locet?

11. *Hic tua facta canet uiuens , ut carmine dicam*

Et ipse , dicet & pater nepotibus.

12. *Me Deus incolumem serua: dum vita manebit*

Tuos honores pleetra nostra concinent:

Concentuq₃ pio resonabunt atria Templi,

Litat ubi supplex victimas tibi Sion.

13. *Aeterno sit honor Patri , sit gloria Nato,*

Tibiq₃ laus decusq₃ sancte Spiritus.

CANTICVM ISAIAE

CAP. XII.

1. **C**onfitebor tibi Domine, quoniam iratus es mihi: conuersus est furor tuus, & consolatus es me.

2. Ecce Deus Saluator meus, fiducialiter agam, & non timebo:

3. Quia fortitudo mea & laus mea Dominus: & factus est mihi in salutem.

4. Haurietis aquas in gaudio de fontibus Saluatoris: & dicetis in illa die: Confitemini Domino, & inuocate nomen eius:

5. Notas facite in populis adinventiones eius: mementote quoniam excelsum est nomen eius.

6. Can-

IN CANTICVM ISAIAE
PARAPHRASIS.

1. **F** *Affixis potentem dexteram, Rex calitum,
Tuam canam clementiam:*

*Afflixeras adactus ira turbine,
Me nunc benignus recreas:*

2. *Deus ecce Saluator meus, non terrear
In posterum, fidens agam.*

3. *Dominus mihi dat robur afferens decus,
Et factus est mihi salus.*

4. *Saluabit omnes: illius de fontibus
Haurite aquas in gaudio.*

*Dicetis, illa cum dies illuxerit,
Domini canentes gloriam.*

5. *Eius referte inuenta Nationibus
Terra per Orbem dissemitis.*

G 3

Hunc

6. Cantate Domino, quoniam magnificè fecit:
annuntiate hoc in vniuersa terra.
7. Exulta, & lauda habitatio Sion: quia magnus
in medio tui sanctus Israël.

CANTICVM HABACVC

C A P. I I I.

1. **D**omine audiui auditionem tuam, & timui.
2. Domine opus tuum, in medio annorum viuifica illud.
3. In medio annorum notum facies: cum iratus fueris, misericordiæ recordaberis.
4. Deus ab Austro veniet, & Sanctus de monte Pharan:
5. Operuit cælos gloria eius: & laudis eius plena est terra.
6. Splen-

*Hunc innocate, ab ore laudes fundite,
Nam Nomen eius inclytum.*

6. *Cantate, nam præclara patrauit potens;
Narrate Mundi finibus.*

7. *Lauda Sion, latare; nam tibi fauct,
Adestq; sanctus Israël.*

IN CANTICVM HABACVC PARAPHRASIS.

1. **Q***ua Pater omnipotens olim promissa dedisti
Audiui, timuiq; simul. 2. Tua dextera mi-
rum*

*Struxit opus, firmans facias ut tempore certo
Prodeat, 3. & notum pateat: Clementia, iustis
Posthabitis ira causis, feret inclyta palmam.*

4. *Ex Austro Deus, & Sanctus de culmine Pharaa
Adueniet: 5. fulgens diffuso lumine complet*

Laus

6. Splendor eius vt lux erit: cornua in manibus eius:
7. Ibi abscondita est fortitudo eius: ante faciem eius ibit mors.
8. Et egredietur diabolus ante pedes eius. Stetit, & mensus est terram.
9. Aspexit, & dissoluit Gentes: & contriti sunt montes sæculi.
10. Incuruati sunt colles mundi, ab itineribus æternitatis eius.
11. Pro iniquitate vidi tentoria Æthiopiæ, turbabuntur pelles terræ Madian.
12. Numquid in fluminibus iratus es Domine? aut in fluminibus furor tuus? vel in mari indignatio tua?
13. Qui ascendes super equos tuos: & quadrigæ tuæ saluatio.

14. Suf-

Laus eius terra tractus, & gloria calum.

6. *Eius erit splendor, veluti lux: summa potestas
Ex utrâque manu fundetur: 7. ab hisce salutem
Vis inuicta latens mortalibus adferet agris:
Ante pedes eius languens, lorisq; reuincta
Mors ibit, 8. victusq; tremet regnator Aucrni.
Dum stetit, est mensus terram, spoliisq; potitus,
Qua dudum tenebris infernum clauserat antrum.*
9. *Aspiciens populos soluit, montesq; supremos
Attrinit; 10. collesq; caput flexere genûque,
Illius aternos gressusq; viasq; videntes.*
11. *Nequitia Aethiopes vidi sceleriq; fauere:
Sed terra Madian tentoria turbabuntur.*
12. *An tuus è fluuiis feruens ruct impetus ira,
Ceu quondam, Pater Alme, rubri vel ab aquo-
ris undis?*
13. *Qui salices in equos, tribuas ut dona salutis,
Quam deferre tua cernentur ponè quadriga.*

H

14. Pa-

14. Suscitans suscitabis arcum tuum, iuramenta
tribubus quæ locutus es:
15. Fluuios scindes terræ: viderunt te, & dolue-
runt montes: gurges aquarum transiit.
16. Dedit abyssus vocem suam: altitudo manus
suas leuauit.
17. Sol & luna steterunt in habitaculo suo, in lu-
ce sagittarum tuarum, ibunt in splendore
fulgurantis hastæ tuæ.
18. In fremitu conculcabis terram: & in furore
obstupefacies Gentes.
19. Egressus es in salutem populi tui, in salutem
cum Christo tuo:
20. Percussisti caput de domo impij: denudasti
fundamentum eius vsque ad collum.
21. Maledixisti sceptris eius, capiti bellatorum
eius, venientibus vt turbo ad dispergen-
dum me.

22. Exul-

14. *Pacificum extolles iurati fœderis arcum,*
 15. *Et fluuios terra scindes; montesq; tuentes*
Te superum Dominum, capti mœrore dolebunt.
Transiit effusus tumidarum gurgēs aquarum:
 16. *Extulit ex imo latas domus infera Voces,*
Et manibus plausit sublimis Regia cali.
 17. *Sol & Luna suis stabunt in sedibus; ibunt*
Igniti in morem iaculi, lucemq; ferentis,
Vt tua praeſulgens qua cuspide fulgurat haſta.
 18. *Protinus attonitam quaties formidine terram,*
Proſterneſq; graui Gentes correptus ab irâ;
 19. *Egrediens, populū ut inſtum tua dextera ſeruet,*
Securumq; malis ſubducas vindice Chriſto.
 20. *Deleſti caput infeſtum quod protulit Orcus,*
Funditus exſcindens talos, collumq; ſuperbum:
 21. *Illius ablato ſceptro, & ditione ſubactâ,*
Agmina fudiſti, cadens equiteſq; ducēſque,
Vt me protererent venientes turbinis inſtar.

22. Exultatio eorum, sicut eius qui deuorat pauperem in abscondito.
23. Viam fecisti in mari equis tuis, in luto aquarum multarum.
24. Audiui, & conturbatus est venter meus: à voce contremuerunt labia mea.
25. Ingrediatur putredo in ossibus meis, & subter me scateat.
26. Vt requiescam in die tribulationis: vt ascendam ad populum accinctum nostrum.
27. { Ficus enim non florebit: & non erit germen in vineis.
28. { Mentietur opus oliuæ: & arua non afferent cibum.
29. Abscindetur de ouili pecus: & non erit armentum in præsepibus.
30. Ego autem in Domino gaudebo: & exultabo in Deo IESV meo.
31. Deus Dominus fortitudo mea: & ponet pedes meos quasi ceruorum.

22. *Latitia illorum, qualis solet esse potentis*
Qui spolians inopem clam prædâ gaudet abactâ.
23. *Vndarum fremitu spreto, limoq³ tenaci,*
Est ab equis reclusa tuis via lata per aquor.
24. *Audiui, subitoq³ metu mihi viscera motus*
Perculit: ad vocis tremuerunt labra fragorem.
25. *Putrescant, precor, ossa mihi, scateamq³ sepultus*
Vermibus: ²⁶ ut veniente die terroris in altum
Ascendam, & socius nostris pugnare paratis
Adnumerer: Termes siquidem sterileſcet olina:
27. *Non edet mendax ficus, neque vinca fetus;*
28. *Culta nec arua ferent promissam in tempore*
messem.
29. *Abscissum pecus è sepris, raptumq³ peribit;*
Armento vastatus ager, caulatq³ carebunt.
30. *Ast ego latabor: Domini fruar ore, Deumq³*
Te IESV aspiciam. ³¹ IESV mihi roboris auctor
Tu pedibus tribues cursum protendere cerni

32. Et super excelsa mea deducet me victor in
Psalmis canentem.

C A N T I C V M
TRIVM PVERORVM
D A N I E L I S III.

1. **B**enedictus es Domine Deus patrum nostro-
rum, & laudabilis, & gloriosus, & super-
exaltatus in sæcula: & benedictum nomen
gloriæ tuæ sanctum, & laudabile, & super-
exaltatum in omnibus sæculis.

2. Benedictus es in templo sancto gloriæ tuæ, &
superlaudabilis, & supergloriosus in sæcula.
Benedictus es in throno regni tui, & super-
laudabilis, & superexaltatus in sæcula.

3. Benedictus es, qui intueris abyssos, & sedes
super Cherubim, & laudabilis, & superex-
altatus in sæcula.

Benedictus es in firmamento cæli, & laudabi-
lis, & gloriosus in sæcula.

4. Bene-

*Præpetis in morem : 3^a subeant ut culmina,
victor*

Tu sacra me cali duces ad templa canentem.

PARAPHRASIS
IN CANTICVM
TRIVM PVERORVM.

1. **T**E rerum Dominum, te Deus Isaci
Aeterna canimus laudis honoribus:
Tollit nostra tuum nomen in aethera
Vox concors. 2^a Solio qui super aureo,
Ut fons perpetuos undique gloria
Diffundis radios: 3^a & super Angelos,
Et supra Cherubin, innumerabiles
Annorum in series omnia temperans,
Supremo resides lucis in ambitu,
Et terra latebras inspicis abditas.

4. Vos,

4. Benedicite omnia opera Domini Domino:
laudate, & superexaltate eum in sæcula.
5. Benedicite Angeli Domini Domino : benedi-
cite cæli Domino.
6. Benedicite aquæ omnes, quæ super cælos sunt,
Domino : benedicite omnes virtutes Domi-
ni Domino.
7. Benedicite Sol & Luna Domino : benedicite
stellæ cæli Domino.
8. Benedicite omnis imber & ros Domino : be-
nedicite omnes spiritus Dei Domino.

Benedicite ignis & æstus Domino : benedicite
frigus & æstus Domino.

Benedicite rores & pruina Domino : benedi-
cite gelu & frigus Domino.

9. Bene-

4. *Vos, qua Mens Domini condidit, omnia
Aeternam Domini dicite gloriam,
Illum perpetuis tollite laudibus.*
5. *Astrorum Domino plaudite Calites,
Stellantes Dominum dicite cunctos.*
6. *Calesti Dominum psallite murmure
Qua convexa super sidera sunt aquae:
Virtutes Domini qualibet inclytis
Cantantes Dominum tollite laudibus.*
7. *Sol tu, qui radiis tempora cingeris,
Tu, cuius facies lumine mutuo
Fulget, Luna, Dei dicite gloriam:
Regem Calicolum dicite sidera.*
8. *Ros, imber, pluvia, flamina, turbines
Aeternis Dominum tollite laudibus:
Aestas, ignis, hiems, frigora, grandines,
Nix, qua cum glacie in montibus albicas,
Et vos cana gelu gramina roscido.*

9. Benedicite glacies & niues Domino: benedicite noctes & dies Domino.

Benedicite lux & tenebræ Domino: benedicite fulgura & nubes Domino.

10. Benedicat terra Dominum: laudet & superexaltet eum in sæcula.

11. Benedicite montes & colles Domino: benedicite vniuersa germinantia in terra Domino.

12. Benedicite fontes Domino: benedicite maria & flumina Domino.

13. Benedicite cete, & omnia quæ mouentur in aquis, Domino: benedicite omnes volucres cæli Domino.

14. Benedicite omnes bestię & pecora Domino: benedicite filij hominum Domino.

15. Benedicat Israël Dominum: laudet & superexaltet eum in sæcula.

16. Benedicite Sacerdotes Domini Domino: benedicite serui Domini Domino.

17. Benedicite spiritus & animæ iustorum Domino:

9. *Acternam Domini dicite gloriam:*
Noctes cum tenebris, luce dies micans,
Et vos cum lenibus fulgura nubibus
Acternis Dominum tollite laudibus.
10. *Tellus cum viridi germine frondium,*
11. *Colles frugiferi, culmina montium,*
Et gemmata novis prata coloribus,
Vnarumq; gravis vinea fetibus,
Acternam Domini dicite gloriam.
12. *Fontani latices, flumina, ceruli*
Fluctus, ¹³ Et soboles humida piscium,
Et vos o volucres aetheris incola,
Acternis Dominum psallite cantibus.
14. *Vos omnes pecudum cum grege bestia,*
Vos proles hominum, ¹⁵ Vos domus Israël,
16. *Et vos, qui Dominum sanguine victima*
Placatis, Domini dicite gloriam.
17. *Vos, quorum pietas, puraq; sanctitas,*

mino : benedicite sancti & humiles corde
Domino.

18. Benedicite Anania, Azaria, Misaël Domino:
laudate & superexaltate eum in sæcula:

19. Quia eruit nos de inferno, & saluos fecit de
manu mortis, & liberauit nos de medio
ardentis flammæ, & de medio ignis eruit
nos.



CAN-

*Et recti studium moribus integris
Aeterno Domino reddit amabiles,
Aeternis Dominum tollite laudibus.*

18. *Concordis modulo vocis Anania,
Et vos Azaria & Misaël intimas
Cantantes Domino soluite gratias:*
19. *Nam vos ex Erebi faucibus abstulit,
Nam vos eripuit mortis ab unguibus,
Nam vos è mediis eruit ignibus.
Immensas Domino reddite gratias,
Latis unanimes plaudite vocibus,
Latanti Dominum dicite carmine,
Aeternam Domini dicite gloriam,
Aeternis Dominum tollite laudibus.*

*{ Vos, quorum pietas reddit amabiles,
Aeternis Domino laudibus inclyto,
Concordes Dominum psallite cantibus.
{ Non ut dij reliqui; solus in aureo*

CANTICVM
BEATÆ MARIÆ VIRGINIS
LVCÆ CAP. I.

1. **M**agnificat anima mea Dominum:

Et exultauit spiritus meus in Deo salutari
meo.

2. Quia respexit humilitatem ancillæ suæ : ec-
ce enim ex hoc beatam me dicent omnes
generationes.

3. Quia

*Sublimis solio , subdita temporis
Frontem & terga premens regnat , & infima
Terrarum placido lumine respicit.*

IN CANTICVM
BEATÆ MARIÆ VIRGINIS
PARAPHRASIS.

1. **A** *D astra Regem calitum
Tollit meum cor laudibus:*

*Et in Deo , qui detulit
Mihi salutem , gestiens
Exultat usque spiritus.*

2. *Placido suam nam lumine
Famulam benignus respicit:
Meam canent in sacula
Beatitatem posteri.*

3. *Me,*

3. Quia fecit mihi magna qui potens est , & sanctum nomen eius.
4. Et misericordia eius à progenie in progenies timentibus eum.
5. Fecit potentiam in brachio suo : dispersit superbos mente cordis sui.
6. Deposuit potentes de sede , & exaltauit humiles.
7. Esurientes impleuit bonis : & diuites dimisit inanes.
8. Suscepit Israël puerum suum, recordatus misericordiae suae.
9. Sicut

3. *Me, cuius est potens manus,
Sanctumq; nomen, unica
Felicitatis ultimum
Euexit ad fastigium.*
4. *Quotquot fideli pectore
Eum timent, cum filiis
Et filiorum filios
Dei fouet benignitas.*
5. *Sternit potenti brachio,
Et mente cordis intimâ,
Quos spiritus superbia
Sublimiores euehant.*
6. *Deturbat ex eburneis
Potentiores sedibus,
Humilesq; in altum subleuat.*
7. *Bonis repleuit pauperem,
Opesq; ademit diuiti.*
8. *Sua memor clementia*

9. Sicut locutus est ad patres nostros, Abraham,
& semini eius in sæcula.

CANTICVM ZACHARIÆ

L V C Æ C A P. I.

1. **B**enedictus Dominus Deus Israël, quia visita-
uit, & fecit redemptionem plebis suæ:
2. Et erexit cornu salutis nobis, in domo David pue-
ri sui.
3. Sicut locutus est per os sanctorum, qui à sæculo
sunt, prophetarum eius.
4. Salutem ex inimicis nostris, & de manu omnium
qui oderunt nos.
5. Ad faciendam misericordiam cum patribus no-
stris: & memorari testamenti sui sancti.
6. Iusiurandum, quod iurauit ad Abraham patrem
nostrum, daturum se nobis:
7. Ut sine timore, de manu inimicorum nostrorum
liberati, seruiamus illi;

8. In

*Suscepit Israël sacro
Puerum suum cum gaudio:*

9. *Vt est locutus patribus
Nostris, Abramo, & illius
Perenne in auum semini.*

IN CANTICVM ZACHARIÆ PARAPHRASIS.

1. **I** *Sacidum Dominum sacro vox consona plectro
Concinat; inuisit placidus, largogq; redemit
Sponte suum pretio populum, 2. nobisq; salutis
Prasidium regale dedit de semine David,*
3. *Vt. veterum Vatum dictis est sapè locutus.*
4. *Ex inimicorum manibus tulit ille salutem,*
5. *Et nostris clemens Patribus, qua sanxerat Abram*
6. *Compleuit iurata memor promissa, daturum
Se nobis 7. penitus vacuis terroris, ut illi*

8. In sanctitate & iustitia coram ipso, omnibus diebus nostris.
9. Et tu puer, Propheta Altissimi vocaberis: præbis enim ante faciem Domini parare vias eius:
10. Ad dandam scientiam salutis plebi eius, in remissionem peccatorum eorum:
11. Per viscera misericordiae Dei nostri: in quibus visitauit nos oriens ex alto.
12. Illuminare his, qui in tenebris, & in umbra mortis sedent: ad dirigendos pedes nostros in viam pacis.

CANTICVM SIMEONIS

LVCÆ CAP. II.

1. **N**unc dimittis seruum tuum Domine, secundum verbum tuum in pace:
2. Quia viderunt oculi mei salutare tuum,
3. Quod

- Hoflis ab infidijs tuti famulemur; & in omni*
Aetatis noſtra curſu pietatis amantes.
9. *Tuq; puer Vates Regis dicere perennis:*
Aſpera quippe via ſternes, Dominoq; praibis,
10. *Erudiens culpa ſoluendas compede gentes.*
11. *Nos Deus inuiſit miſerans, exortus ab alto*
12. *Ferre nouam lucem in gelida recubantibus um-*
bra
- Et mortis tenebris; ut recto calle per alnum*
Pacis iter noſtri valeant incedere grefſus.

IN CANTICVM SIMEONIS

PARAPHRASIS.

1. **N***Vnc tuo, iuxta tua dicta, ſeruo*
Solue vitales Pater alme nexus:
2. *Cernit Auctorem mea lux ſalutis;*
Excipit vulna,

K 3

3. *Quem*

3. Quod parasti ante faciem omnium populorum:
4. Lumen ad reuelationem gentium, & gloriam plebis tuæ Israëli.

H Y M N V S

SS. AMBROSII ET AVGVSTINI.

1. **T**E Deum laudamus : te Dominum confitemur.
2. Te æternum Patrem omnis terra veneratur.
3. Tibi omnes Angeli, tibi cæli, & vniuersæ potestates,
Tibi Cherubim & Seraphim incessabili voce proclamant;
Sanctus, Sanctus, Sanctus Dominus Deus Sabaoth.

4. Pleni

3. *Quem tuo Regem populo parasti,*
4. *Gentium lumen tenebris fugandis,*
Gloriam David, decus & perenne
Isacidarum.

IN HYMNVM
 SS. AMBROSII ET AVGVSTINI.
 PARAPHRASIS.

1. **L**audamus omnes te Deum, te siderum,
 Orbisq; Regem dicimus.
2. Telluris omnis tractus, & maris plaga,
 Patrem perennem te colit.
3. Sanctum beata Cherubin, & Angeli,
 Sanctum Poli te Vertices,
 Sanctum Chori te Calitum, te exercitus,
 Te pacis aeterna Deum,
 Dominumq; Voce consona ter optimum
 Indefinenter concinunt.

4. Sublime

4. Pleni sunt cæli & terra Maiestatis gloriæ tuæ.
5. Te gloriosus Apostolorum chorus,
Te Prophetarum laudabilis numerus,
Te Martyrum candidatus laudat exercitus,
Te per orbem terrarum sancta confitetur Ec-
clesia,
6. Patrem immensæ maiestatis,
7. Venerandum tuum, verum, & vnicum Fi-
lium,
8. Sanctum quoque Paraclitum Spiritum.
9. Tu Rex gloriæ Christe:
10. Tu Patris sempiternus es Filius.
11. Tu ad liberandum suscepturus hominem,
non horruisti Virginis uterum.
12. Tu deuicto mortis aculeo aperuisti creden-
tibus regna cælorum.
13. Tu ad dexteram Dei sedes in gloria Patris.
14. Iudex

4. *Sublime terram gloria culmen tua,*
Caliq̃ complet ambitum.
5. *Vates sacri te, Martyres, & Virgines,*
Apoſtolorum te Chorus
Laudat; per orbis terminos fidelium
Te conſitentur agmina;
6. *Summa Patrem potentia, 7. Sanctum tuum,*
Verum, unicumq̃ Filium,
8. *Almumq̃ Spiritum. 9. Supremus gloria*
Tu Rex: 10. perennis Filius,
Tu Chriſte. 11. Virginis ſacrâ te claudere es
Dignatus aluo, perdit
Hominis redemptor ut fores. 12. Tu viribus
Mortis recidis, lucidam
Cali recludis ſemitam credentibus,
Sedeſq̃ felices paras.
13. *Tu Patris ad dextram Dei regnas, pari*
Fruens beatus gloriâ.
- L 14. Ven-

14. Iudex crederis esse venturus.
15. Te ergo quæsumus , tuis famulis subueni,
quos pretioso Sanguine redemisti:
16. Æterna fac cum sanctis tuis in gloria nume-
rari.
17. Saluum fac populum tuum Domine , & be-
nedic hereditati tuæ.
18. Et rege eos, & extolle illos vsque in æternum.
19. Per singulos dies benedicimus te:
20. Et laudamus nomen tuum in sæculum, & in
sæculum sæculi.
21. Dignare Domine die isto sine peccato nos
custodire.
22. Misere nostri Domine: misere nostri.
23. Fiat misericordia tua Domine super nos:
quemadmodum sperauimus in te.
24. In te Domine speraui: non confundar in
æternum.



14. *Venturus esse crederis Iudex.* ^{15.} *Tuo*
Iana redemptos Sanguine:
16. *Concede, ut inter ordines Caelestium*
Beent suprema gaudia.
17. *Gregem tuum ne deseras:* ^{18.} *illum rege,*
Pascens salubri pabulo.
19. *Laudamus omnes te diebus singulis:*
20. *Tuoq; sancto Nomini*
Genu precantes flectimus. ^{21.} *Tu criminum*
Contagione libera
Nos hoc die: ^{22.} *tuâ fouens clementiâ*
23. *(Hac nostra spes) nos erige.*
24. *Fidens tibi, superne Rex, umquam meâ*
Non spe salutis excidam.



I N
CHRISTI DOMINI
NATALEM DIEM.

N*Asceris alme Puer gelida sub tempora bruma,
Nec igne fota mollis excipit torus
Membra tenella. iaces arenti nudus in herbâ
Inops, rigensq; frigore inter humida
Nigrantes noctis tenebras, sub paupere tecto;
Tibiq; deest, ubi recumbat occiput.
Ut nos non solum doceas, dum linquis Olympum,
Per hos gradus malorum ad astra progredi:
Sed quia nunc iterum Cali Sol igneus orbem
Remensus, aureo sedens in effuso,
Ad nos regrediens tendit, celeresq; ingales
Reflectit, ut suam recurrat orbitam;
Ceu Iani est annum solito de more Kalendis
Novum*

*Novum auspicata Civitas Quiritium;
 Hinc quoque te nato, nobis felicior annus,
 Puer salutis Orbis auctor, incipit.
 Quandoquidem vero fulgentem lumine Solem,
 Vetusta quo fugatur Umbra criminum,
 Te genus humanum noscit; veneratur, adorat,
 Et excitat sopore victa lumina.*

CHRISTI DOMINI
 MOX MORITVRI
 CVM BEATISSIMA
 MARIA MATRE
 COLLOQVIVM.

CH. **I**Nstat, sacra Parens, temporis ultimum
 Momentum: rapiunt me tibi, qua vocant
 Summi iussa Parentis
 Optatam crucis ad necem.

L 3

M.V.

M.V. *Heu, fili ! miseram' siccine deseris*
Matrem ? me miseram ! cor mihi saucias
Durâ cuspide vocis:
Sic me lux mea deseris ?

CH. *ſam primis animam mors petit ictibus:*
Non ſic tranſadiget cor mihi lancea,
Vt morſu tuus angor
Carpens viſcera diuidit.

M.V. *Per quod iam puero lac tibi prabui,*
Ne me, qui cruciet, linque ſuperſtitem
Tanto Nate dolori:
Ah pro te moriar, precor.

CH. *Dum mors me rapiet ; te manet acrior,*
Qui dum me pareres non tetigit, dolor:
Orbi non tulit ortus
Vitam, mors mea deferet.

M.V. *Heu ſaltem miſera da mihi pramori.*

CH. *Patris, dum moriar, vivere te iubet*

Non

Non mutanda voluntas.

M.V. *Saltem da mihi commori.*

CH. *Me complexa sat es, non licet amplius:*

Te iam (quid retinent me tua brachia?)

Mater linquere cogor:

Iuda me vocat osculum.

A D
DIVINVM SPIRITVM
H Y M N V S.

S*piritus Superum decus,
Sancta sidera Domus*

Aura labere calitus,

Aura sacra, ter optimi

Dia Flaminis Aura.

Spiritus radians veni,

Terror Agminis inferi,

Efficax

*Efficax Hominum salus,
Aura sacra, ter optimi
Dia Flaminis Aura.
Increata Potentia,
Nutus aetherei globi,
Filij simul & Patris
Non solutile vinculum,
Fax perennis Amoris.
Alma lux Sapientia,
Dulcis Hospita mentium,
Cordis ardor amabilis,
Ima pectoris occupa,
Igne pectus adure.
Fauſta Nuntia gaudiij,
Flamma pronuba Gratia,
Præpes adueniens ades:
Noſtra coniugij ſacri
Nec te compede corda.*

Mens

Mens tuo sine Numine

Haeret, ut sine palmulis

Puppis, & sine linteis:

Torpet, ut fluvius gelu, &

Terra cana pruinis.

Cor tuo sine munere

Squalet, ut sine fructibus

Arbor, & sine frondibus:

Hortus ut sine floribus,

Solis aridus aestu.

Ter beatus, & amplius,

Cui tuum iubar insidet

Pectoris penetralibus:

Purus huic animus nitet

Lilio magis albo.

Ter beatus, & amplius,

Cuius innocuum sinum

Incolit tua Caritas:

M

Verna

Verna sic oriens rosa

Manè fundit odorem.

Quos tenaciter implicat

Otiij sopor, excitat:

Quos graui scelus impium

Mole deprimit, erigis:

Monstra proteris Orci.

Tu leuamen in arduis,

Lumen in tenebris micans,

Debiles ope subleuas:

Tu potens vigor anxius,

Vera tu via vita.

Vna meta laboribus,

Nostra spes, amor, & quies,

Alma copula Calitum,

Tu cupita Beatitas,

Tu suprema Voluptas.

Fauſta Nuntia gaudiij,

Dulcis

Dulcis Hospita cordium,

Sancta lux animi veni,

Aura sacra, ter optimi

Dia Flaminis Aura.

D E

S. IOANNE BAPTISTA

O D E.

Strophe I. Versuum xv.

I*Nuēta bigis Cynthia, candido*

Pellens ore tenebras,

Argenti nitidum iubar

Diffundit inter sidera:

Hinc inde vitro per caua fistula

Vidit hac atas Venerem bicornem

Fulgere Phœbes amulam:

Sed luce lucent Solis; hic fons luminis

M 2

Splen-

Splendet , & irradiat
Cali sidereos globos,
Terrarumq; plagas , & maris aquora.
Talis crinibus aureis,
Fronte serenâ,
Formosissq; genis , oculisq; micantibus , ullo
Non compta fūco Veritas coruscat.

Antistrophe i. Versuum xv.

Phœbus liquentem non tamen aëra
Semper luce serenat,
Non semper mare carulum
Tranquillat aura flatibus,
Culto nec agri fertilis è sinu
Elicit flores , neque germinantis
E flore fetus arboris,
Atris sed obtegens polum vaporibus
Sapè ciet pluuias,
Nimbos , & gelidas nives,

Horrendos

Horrendos tonitrus, diræq; fulmina.

Sic & lingua fidelibus

Nuntia veri

Vocibus exacuit gladios, & suscitât iram,

Fervens cruentas edit ira cades.

Epodus I. Versuum XII.

Tu, Iordanis ad undas

Qui sacrum IESV caput abluisti,

Sis testis, incestum tyrannum

Verâ voce redarguens.

Indignata furentes

Hinc haurit imis spiritus medullis,

Iraq; saevo turbine concita.

Curas tumentis corde nutrit vindices,

Vincla parans mulier,

Trucisq; carceris specum; &

Atrox consilium concipit, ut tuum

Stringat in exitium securim.

M 3

Stro-

Strophe II. Versuum xv.

*Herodianam gaudia Regiam,
Regnantemq₃ replebant,
Ortus ob celebrem sui
Diem , quotannis nobili
Cultum paratu , non sine cantibus,
Et lyra plectro : Proceres ad aula
Pompam frequentes venerant:
Renidet hic paries amictus purpurâ:
Aurea vasa micant,
Et gemmata torcumata:
Auro texta tori stragula serica
Pictoris referunt opus:
Pocula lucent:
Circumstant pueri mensam , qui dona Lyai,
Vnguenta , flores , & dapes ministrant.*

An-

Antistrophe II. Verluum. XV.

*Hac inter agrâ mente recogitans
Iusta verbera Vocis,
Inuiso capiti feros
Struens dolos Herodias,
Nata, quid optet, nutibus indicat:
Mox iubet festas choreas inire.
Hac obsecuta, leniter
Inclinat ante Regis aureum torum
Cruora, decensq; caput,
Dein gyro glomerat vago
Gressus in numerum: nunc pede candido
Se sustollit, & assilit;
Nunc leuis aura
In morem celeri percurrit percita motu,
Excepta plausu Regis intuentis.*

Epo-

Epodus II. Versuum XII.

Quid caco magis igne
 Mentium lumen tenebris obumbrat?
 Iuratus Ultrò Rex puella
 Spondet, quod petet, impetu
 Sacri abreptus amoris.
 Tunc illa blandis intuens ocellis
 Regem, parentis pramonitu sagax,
 Joannis alnum postulat cadi caput;
 Rex iubet: innocua
 Cervix resecta protinus
 Defertur patulâ lance, nocentibus
 Dedecorum metuenda merces.

Strophe III. Versuum xv.

Extincta sensus spirat adhuc pios.
 Vt sic ore silenti

Infan-

*Infandos magis increpat
 Amoris ignes? Quilibet
 Dolet precepti fumus, & impiam
 Effera causam necis execratur.
 Proh femina mentem trucem!
 Cùm feruet irâ, & astat libidine.
 Tam fera monstra fectum,
 Nec tellus generat: leo
 Te viso Daniel sauitiam exuit:
 Illesum maris horrida
 Bellua Ionam
 Littoribus reddit. Ferto par femina lædit,
 Magisque flammis: Pestis, & venenum est.*

Antistrophe III. Versuum xv.

*At pura castis moribus, & Dei
 fugi fœuida cultu
 Quàm dispar docet inclitis*

N

Juditta

Iuditta gestis? Undique
Obsessa castris Assyrij Ducis
Dum suis cladem paucet imminentem,
Animo cadens Bethulia
Mærebat; hanc Iuditta spes resumere
Numine freta iubet:
Mox ponit vidua stolam,
Et se latitia vestibus induens
Ductorem petit hostium;
Nactaque cæna
Tempus, Holophernem vino somnoq₃ iacentem
Cervice fortis conficit recisâ.

Epodus III. Versuum XII.

Per contraria duxit
Vna vos Virtus, sociatq₃ Calo.
Tu Iudith occidens triumphas
Fusis hostibus: occidens

Fuso

Fuso sanguine palmam
Refers Ioannes. Quis tuos honores
Intexat hymnis, & colat, ut decet,
Te fulgidum cali decus? mens deficit,
Deficit artis opus:
Mortalis ultra quid potest?
Nam te Christiadum maxima, nomini
Sacra tuo veneratur Aedēs.

D E

S. MARIA MAGDALENA

O D E.

Strophe I. Versuum XIII.

I*Nnixa pennis versicoloribus,*
Bombyce fulgens diuite,
Molles reuincta floribus
Crines, procaci fronte, lubricoq̃

N 2

Adspici

*Adspici vultu, faciliq; dulcis
Flexu loquela cordibus imperat
Mortalium: quos dum beare creditur,
Interimit suavi prabens sub lacte venenum,
Atque truces molitur hyanâ
Sanior insidias,
Nouissq; Proteus mille formas induit,
Vt sacra leges Themidis resoluunt,
Blanda Voluptas.*

Antistrophe 1. Versuum XIII.

*Hac innocenti sanguine dexteram
Regis Davidis polluit,
Quo nullus antè gratior
Regi supremo calitum: capillis
Indidit casis tibi vincla Samson,
Vt te superbis traderet hostibus,
Quem nulla vis potuit ferocem subdere:*

Huius

*Huius & impulsu fallacia numina Divum
 Divino dignatus honore est
 Rex sapiens Salomon,
 Qui Conditori siderum quondam pius
 Inclytam sumptu, celebremq; gazâ
 Struxerat Aedem.*

Epodus I. Versuum x.

*Quid MAGDALENAM mirer incautam premi
 Durâ compede vinctam
 Dirâ sub domina iugo
 In flore primævo iuventa?
 Quid excolentem corporis,
 Numine posthabito, decorem?
 Illa comas olim gemmis ornabat & auro,
 Studens amantibus videri pulchrior,
 Pubemq; gaudens cernere
 Lentis ignibus uri.*

Strophe II. Versuum XIII.

At cùm Sororis Vocibus anxiis
 CHRISTVS precantis annuit;
Almo iubente Spiritu,
E parte cali desilit serenâ,
Regiam Vittis redimita frontem,
Puro coruscans lumine Gratia.
Vt pulchra nubes Iridis coloribus
Depictas pedibus premit, & felicitis oliva
Defert donatura coronam!
Protinus his radiis
Icta cadit, artus detegens, & exhibet
Tabidâ nolens cute se videndam.
Fæda Voluptas.

Antistrophe II. Versuum XIII.

Tu MAGDALENE discutis insitas
Mentis tenebras, & iacens

Immane

Immane monſtrum conſpicias
Non ante viſum. Quo pudore malas
Inſicis? Quales gemitus profundis?
Jam margaritas ponis, & aureos
Incompta crines ſoluis, & CHRISTO ream
Te ſiſtis, lacrymiſq; pedes veneraris obortis,
Atque ſacras mæſtiſſima plantas
Lambis, & imbre rigas,
Comiſq; tergis, & relata negligis
Probra, mox culpis capis exoluta
Pignus Amoris.

Epodus II. Verſuum x.

Amanſq; amantiſ igne CHRISTI feruida,
Flagris membra cruentans,
Præſcos prouida ſanguine
Extinguis ignes, & fideli
Amore conſtans, grefſibus

Impavidis

*Impavidis sequeris Magistrum
 Per gladios, hastasq; Crucis miserabile pondus.
 Hares sepulchro lacrymans; & exerat,
 Seu condat undis Sol iubar,
 Complex questibus auras.*

Strophe III. Versuum XIII.

*Amor pericli nescius horridi
 Ut morte perstat fortior!
 Frustrà frementis aquoris
 Iudaea frendens obiicit procellis
 Te neci damnans: moderantis expers
 Nauta phaselus, non ope remigis
 Veli-ve, turrit humidas pelagi vias:
 Se placidi sternunt fluctus; se lucidus aether,
 Nube carens ventisque, serenat.
 Iam Paphon, atque Rhodon,
 Cretamq; linquit; iam Zacynthi littora,*

Et

*Et Cephalenum legit, Actiasq;
Prospicit oras.*

Antistrophe III. Versuum XIII.

*O qua trecentis hac freta navibus
Regina sulcans, Casarem
Armis laceffens, ultimam
Regnis parabas Italæ ruinam;
Patrio pulsam lare MAGDALENAM
Si fluctuantis ludibrium maris,
Escam futuram piscibus, nunc cerneres
Calicolas inter diuini nectaris haustum
Sublatam super athera vesci,
Deliciisque frui
Calestis aula, quid tibi mentis foret?
Quid decor forma, Phariussq; fastus,
Sceptraq; profunt?*

O

Epo-

Epodus III. Versuum x.

*En luce functa habes pudendam regij
Solum nominis atro
Regni è funere gloriam:
Nec lata vixisti; superstes
Vix una puppis reddidit
Te patrio profugam Canopo.
Conderis & vivens latebris abstrusa sepulchri,
Coacta mox letum colubri morsibus
Utrò subire, Caesaris
Subducenda triumpho.*

Strophe IV. Versuum XIII.

*At MAGDALENE per Siculum fretum
Rabiem Charybdis praterit
Secura, finesq; Italos
Egressa, tendit Gallicas ad urbes.*

Hinc

Huc Dei nutu, Superumq; ductu
Appulsa, portum Massilia tenet;
Nomenq; CHRISTI gentibus disseminat.
Hinc abrepta colit pendens in montibus antrum,
Quod frontem prope sidera tollit.
Hic gemit, & lacrymat:
Hic Angelorum cœtibus canentium
Adstat: hîc unum meditata CHRISTVM,
Se quoque nescit.

Antistrophe IV. Versuum XIII.

O me patrato crimine sordidum,
O me iacentem respice
Dux alma pœnitentium.
Te CHRISTVS audit: nam tuis sepulchro
Excitat fratrem precibus: furentis
Te de Draconis faucibus eximit,
Et limpidas è rupe lymphas elicit.

O 2

Salve

*Salve cara Deo rupes, fons inclyte salus
Iam Pindi mihi culmina sordent:
Tu sacra lympha, precor,
E corde prome lacrymas: pro carmine
Execror myrtum; mihi det coronam
Ramus oliua.*

Epodus iv. Versuum x.

*O ter beatum, qui dolore percitus
Vita turpiter acta
Labes fletibus eluit.
Virtutis in regno vel ipsis
Vero referta gaudio
E lacrymis oritur Voluptas.
Nil tamen in tuto mortalibus, vltima donec
Recludat hora cuique sortem. Gloria
Perennat vna Cælitum
Extra vulneris ictum.*

DE

D E
SANCTO LAVRENTIO
O D E.

Strophe I. Versuum XII.

I Bera tellus , *Austrio*
Sub Rege felix , *aurifero Tagi*
Te dicant alij *flumine nobilem*,
Te classe , *te bello ferocem*,
Oceani dominam celebrent , *Regisq̃ potentem*:
Hic *Perüanis diuitem metallis*,
Mexici gælis , *Arabumq̃ conchis*,
Et mercibus *Goa beatam*
Te laudet : *fera pralia*
Extollat alter , & triumphos **CAROLI**,
Ac temperatis *vinidum*
Consiliis *animum PHILIPPI*.

O 3

An-

Antistrophe I. Versuum XII.

Te concinam LAVRENTII
Sacro Parentem lumine fulgidam:
Non illi facie funeris horridâ
Immane tortoris repertum
Excussit solidâ vera pietatis amorem
E mente: palmis nobiles, & ostro
Clarus en inter Proceres, decorem
Indutus aeternum, phalangis
Addit se comitem Duci,
Cui saxa primùm post trucem CHRISTI necem
Coniecta probro gloriam,
Interitu peperere vitam.

Epodus I. Versuum IX.

Acres quid iras aggeras Rex barbare?
Impavidus contemnere novit
Hispanus iuuenis Regum fera iussa. Quid flagellis
Nuda

*Nuda membra saucias,
 Curvis & hamis lancinata carpis?
 Fortis resistit. Heu quid impium struis?
 Mens haret: trepidat. Quibus
 Dire Tyranne feris,
 Te quibus exaquem Colobi sanctissime monstris?*

Strophe II. Versuum XII.

*Vagas ad undas Tybridis
 Lactavit altrix uberibus Lupa
 Infantes geminos: pinnigero puer
 Delphinis in dorso natantis
 Sæpè Dicarchao ludens è littore visus
 Et vulnerati pro pedis medelâ
 Hospitem narrant hominis leonem:
 Hunc inter atroces ferarum
 Incursum pauidum, canis
 Vt blandiens, adiuit agnitum leo:*

Ambosq;

*Amboſq; pubes Romuli
Obſtupuit ſibi gratulantes.*

Antithrophe II. Verſuum XII.

*Seu priſca verum proferat,
Seu fingat atas; aſpide ſauior
Hircaniſq; feris mens hominis furit.
Non vrfus infectatur vrfum:
Non perimit colubrum coluber, non tigris
da tigris:
Humana virgas gens, rotas, & vncos
Intulit terris, pedibusque mortis
Aptauit alas. Quid Perilli
Infandum memorem bouem?
Nec fontibus, vel hoſtibus ſolum minax:
Sui miniſtram gaudiij
Perniciem cupit innocentum.*

Epo-

Epodus II. Versuum IX.

Te matricida, te lues mortalium

Incessit tam dira cupido?

Nam facibus passim incensam populatus ignis Urbem

Te iubente, fletibus,

Clamore, luctu, cladibus, ruinis

Complens, in atri converterat formam rogi:

Tunc latus, fidibus canens

Diceris excidio

Ausus Troiano miseram componere Romam.

Strophe III. Versuum XII.

Quò, Musa, Dirces prouehunt

Te uela? ferri per tragicos amas

Terrores? Rutilum sidus Iberia,

Atlantis emergens ab undis,

Te reuocat dirâ tostus LAVRENTIVS olim

In crate: forma nec decòr, nec atas,

P

Ferreos

Ferreos flectunt animos. Tyrannus.

Deridet abstersum cruorem

Celestis Pueri manu.

Ludi ne vanis perferam prestigiis?

I miles, inquit; perditus

Det meritas reus igne pœnas.

Antistrophe III. Versuum XII.

Et ecce raptim strenuus

Athleta CHRISTI traditur ignibus:

Hos inter thalamus vectibus areis

Compactus excepit iacentem.

Tres ô Iordanis Pueri, decus Isacidarum,

Vt vestra flammis emicat probata

Dispari virtus celebris coronâ,

Quos par adegit causa morti

Vltro exponere pectora?

*Non vos * Deira militum cohortibus,*

* Deira à D. Hieronymo Dura, campus Babylonis à Septuaginta & Vaticana Græcâ Δαιρὰ nominatus.

Equis,

*Equis, & armis obstrepens
Terruit, aut sonitus tubarum.*

Epodus III. Versuum IX.

*Non vos furentis Regis atrox commauet
Aspectus: Nos, dicitis, ô Rex;
Non aurum, aut statuas colimus: Deus Israël co-
lendus:
Ille solus est Deus.
Frustrâ catenis alligas lacertos,
Et nos in ignes coniicis: nam prapotens
Illas Deus eruet,
Si volet, atra licet
Fluctuet undanti flammarum vortice fornax.*

Strophe IV. Versuum XII.

*Nec vana spes: innoxius
Vos lambit ignis, vitrens ut liquor,*

*Non ausus teneram ladere corporum
 Cutem; sed infrendens, voraxq;
 Fertur in adstantes, ardenti membra vapore
 Haustus: in vos obsequens, fauenti
 Dum Deo grates canitis, furorcm
 (Res mira) compefcens, aënis
 Vinctos nexibus accipit,
 Reddit solutos, vinctus ipse, languidus,
 Inermis. At LAVRENTIVM
 Letiferis petit acer armis.*

Antistrophe IV. Versuum XII.

*Arcta cœrcent compedes,
 Nudumq; prunis concolor as cremat;
 Iam corpus celeri corripit impetu,
 Iam flamma proserpens adurit,
 Et carnem vorat, & graciles depascitur artus.
 Immotus Heras, ut doloris expers,*

Vt

*Vt rosas inter viridescq, myrtos,
 Ferale tormentum virili
 Spernit pectore, dum truci
 Adipem liquatus igne manat : lumina
 Avertit intuentium
 Terribili laniena visu.*

Epodus IV. Versuum IX.

*Affatus ille, gestiens plenus Deo
 Solui nexu corporis, insit
 Ore remidenti : Fumant tibi iam Tyranne, co-
 cta hæc
 Membra : mande, vescere:
 En Aula Cæli se mihi recludit.
 O quàm beatè moreris ! Inclutus magis,
 Inuictissime Martyrum,
 Nullus obire potest:
 Hostibus insultas victor, cadis hostia CHRISTO.*

D E
 SANCTO LVDOVICO
 REGE GALLIARVM
 O D E.

Strophe 1. Versuum XII.

O *Biectu gemini maris,
 Illinc Pyrenes, arduis hinc Alpium
 Præcincta muris; ingenio soli,
 Fluxuq; diues fluminum;
 Fortium turmis equitum verenda,
 Heroum genitrix Gallia, bellicis
 Fecunda palmis: inclita Regibus,
 Quos longâ serie dedit
 Prisci Capeti genus:
 Vt inter omnes thure LVDOVICVS*

Cultus,

Cultus, & aris,

Calesti radiat vinctus diademate frontem!

Antistrophe I. Versuum XII.

Quas dudum mea parturit

Mens feta laudes, Regis educ optimi

In lucis oras, Aonij lyra

Sonora cantus obstetrrix.

An pia primum studium Parentis

Formandi puerum moribus integris,

Doctaq; varis Palladis artibus.

An celsa decus indolis

Dircais celebrem modis?

En blanda prodis Comitas, Pudorque,

Lenis & oris

Maiestas ac forma, decens & Gratin lingua.

Epo-

Epodus I. Versuum IX.

Non me tamen moremini:

Plectrum promocat aureum

Pulchrius fulgens teneris ab annis

Laus parta bello. faciet Alcida manu

Infantis enec̃tos colubros

Ficto Gracia plausu.

Vt primũ nituit murice regio

Heros gloria Sequana,

Impuber armis comprimit rebelles.

Strophe II. Versuum XII.

Ast atas ubi firmior

Accessit, omnis abstinens culpa, Deo

Deuota iungit pectora, dotibus

Virtutis auctus: commoda

Vrbium curat: studiosus aqua

Regum delicias spernit, & otium

Fontem

Fontem malorum claudit, & amonet
Luxum criminis illicem:
Iustis pramia diuidit,
Prauosq; pœna corrigit timore.
Sic populorum
Munit amore latus, non ense, aut militis
hastis.

Antistrophe II. Versuum XII.

Horti pulchra per areas,
Hinc inde transfert candidum Virgo pedem,
Quà mira florum pompa recluditur:
Seu quos dedit Britannia,
Vel Tagi potor, Sporadum-ve cultor,
Mox voluens oculos, undique conspicit,
Et haret anceps, quem sibi deligat:
Illic floret amaracus,
Hic albet breue lilium,

Q

Flo-

Floresq; pandunt aduena decorem:

Denique certa

Omnibus illa rosa Pastanum prætulit ostrum.

Epodus II. Versuum IX.

Florem tibi quem seligam?

Te sceptro potior Fides,

Alme Rex, clarat; Themis, & sorores,

Pietasq; mæius adferunt tibi iubar,

Gemmata quàm vestis, vel aurum:

At qua clarior aëtri

Nascentis radiis fulsit, & in tuo

Fulget corde, rapit sacrâ

Me luce flagrans Caritas canentem.

Strophe III. Versuum XII.

Hæc te mectare Calitum

Pascit, Deiq; nunc beat præsentia:

Hæc

Hac una quondam, dum tuus induit
Caduca membra spiritus,
Se tibi iunxit comitem; viaq;
Index, te Superum coetibus addidit.
Hinc liberali spargis opes manu,
Sine Altaria construis,
Sen sacras reficis Domos,
Ades vel agris, vel iuuas egenos:
Hac duce bellum
Suscipis, & mortis iaculis caput obiiicis ultro.

Antistrophe III. Versuum XII.

Vrbis nam Solyma victa
Dolens, ut impiam opprimas tyrannidem,
Pacata Regni linquis, & horridis
Armis petens Pelusium,
Traicis textis trabibus phalanges,
Qua septemgeminò carula flumine

Q₂

Nilus

Nilus colorat : mœnia tunc quantis
Arcis, cùm subitus fores
Recludit paucor hostium;
Mox victor agmen militum patentes
Ducis in agros,
Hostileſq; acies geminatâ clade trucidat.

Epodus III. Versuum IX.

Spes sæpè quò propinquior
Arridet , celeri fugâ
Exitus coëptis adimit secundos.
Inuadit, eheu! te lues, & Celticas
Inſeſta vis morbi, famēſq;
Vexat dira cohortes.
Illinc flumen aquis, hoſticus hinc furor
Denſo circuit agmine:
Pugnatur; atrox ſædat arua cades.

Strophe

Strophe IV. Versuum XII.

Victum gloria non minor
Te sequitur, Heros magne, quàm cum vinceret.
Constans recusas Martis ab alca
Lembo per amnem subtrahi.
 Vna nos omnes, eademque pugnae
 Sors, inquis, maneat. Vos ego deferam?
 Regemque vestrum me fuga polluet?
Captivo tibi quas minas,
Quaeve opprobria barbarus
Infert Tyrannus? sana quot tuorum
Funera cernis?
 Tu tamen immotus CHRISTO spem ponis in uno.

Antistrophe IV. Versuum XII.

Nutantes animos fide
Firmas, iacentes erigis. Quid, ais, cadit

Q³

Spes

Spes vestra? curas pellite lugubres:
Probat Deus quos diligit:
Hos & educit memor è periculis.
Olim qua populus pertulit Israël?
Hac ipsa tellus testis: ad innuium
Rubri dum pelagi fretum
Vrgebat Pharaos ferox
Equis & armis; obsequens repente
Scinditur aquor,
Erectisq; vaga lapidescunt manibus unda.

Epodus IV. Versuum IX.

Electa siccis transilit
Gens plantis: mare saucius
Defluit rursus: rapit insecutum
Ducem procellis, & quadrigas obruit.
Sic fatus, haud exspes tueris
Flexo poplite Calum.

Lux

*Lux ô Christiadium maxima Principum,
 Heros inelyte, qui, tui
 Aequent honorem carceris, triumphhi?*

Strophe v. Versuum XII.

*Dat dirus tibi Mempheos
 Pœnas Tyrannus. En suorum concidit
 Ferro peremptus, fertaq; laurea
 Mutat cupressi frondibus:
 Tuq; dimissus, redimensq; captos,
 Oppressosq; gravi servitij iugo,
 Appellis Aces littoribus ratem.
 Hic te Christicola tenent,
 Vt sis certa cadentium
 Tutela rerum: haud te trahunt paterni
 Commoda Regni,
 Nec Genitricis amor, Procerum nec vota precésque.*

Anti-

Antistrophe v. Versuum XII.

*Non est, qua premat acrior.
Te cura, quam CHRISTI superbos frangere
Hostes, & almo Nomine, gentium
Delere cultus impios.
Nec pium belli studium remittis,
Donec te Libye sanguine disfluens
Palmâ potitum, corporis exui
Arctis nexibus adspicit.
Nunc ô verticis Incola
Caelestis, audi quas preces decorum
Pallida vultum
Religio mœrens lacrymis tibi fundit obortis.*

Epodus v. Versuum IX.

*Inniçte Rex, en Gallia
Juncta est rursus Iberia*

San-

*Sanguinis vinclis: animos, & arma
 Fac iungat arctum fœdus. Heu! quot conficit
 Europa se discors in oris?
 Squalet Punica tellus:
 Te deuincta vocat Gracia compede,
 Iordanes vocat, & sacrum
 CHRISTI Sepulchrum vindicem moratur.*

D E
 SANCTA ELISABETHA
 LVSITANIÆ REGINA
 H Y M N V S.

D*Omne cordis impetus Elisabeth
 Fortis, inopsque, Deo
 Servire, Regno prætulit.
 En fulgidis recepta cali sedibus,*

R

Si-

Sidercaq; domus
Ditata sanctis gaudiis
Nunc regnat inter Calites beator,
Et premit astra, docens
Qua vera sint Regni bona.
Patri potestas, Filioq; gloria,
Perpetuumq; decus
Tibi sit alme Spiritus.

De Eadem Hymnus.

O *Pes decusq; regum reliqueras*
Elisabetha, Dei dicata Numini;
Recepta nunc bearis inter Angelos:
Libens ab hostium tuere nos dolis.
Praei, viamq; dux salutis indica:
Sequemur. O sit una mens fidelium;
Odor bonus sit omnis actio, tuus
Id innuit rosis operata Caritas:

Beata

*Beata Caritas, in arce siderum
 Potens locare nos per omne saculum.
 Patriq; Filiq; summa gloria,
 Tibiq; laus perennis alme Spiritus.*

P O E N I T E N S.

S*Epultus altâ criminum caligine,
 Sanisq; vinctus nexibus,
 Non sub latebris lapidis alter Lazarus
 Claudor, sed hac circumferor
 Defunctus infansâ sub urnâ corporis.
 Jam lingua nullos ederet
 Sonos; carerent aridi motu pedes,
 Tristesq; pallerent gena:
 Humi iacerem, nec viderent lumina
 Nitentis aëris iubar:
 Sed ne caducum vitâ corpus deserat,
 Vicem perempti spiritus*

R 2

CHRI-

CHRISTI *benigna supplet indulgentia,*

Lutoq³ reddit illito

Oculis suam lucem. Quid, ah, quid intuo

Miser? tenent me compedes,

Laterumq³ versant sordidum manus opus:

Et qua fouet me blandiens

Placido sinu Voluptas, vera Dalila,

Stringit minacem forficem.

Formidolosis in caavernis saltuum

Cubile tellus exhibet,

Solumq³ glandes se mihi dant pabulum:

Famis voratus dentibus

Perire cogor inter immundas succ.

Supplex reuertar ad Patrem:

Culpam fatebor, & profusis lacrymis,

Vt cecus ille vitreis

Siloës aquis se diluit, cor diluam,

Quod noxa sædat sordibus.

Sed

*Sed heu, catena nexibus mihi pedes
Arctans abire me vetat:
Hac dira vincla tu Deus Clementia
Solus potes dissolvere,
Meamq; solus tu potens Aegyptio
Lenare cervicem iugo.
Non ego mihi Mosén, tuam sed Gratiam
Ducem regressus flagito:
Huius per atras noctis umbras luceat
Ignis, viamq; dirigat;
Tutamq; plantis virga pandat orbitam
Rubri per undas aquoris,
Et insequentium cohortes hostium,
Equos, & axes obruat.
Sic ipse liberum metu sequens iter
Vtinam serenum conspicer
Parentis aspectum! ad pedes nam procidam,
Gemensq; coram proloquar:*

Reuertor ad te pœnitens; per iniurias

Abduxit errantem tuas

Me culpa: peccani talentis traditis

Abusus: ad te pœnitens

Reuertor. Ah te, qui tui sunt muneris,

Hic fletus, hic meus dolor,

Placent: & ò benigne da Pater mihi,

Tuas ut Aedes incolam,

Tibiq; iunctus Caritatis annulo

Non ampliùs te deseram.

Hoc una, qua colore splendet carulo,

Præstare vestis est potis:

Hanc nullus usus, nulla deterit dies,

Eur nullus aufert: hanc mihi

Si largiare, corde dicam gestiens,

Corusca sordet Purpura.

CIR-

CIRCÆI POCVLI
ALEXIPHARMACVM.

INserta vario nitore gemma
Cum crater micat aureus, rubetq;
Stillans nectareo liquore Bacchi,
Quem de purpureis premunt racemis
Præla Celtica, vel ferax Falerni
Promit vinea, dum furens adurit
Sirius canis arua, si nivali
Alget frigore, quid petat, vel optet
Qui sitit, sibi gratius bibenti?
Sorbens si tamen, inscius venenum,
Quod latet, simul hausserit; quis illum
Dixerit propriâ perire culpâ?
Talus blanda libidinem puella
Excitat roseis genis, & ore,
Quo nil pulchrius Ida vidit umquam:

Quarant

*Quærent hanc iuuenes, & intuentur
Intentis oculis, amant, & omni
Huic grati studio placere curant;
Noverint licet hinc lucem creati
Vino letifero magis nocentem.*

*O nostram male providam iuventam!
Sciens exitium subit, volensque.*

*Quæ vis effera fernet in medullis?
Hæc, quidquid rationis auget usum,
Sugens abripit, implicatq; curis
Impuris animum, necatq; sensus,
Quos dictat bona mens. Coma decore
Sic arbor spoliatur ob tenaces
Amplexus hedera, peritq; languens
Vitali propè destituta succo.*

*Clades hinc fluit omnis, omne manat
Genus flagitij. Paris Lacana
Captus Hospita amore, fas fidemq;*

Ladens,

*Ladens, quâ prius ipse se, paternum
 Hac regnum face perdidit. Quis ignem
 Nescit è gelidis aquis obortum,
 Narcissi miseram vicem? Puellas
 Quid Pandionias, scelusq; Terci,
 Seu te Pyrame, flebilemq; Thisben,
 Vel Phadra memorem truces amores,
 Aut potus magici dolos? Atroce
 Non Circe pateram; suis Libido
 Magis sæua, sequacibus ministrat.
 Permessi meritò chorus, ferarum
 Sumptis moribus, affeclas Vlyssis
 Indutos specie canit ferinâ.
 Satis propudij malum, & furentis
 Infortunia pestis è profanâ
 Ac sacrâ Historiâ patent: loquar
 Omnium vice tu reuincte Samson
 Fraude femineâ. Eero medelam*

S

Morbo

*Morbo querimus: hanc opus parare
Dolosi madidis liquoris haustu;
Hac auertere Iudicem supremum,
Ne sui super impios ab alto
Effundat calicis seuerus iram.
Nos Joseph fugiens docet tueri
Immunem vitij notâ Pudorem.
Non placet fuga? te monet fugare
Torris ignibus innocens Aquinas.
Fuga, vel fuge. Non ubique semper
Est fuga locus, inquis, & fugantem
Hostit illecebris nimis voluptas.
Blanda gratia te iubarq; forma
Si potentiùs ense vel sagittis
Comminus petet, eminus-ue; mentem
His tamquam chypeo tueri dictis:
Permanet scelus, auolat voluptas:
Vindex subsequitur dolor perennis.*

VEXILLVM CARITATIS

A D.

NICOLAVM BARBERINVM

GERMANVM FRATREM.

IN ILLA VERBA IOB,

Militia est Vita Hominis super Terram.

Quod dixi semel, harent repostum,
 Amantissime frater, in medullis:

Duros militiae refert labores

Infelix hominum, fugaxque Vita.

Nam dum pondere corporis grauat

CHRISTI cultor, ut hostis ab armis

Se miles tuetur est necesse:

Iuges excubias agens, famemque

Et sitim toleret, dolosque vitet,

S 2

Quos

*Quos sub illecebris procax Voluptas
Abdit nequitia graues Veneno:
Frangat horribilem furentis Ira
Impetum, Ambitionis & tumultus,
Et his quæ ducibus mouentur arma:
Eludatq; cuniculos latentes,
Quos prauus fodit usus, & Cupido,
Pertinaciter hinc & hinc petentes
Munitam ratione Mentis Arcem;
Pro quâ Sobrietasq; Castitasque,
Ac recti studium, piûq; mores,
Ductu presidioq; Caritatis
Si pugnent, inimica vis fatiscet:
Hac ne decipiamur, est cauendum.
Nullus est magis acer hostis hosti,
Quàm sit quisque sibi, nocentiorque.
Caritas, precor, alma pelle cladem:
Nostro in pectore fixa nos tuere:*

Te

*Te superstitie nil potest obesse:
Nihil nos sine te potest innare.
Tu nobis data calitus, labore
Plurimo retineris atque curâ.
Hoc, frater, meditemur, hoc agamus.
Non, qui terq; quaterque, millesq;
Improbis animi obstitit rebellis
Victor motibus, obinet beata
Inter agmina Calitum coronam;
Si cedat semel, & tenebricosum
Sic victus rapiatur ad sepulchrum:
Sed fortis, vigiliq; mente constans,
Qui viuens, moriensq; non reliquit
Diuinæ sacra Signa Caritatis.*

A D
IOANNEM DONATVM
FRATREM.

Inanis Eruditio sine Pietate.

A *Suescit teneris agens ab annis,
Olim nauta futurus in periculis,
Inter multiplices maris tumultus
Puppis cernere fluctuantis æstu
Iactatas pelagi: diu labores
Et duras tolerat vices, peritus
Ut clauum teneat; sciâtque, sana
Dum fremens furit impetus procella,
Absque naufragio subire portum.
Bellator Ducis ut queat supremi
Fungi munere, per nives, & imbres,*

Et

Et sub aëtherum Leonis aëtherum
Prodit, cuiusq; noctis horas
Lustrat excubias, sitim famemque
Sustinens: quoties eat necesse est
In discrimina fortis, inter hostes,
Inter ancipitis cruenta Martis
Arma, quæ furor efferrans phalanges
Corporum miseras strues accernat?
Quem grauat labor, est honoris expers.
Hinc, reor, studiosus allaboras
Lycei sapientiam doceri,
Et flores legere utriusque lingua;
Sic Donate tibi parit loquenti,
Scribentique, labore & arte multâ
Sermo cultus & elegans decorem.
Hæc, seu talia sæpè cogitanti,
Mens hæret mihi; cogor & stupere,
Cur omnes cupimus frui perenni

Inter

Inter Calicolum Choros quiete,

Qua laboribus est paranda: segni

Vivimus tamen otio sepulti,

Sine rebus inanibus vacamus.

Quot sunt, qui satagant inire callem,

Qui deducere possit ad suprema

Sortis latitiam? trahit dolosa

Nos rerum species; ferax doloris

Gaudium sequimur: per hac caduca

Claram quarimus obtinere famam,

Quam transmittere posteris putamus.

Proh vecors hominum genus! quid umbra

Sectamur leue somnium fugacis?

Est quidem, fateor, decus, latentes

Rerum percipere & referre causas:

Esto res populi recepta plausu

Docte scribere, & eloqui disertè;

Sit decens amor eruditionis:

Sed

*Sed frondes, pietate destitutus,
 Ostentat velut arbor absque pomis.
 In primis igitur colenda Virtus,
 Quam Cali vigor inserit, fouetq;
 Menti dia Fides oborta, fructus
 Vt det fertilis, & decora: sacra
 In templo Sapientia litare
 Hisce primitiis licet: dicatum
 Qui se copulat huic, decus piorum
 In terris geret, inclytumq; nomen;
 Sedes hinc Superum petet beatus.*

V A N I T A T I S F U G A

Æ T E R N I T A T I S A M O R.

A Mica ueris aura, frigus æris
 Amabili tepore temperans, huini
 Feracis uberem sinum recluserat:

T

Fuga-

Fugarat atra Sol calore nubila:
Erant odora nuper arua floribus:
Recens crebrat herba; cantus alitum
Sonus obstrepebat inter arbores:
Fluens nitebat unda pura fluminum:
Obambulabat hinc & inde lusitans
Vagis recursibus genus natantium.
Sed ecce feruida furor Canicula
Agros adurit, aestuansque vitreo
Aqua dolet liquore rimis exui:
Amat latere piscis in recessibus:
Silent aues, & aura muta deficit.
Hiems iniqua iam recurrit; algida
Nives superna montium tegunt iuga:
Rigata mæret imbre terra: defluit
Fremens in aquor amnis unda decolor,
Vigorq; latus arborum statim perit.
Vt hac caduca! luxus Orbis opus,

Opum

Opum dolosa pompa, forma labilis,
Placensque inanum figura praterit.
Poli superna conspiciemur Atria,
Vel umbra noctis absit, aut recesserit
Dies, ut astra luce semper aurea,
Iubarque Apollinis nitent! nec officit
Globis micantibus, vel astus ingruens,
Vel imbribus gelu-ve bruma sauiens.
Quid inter hac, futura non recogitas,
Dies videre diligens bonos, mea
Supina mens, tua salutis immemor?
Solet nocere sapius, quod allicit.
Parens sit Eua testis. Hiscæ iugiter
Monemur: omne, quod fugax, relinquere;
Quod est perenne gaudium, requirere.

IN ILLA VERBA S. AVGVSTINI,

Inquietum est cor meum , donec
veniat ad te Deus.

A *Vrum & voluptas auida corda non explent,
Non dignitas, celebrisq; fama, nec Regnum,
Seu quidquid est, quod accidat magis gratum.
Quid inquietus expetis vices rerum,
Sperans quiete perfrui? bonis nullas
Contenta mens, angustiam sibi quarit
Adraсте: laevam sine dexteram sortem
Hic obtinere cui datur, gravi curâ
Urgetur aquè; tentat è malis unus
Emergere, alter altiora venatur:
Vterque sperat, nec quiescit, incertus
Quid afferat dies; metuq; correptus,
Nunc angitur, nunc spem resumit: at sapi
Humana vota spes inanis eludit;*

Quod

*Quod pollicetur blanda, siue non præstat,
 Seu protinus, quod præstitit, fugax aufert.
 Stulti quietem dum labore sectamur,
 Laboriosa crescit iniquies: demum
 Nos opprimet labor quietis expertes:
 Hac non moratur humi, plagas colit Cali:
 Est in Deo quarendæ, cuius est donum,
 Quo candidas coronat, & beat mentes;
 Quas iniquies dum spe boni erigit veri,
 Vicibus ademptas Calitum choris addit.*

V E R A S A P I E N T I A M O R T I S M E D I T A T I O.

M*Vndi Machina fertur ad supremum
 Occasum, rapido rotata gyro
 Horarum: gravidâ dies & anni
 Alio perniciem gerunt futuram.
 Imminet Senibus propinqua leti*

Formidabilis hora: polliceri
Non potest sibi crastinum Iuuentus.

Mors enim pede prepes est ubique;

Et numquam satiata pascit omnem

Actatem. Pecudes solent in agris

Sic depascere flosculos, & herbas:

Sic vorat populata flamma messem.

Serò vigilare nos oportet.

Vt desiderium tenax fugacis

Vita fascinat! et trahit voluptas!

Vt cor abripit aura blanda plausus,

Implicat laqueis opum cupido,

Fallit Ambitio, tenetq; luxus!

Stulti quid sequimur Caduca? fulgens

Cali Regia nos vocat; sed armis

Obniti Pietatis est necesse

Contra nequitia dolos. Profusus

Victus illecebra valete: insus,

Plausus,

Plausus, pompa facessat: hinc superbum
Sensuum vigor impetum remittit,
Hinc vires animus suas adauget.
Non somno dapibusq; praequantur,
Sumat quod sibi sat, licetque, corpus;
Sic non ledit ut hostis, impetitque,
Sed pugnat simul, adiunatq; mentem.
Hospites sumus hoc in Orbe, non hic
Nobis Patria permanens: Inani
Lactamur specie boni. Peribunt
Tamquam Somnia cogitationes,
Qua nos immemores perennis Aevi
Luce orbant Rationis. Institutis
Mens veræ Sapientiae dicata
Lessum cogitet, execrata luxum.
Miles non referet decus triumphi,
Pugnam non meditatus imminentem.

P E R.

PERTVRBATIVS
ANIMI PRAVI MOTVS
PLACIDA RECTI QVIES.

L Iberè vagans per agros quo panore concutit
Vrbium ciues minaci fronte cladem praeferens
Mars, iniquâ cùm cruentus cade cades aggerat!
Vrit ades, culta vastat arua, delet oppida,
Tristibus complet querelis cuncta, luctu, sanguine.
Attamen procaciter cùm circuit praeordia
Blandiens nobis cupido, maius infert praelium.
Qualis oras per patentes cinctus Auster turbine
Fertur atrox, & comantes imbre fruges deiicit,
Vinitoris & labores sternit ictu grandinis
Moxq; frendens acriori vi reuellit arbores:
Talis ingruit, tumescit, infremit Superbia.
Vidit ardens culmen Aetna sapius Trinacria

Ignos

Igneos globos clementis tesqua flammis urere;
 Et per ima dorsa vallis saltuosa serpere,
 Perq^{ue} campos, perq^{ue} pagos, pertinax incendium:
 Igne senior fiorenti fructu irâ percitus.
 Fluctuum se salsa magno Regna tollant impetu;
 Carbasis fractis fatiscat quassa puppis horrida
 Turgidi maris tumultu; voce clament flebili,
 Innocentq^{ue} supplicantes diu Cali lumina
 Nauita mergi pauentes astutanti vortice:
 Cordis impij procellis nulla par est inquiet.
 Sensuum motus rebelles una Virtus comprimit,
 Si potenter flans ab alto Sanctus adsit Spiritus.
 Flamen alium, te beatam largiente gratiam,
 Pura mens dono quietis lata semper exilit;
 Sine pontus intumescat, sine flamma ferueat,
 Sine nimbus atque grando, sine bellum seniat.
 Nubis expers hora ueris ut serenat aethera!
 Manè surgens Sol ab ortu luce fulget aureâ:

*Vda roris herba guttis, prata vident floribus:
 Dulce concinunt volucres frondium sub tegmine:
 Absque motu conquiescit unda Ponti carula.
 Summa nautis pacet aquor vitreum pellacia,
 Ambiat diffusa Calum quantavis serenitas,
 Vna cordis innocentis maior est tranquil-
 litas.*

FELICITATIS
 HUMANÆ FUGA
 CÆLESTIS ADEPTIO.

P*Ratereunt anni, celeri pede labitur atas,
 Et vix orta dies non reditura fugit:
 Circumdantq; breuem variis discrimina vitam
 Casibus: hora graui nulla timore vacat.
 Arentes veluti Boreas ex arbore frondes,
 Sic homines leti vis inopina rapit.*

Nos

Nos tamen affixi terra traducimus annum,
 Ac si mors umquam non obscunda foret,
 Exactaq; dies ignava per otia vita
 Negligat aternâ pendere lance Deus.
 Prodigus hic auri, sublimes extruit ades,
 Quæ vastâ referunt mole Neronis opus.
 Tollitur hinc Aula paries, fornixq; decenti
 Se spatium profert; porticus inde patet.
 Quas anima afflatu dicas sensuq; vigere,
 Vt mirâ formas exprimit arte color!
 Aerea signa, lapis Parius, pretiosa supellex
 Vt capiunt animos, intuitumq; tenent!
 Ille colens largo solers viridaria sumptu,
 Gaudet agri donis, ingenioq; soli.
 Vitrea deuexis passim diffunditur haustis
 Lympha, vago serpens culta per arua pede,
 Quæ circum irriguis deducta canalibus ambit
 Distinctas terra fetibus areolas.

Hic frutices crescunt, frondens ibi germinat arbos:

En illic flores, veris odora cohors.

Tonfils herba refert, Eoûm inuenta, tapetes,

Et myrtus varias ingeniosa feras.

Hic procul à curis pandit se purior ather,

Iucundumq; ciet frigus ab arboribus:

Per nemoris spirant frondes Zephyritides aura,

Quas volucres latis vocibus excipiunt.

Attamen optatâ frustratus uterque quiete,

Qua sua sunt spernens, expetit id quod abest.

Est, qui miratus sortem redeuntis ab Indis

Caruleum pinu per mare currit iter:

Nec pauet infido vitam concedere Ponto,

Vt magnas aliis præstet adeptus opes.

Ast alius sobolis fetu protendere gentem,

Coniugiiq; bono par putat esse nihil:

Virginis eximia formam sua gaudia ducit;

Huic thalamo iungi nocte dieq; cupit.

Sunt,

Sunt, quibus est blanda plausus gratissimus Aula,

Et pueri cantus, voxq; sonora lyra.

Nil illi potius, diro quàm gloria bello

Parta; libens clarum sanguine nomen erit:

Adspiratq; manu sceptrum gestare, per enses

Cade sibi sternens, insidiisq; tuam.

O vanas Hominum curas, & inania vota!

*Si quis & assequitur, quidquid anhelus
auct;*

Stillantes cribro latices de flumine portat,

Plenaque rimarum dolia complet aquis.

Non mihi sint Regum vita, nec funera testes:

Est tua, Rex Salomon, pagina nota satis.

Picrius resonet cantus, famulatus abundet

Promptus, & Assyrio spiret odore domus:

Quid regale iubar, vel opum quid gloria prodest?

Quid populi plausus deliciisq; iuvant?

Sunt aura sonitus, vel opus quod aranea texit:

Nectunt, sint quamuis aurea, vincla manus.
nus.

*Quid decor est forma? veluti Rosa sera superbit;
Sole oriente oritur, Sole cadente cadit.*

*Exeritur viridi septo, decerpitq; floret
Vivida; sed subito languet, & atteritur.*

*Lubrica fors Regni, spinosis anxia curis,
Instabilis fertur vi male nixa rota.*

*Nesciat aduersos casus, partisque fruatur
Tuta, tamen trepido corde futura timet.*

*Vt stipula tenuis vanescit ab igne favilla,
Sic micat, & fugiens gloria Regis abit.*

Cetera deficiunt, vt aquæ tenuissima bulla:
Sola mihi superest, quæ tumulabor, Humus.

O anime infelix, Terræ quid munera quaris?

Te sibi, te Cælo condidit ipse Deus:

Et

Et potes infanos cordis præferre tumultus
Æternæ Paci, lætitiæque Poli?
Hic te pugna manet: victori debita solum
Palma; coronatus, qui benè pugnat, ouat.
Nec fuerit CHRISTI miles certamine victor,
Humanis humeros si grauet exuvii:
Sobrius huic aptus pugna, per commoda transit,
Degit in excubiis, esurit, atque sitit.
Legerat ex acie, Domino mandante, trecentos,
Quos videt è digitis lambere fontis aquas,
Dimissis aliis, Gedeon, quos potus hianti
Guttare humi promos flectere crura iubet:
Mox fugat innumeros hostes, multisq; peremptis
Exiguâ Madian castra phalange capit.
Rebus in his fluxis licitus se quatenus usus
Proferat, unda labris parcius hausta docet.
Hæc natans per aquas canit, arridensq; Voluptas
Vt Siren variis attrahit illecebris.

Me

Me miserum species umbra ludentis in anne

Decipit, & blandis fallit imaginibus:

Allicit incantum mendax dulcedine cantus,

Donec recludat funeris hora dolos.

Heu quid agam? Densâ cingor caliginis culpa:

Noxius ah nimium diluit ora liquor.

Abripiunt motus animum: sic membra natantis

Sapè trahit vortex, mergit, & haurit aquis.

Ardua res, prauos subito deponere mores,

(Arbiter est usus) ni Deus adsit ope.

Criminis heu quanto pressus sub fasce laboro?

Intendant facies mortis & umbra metum.

Si venerande senex, Stridon quem protulit Orbi

Virtutum specimen Christiadiumq; decus,

Tu trepidas, meditans supremi temporis horam,

Quamquam sis vita conscius innocua;

Quas animo voluam curas, quem ingiter atas

Arguit in scelerum sordibus acta reum?

Terrifica

*Terrifica quoties mortis subit ultimus ictus,
Iure tuis tecum sensibus afficior:
Nempe Tuba resonans clangor mihi personat aurem,
Horrendumq; Dei nuntiat fra diem.
Sine legam, capiam-ue cibum, spatiér-ue per Urbem,
Languida seu noctu membra sopore lenem;
Acria concipiens ultoris Iudicis ora,
Anxia mens horret, cor labat, ossa tremunt.
Parce, precor, Custos hominum, mihi parce precanti:
Ah tua CHRISTE tuum dextera perdet opus?
Te mihi redde prius, quàm tristes cedat ad umbras
Spiritus: ah tutum lux tua pandat iter.
Hei mihi parce, tuum clemens compesce furorem:
Quid miser heu capiam te sine consilij?
Nam sine te mentes humanas nulla salutis,
Veri nulla boni cura subire potest.
Temporis amissi cruciant dispendia mentem:
Ah gemat os, plorent lumina, cor doleat.*

X

Hac

Hac via sola patet: dolor est sociandus amori.

Ah tua me species, te mihi iungat amor.

Me tibi iungat amor; Patris qui summa potestas,

Terrenumq^{ue} regis fidereumq^{ue} globum:

Tu radius fulgens, perfecti forma decoris,

Inferis omne iubar rebus, & omne decus.

Attamen angustâ voluisti clausus in aluo

Virginis, humanas natus obire vices;

Et Crucis in ligno configi, ut morte redemptos

Mortales Erebi faucibus eriperes.

Proh me recordem! tanto male gratus amori,

Innitax fluxis, & fugitiua sequar?

Ah pereat quidquid gemmarum, quidquid & auri

Dives Arabs, Gangis potor, & Indus habet.

Militiaq^{ue} gradus, Regumq^{ue} optata facessat

Purpura, seu quidquid suggerit Ambitio.

Proh pereat luxus, pereat male suada voluptas:

Te sine CHRISTE gravi dulcin felle madent:

Te

Te sine iucundum nihil est, nec amabile quidquam:

Ipsi in luce suâ luce carent oculi.

Iucundus labor est tecum, fit dulcis amaror:

Tu mihi pax cordi, tu mihi CHRISTE quies.

Fac, precor, ut recolens noctesq; diesq; requirat

Te mea mens unum, cogitet, optet, amet.

A D

ALEXANDRVM FRATREM.

Quâ ratione prauus animi affectus

fugiendus, & curandus.

Est opera pretium vexari febre timenti
Corporis, aut quavis noxâ prauertere causas,

Eadere qua possunt; multo nam lasa labore

Corpora cum languent, reparentur oportet: in agris

Curandis animis ratio par esse videtur,

X 2

Si

Si quis, Alexander, trutinat rem lancibus aquis.
Ars Medici, quamvis Coe sit doctior ipso,
Pharmaca qua mittunt Indi, seu prae parat ignis
Eliciens tennes vario de gramine partes,
Seu quidquid produnt effossa viscera terra,
Et species morbi, lecto qui detinet agrum,
Curatu facilis, quidquam non proficiunt, ut
Incolumis rursus fiat, viresq; resumat,
Si Medicos renuat succos, vitetq; medentem.
Impliciti vitii animi grauiore laborant,
Quam corpus; morbi specie: plerosque latet, se
Aegrotare suis affectibus indulgentes;
Hinc in deterius noxa vis effera gliscit.
Sunt alij, qui percipiunt quo pondere pressi
Succumbant, cupiuntq; mali reperire medelam;
Non tamen, ut valeant, remouent qua laderet
cernunt:
Scilicet his vita nimium spes credula celat
Exitium,

Exitium, furtim properans. Tu prouidus annos
 Elapsos meditare, fugax & ut auolat atas:
 Si culpa stimulos sentit mens excita, noscet
 Quàm graue discrimen subeat qui vincere pergit,
 Exutâ ratione, futuri non memor aui.
 Qua nocuere, sequi caueas, constansq; repelle:
 Hoc age persistens; usus contrarius usum
 Delet, & infirmis prodest; additq; vigorem.
 Nec praesens te decipiat nocitura voluptas;
 Qua vix orta cadit, vulnus letale relinquens.
 Protinus illecebra turgentia semina tollas:
 Sensibus irrepit paulatim, quod placet, & se
 Insinuat, mox assiduo subit altius usu,
 Insertumq; animo, tamquam foret ingenitum, ha-
 ret;
 Et latè serpens cariosum erumpet in vlcus,
 Ni Ratio primos exclusit obuia motus.
 Hanc igitur sectans, promissae praecepta salutis

*Auribus admittas : in primis Numinis alnum
Præsidium implores , fugiens qua noxia cæptum
Proposuit turbant ; facili te calle pericli
Diriget expertem promissa ad gaudia cali.
Impulit hoc teneros pueros , castasq; puellas,
Fundere pro CHRISTI cultu cum sanguine vitam.
Non illos acies districti terruit ensis,
Non algor glacialis aqua , non ungula & uncus;
Non virga , saevaq; rota , non ora leonum,
Non crates , non flamma vorax ; nec prava iubentes
Deliciis , opibus , vel amictu murice tincto,
Consilium recta potuere invertere mentis.
Sapius hac tecum tacito sub pectore voluc,
Quicq; manet fontes rigidum cruciatus ad Orcum,
Mærentes inter tenebras , & mortis in umbrâ;
Quàm sit atrox illic stridor , quàm sit ferus horror.
Quem non hac gelido quatiant audita pavore?
Quis scit an exorto surgentes manè videre
Lucem*

Lucem possumus, mare cum subit occiduum Sol?
 Ultima mortales citius seu serius hora
 Opprimit, interitum, aut vitam latura perennem:
 Quos tamen interea fallacia vota fatigant;
 Falsis quippe bonis, vel inani ludificant spe.
 Fac recolas quantum distant aeterna caducis:
 Incipient luxus, odium, cura^q salubres
 Pellere desidiem, nocuos^q cupidinis ignes;
 Accedet Virtutis amor, quem robore firmat
 Caelestis fauor adsistens ex corde precanti.
 O utinam coeptis adsit! mortalia quaque
 Desipiunt animis sancto quos lumine complet
 Gratia; per^q gradus rerum mens nescia culpa,
 Corporis obstantes optans abrumpere nexus,
 Transilit aethereos tractus, Calig^q mentus,
 Ac penetrans ultra Superum, se coetibus infert,
 Adspirat^q Dei faciem visura beari.

LAV.

L A V R E N T I V M
 M A G A L O T T V M
 V T R I V S Q V E S I G N A T V R Æ
 R E F E R E N D A R I V M
 Rusticatum inuitat.

A *Rura madent pluuiis, & amabilis aura calores
 Iam fregit, celeriq₃ fugâ se proripit æstas:
 Rura vocant, latiq₃ patens in collibus ær.
 Hic recreor, spatiorq₃ libens, ubi libera longos
 Lumina metiri gaudent obtutibus agros.
 Hic reficit corpus vires, seniumq₃ moratur:
 Hic bona sollicitam tranquillat otia mentem.
 Si MAGALOTTE placet tristes deponere curas,
 Quâ Lacus Albanus vitreis diffunditur undis,
 GANDVLPHI Pagus, veteris pars altior Alba,
 Excipiet*

Excipiet lare nos modico : qui sufficit usus,
Quos paruo contenta petit Natura. Superbæ.
Non ædes, animi requies facit vna beatos.
Hanc tibi, qua cordi, solum parat ardua Virtus.
Huc igitur secede: bonis, qua detulit anni
Hora, parensq; sua tellus dat sponte, frueris:
Nec vitulus lactens, & odoro gramine veruex
Pastus abest: dant ova cibum, piscesq; recentes.
Aucupium iuuat? Hic stipulis ager abdit Alaudas:
Hic notu signata canis capienda Coturnix
Obtentu retis: lini seu fallere nexu,
Seu visco Turdos libeat, venantis in usum
Est nemus aptatum: Perdix & Phasidis ales
Non desunt: capies Lepores, Capreasq; fugaces,
Quæ propè frugiferis tellus fert pabula campis.
Cetera formosus qua præstat commoda collis,
Accipe. Fons gelidum deductus munere Pauli
Fundit aqua riuum, cordiq; salubrior ather

Y

Influit:

*Influit : huc siquidem spirans non amplius Auster
Aduchit humentes vicinâ è valle vapores:
Vberibus segetem glebis, herbasq; virentes
Nutrit humus, nuper caeno lymphâq; palustri
Obruta. Cum terras oriens lux aurea Solis
Exhilarat, summo ducet te semita clino,
Vnde lacum spectare licet, quem scena coronat
Frondea: nam gemini cœuantes more Theatri
Vndique protenso tollunt se margine ripa;
Quas illinc auium sedes, & quercus & ilex,
Populus hinc ambit, sociatâq; vitibus ornus.
Non procul obliquo curuat latus orbita flexu,
Assurgensq; noua templum superimminet Alba,
FRANCISCI cui sacra Cohors famulatur : ad
Aram
Hic tibi fas Superos in vota vocare, Sacerdos
Dum sancte peragit passî mysteria CHRISTI.
Mox gradiens vario quâ tramite diuidit hortus
Arcolas,*

Arcolas, mistoq^{ue} olerum florumq^{ue} colore
 Pingit humus, nemoris gratus ascende per umbras,
 Est ubi montis apex; capiet te mira voluptas:
 Si circumspicias, aspectu videris uno
 Oppida, camporum tractus, silvasq^{ue} comantes,
 Pascua, clementes colles, vineta, lacumque,
 Et maria, & montes, augustaq^{ue} mœnia ROMÆ.
 Nunc age solertes protende per omnia visus.
 En propè subiectis vites in collibus tuam
 Obiiciunt oculis, ostro qua certat & auro,
 Et latices fundit, referunt qui vina Falerni.
 Ostentat Pomona suos ex arbore fetus;
 Quaq^{ue} fluant musto, promit sua prala Lyæus.
 Aspice planitiem, gregibus qua gramina passim
 Exhibet, & latè campos quos prabet arandos,
 Ut largâ Tyberis ditescant horrea messe:
 Qua Populum referata beant sub Principe PAVLO.
 Hinc etiam diffusa procul maris aquora cernas,

Quaę ferunt celeres albentia carbasæ pappes:
Cum vitreum radius dorsum Sol desuper ambit,
Mobile Lucis iter format, miroę nitari
Non impar, quem sideribus compacta minutis
Aëris in sudo noctu Via Lactea pandit.
Longius exurgunt alta fastigia rupis,
Quam Circe tenuit: pelagi se prodit ab undis
Pontia, nunc dumis horrens, & inhospita; quon-
dam:

Christiadum exiliis celebris, cum dira premebat
Sauities CHRISTI cultum. Vicinus in auras
Prominet Albanus vertex, ubi caca Quiritum
Est atas operata Jovis Latialis ad aram.
Ardua Soractis cernix ut in nira fertur!
Apparent Cimini montes, collesę Sabini,
Et iuga Samnitum, summas aquantia nubes.
Quam iuuat inuitu magnas discernere moles
Urbis? ab Exquilis celsâ testudine culmen

Parrigit

Porrigit eximij species miranda Sacelli,
 Quod tibi Christiparens, almi lux prima Padoris,
 Addictum pascuit studium; pietasq; dicavit,
 Quâ coluit, puroq; colit te pectore PAVLVS:
 Cuius opus pulchro surgens in colle Quirini
 Se Domus extollit, regali condita sumptu.
 Excelsi tholus en Templi se proximus infert
 Sideribus, pia quod vasto molimine cura
 Pontificum struxit PETRO. Te PAVLE loquetur
 Posteritas, laudemq; tuis hanc laudibus addet:
 Nam tibi debetur tanta pars maxima molis.
 Sed tua dum vario LAVRENTI lumina pascis
 Prospectu; rapidos Cali per inane Iugales
 Phœbus agens, minuit iucundas altior umbras.
 Qua tamen hac Albam promo petit obuia ductu,
 Hinc iter inflectens reduces in limine sistet
 Nos via, nec venti flabris, nec peruia Soli;
 Arboris etenim ramis utrumque vivescens

*Explicat Umbriferum gratissima tegmen eunti.
Post epulas dulci dederis cum membra quieti,
Et medium Phœbus Calum trans miserit axe,
Non procul in siluam sonipes te deferet : illam
Huc illuc gressu placido peragrasse inuabit :
Hic tibi Castanea frondentia brachia pandunt
Quercubus admista, fessosq, umbracula texunt :
Sine per annosos rhedâ uettabere saltus,
Quâ latè montana patent aquata viarum
Strata rota, Nemus hac petitur, speculumq, Diana:
Hoc lacui nomen fecit, quæ pura liquentis
Lympha vitri speciem referens, sinuatur in orbem.
Abditus hic inter siluas est creditus auum
Hippolytus duxisse, nomen de nomine dictus
Virbius, auxilio Trivia reuocatus ad auras
Aethereas : arcebant equos hinc uana uetustas,
Quod pauidis abreptus equis per devia leto
Sit datus Hippolytus. Valeant insomnia Pindi.*

Vt

*Vt veterum, quæ vera, Virum iucunda recurrant
Mentibus, apta facem rebus præferre gerendis!
Hinc oriens primum Romana potentia fluxit,
Post varios casus, dubiisq; pericula Martis:
His pater Aeneas profugus consedit in oris,
Quem tandem rapiens absorbuit unda Numici.
Filius Ascanius constructis mœnibus Alba
Dat Regum seriem, quorum de sanguine felix
Romulus auspiciis æternam condidit Urbem.
Linquimus Aegeria lucum, quo provida virtus
Aucta Numa, Populumq; rudem belloq; ferocem
Formavit studio pacis. Non funere fratrum
Territus, hic ternos prostravit Horatius hostes.
Immodicis Albanus aquas lacus auctibus olim
Extulerat, nullis manantibus athere nimbis:
Si ripis emissa, maris non influet aquor
Vnda lacus, Delphis, inquit, consultus Apollo,
Romani capient obsessos milite Vcios:*

Permeat

*Permeat hinc subiens casti per viscera montis
Iugis aqua riuus. Species ambesa Theatri,
Stirpibus innatis squalet: quater hostibus Alba
Ludibrium iacuit: densis en obsita dumis
Regia, quam posuit Romani Flavius heres
Tertius imperij: fastu qui turgidus egit
Hic annos epulas inter, mimosq; loquaces,
Deliciis fractus. Lactet nunc stemmata gentis.
Ignotos extrema dies insignibus æquat.
Ingentem subitus siluam cum corripit ignis,
Confundunt cineres quercus, humilesq; myrica.
Mitte supernaculum cultum, curisq; solutus
Eripe te rerum strepitu. Sibi viuere dulce est.
Viue Deo, tibi sic viues. Te sola sequentur
Post cinerem benè facta: rapit reliqua om-
nia letum.*

ALEX-

ALEXANDER

ECLOGA.

Qua solita es pecudes inter frondentis in umbrâ
 Illicis agrestes calamos inflare Thalia,
 Linque casus nemorum, cultusq; ornata decenti
 Marmoreas Regum turres pete: digna sonora
 Voce tuba Heroum molimur maxima facta.
 Non facit atrocem ad Martem rude carmen
 Auenæ.

Ecquis ALEXANDRI possit tam grande sonanti
 Carmine complecti laudes, ut facta canendo
 Aequarit? Nec enim tantum Ducis inclyta virtus
 Caesaris ingentes animos imitatur, & ausus
 Scipiadum, Fabiūve moras: quot protulit umquam
 Roma Ducum claras virtutes, excitat uno
 In Duce ALEXANDRO Maiores: Thrax effernus, ensis
 Z Ful-

Fulmineos ictus sensit; cum carula passim
Acquora Turcarum fuso rubuere cruore,
Quà mare Naupacti fluctu caua littora plangit.
Hic iterum fracta vires Orientis ab armis
Hesperia, hinc sacram capta videre triremes
Per sua transtra Crucem vittricia pandere signa.
Acer in aduersos illum rapit impetus hostes:
Nulla Viro virtus obstat, vis nulla resistit
Herois gladio: nigras mors explicat alas
Lunigeras puppes super, ac truncata cadentum
Membra cruentati fluitant per marmora ponti.
Hellepontiacà Byzanti in sede Tyrannum
Fama volans tanta turbatum nuntia cladis
Perculit: huc, illuc, trepide per compita fertur
Correptum pauidis vulgus praecordia curis.
Quisque fugam meditans, incertis anxius haret
Consiliis. Facile poterat perterritus hostis
Ad priscas Tanais cogi remeare latebras

Ni fera Christicolis vario discordia motu
Distractis, merita rapuisset pramia palma.
Sic placitum Superis nostra ob contagia culpa,
Gaudentis patrio perfundere sanguine campos.
Nec tua, ALEXANDER, tantum decora inclita nouit
Qui colit Eoas oras, & clara trophaea
Miratur, captasve dolet pradaſq; uirosque,
Armatainq; timet funesta in praelia dextram:
Nouere Ausonij, Batani sensere subacti.
Hi magnos ausus animi, metuendaq; fortis
Damna manus; illi meritos ex hoste triumphos,
Et summos immortalis Virtutis honores;
Hiq; tuam noscent ventura in sacula famam,
Quos & uterque Polus, quos Taurus claudit, &
Atlas,
Quiq; sua inuertunt nostris uestigia plantis.
Nulla tuas poterit laudes abolere uetustas,
Dum Scaldis tumidum rapidis irruimpet in aquor

Z 2

Flu-

*Fluctibus, & stabit celsis Antuerpia muris:
Bellica dum Belga soboles, nomenq; manebit.
Nam quid ego hostiles summâ virtute fugatas
Commemorem turmas, debellatasq; phalanges?
Quid fluvij clausum per aquas iter obice pontis,
Quem Ratis incausum tentavit perdere nitri
Feta dolis, iussasq; ferens in tempore flammâs?
Seu quid consilio, pernicip; oppida capta
Aduentu? vel aquis cinctas & mœnibus arces
Assiduis victas studiis, urbesq; subactas?
Nec tibi res fuerat tantum contra horrida Belga
Arma, nec adversus munitas aggere fossas:
Sapè Britannorum sanâ undique circummucentum,
Gallorumq; acie Regio te Belgica vidit,
Ac tria denicto referentem ex hoste trophæa.
Non tibi tormentis sanos imitantibus ictus
Fulminis, aut lymphis circumstagnantibus alta
Vrbis agrum, est aditus clausus; non fluminis undis,
Quâ*

Quà celeres furtim lintres alimenta ferebant
 Hostibus obseſis: victor tantâ Vrbe potiris.
 Qualis in Alpino nodosa cacumine quercus
 Sapius incurſus Borea frustrata frementis,
 Et quamquam insolito miscetur turbine Calum;
 Stat tamen immota, & venti vix frondis honorem
 Decutiant: tenues fulmen si fortè per auras
 Iuppiter in quercum contorſerit; illa repente
 Concidit, & campis infert ſegetiq; ruinam:
 Palantes fugiunt pecudes, pecudumq; magistri;
 Ac ſibi tota timet ſubſultans murmure ſilua.
 Talis, ut Herois generosa robora dextra
 Senſit, Iberorum conſueſta enadere niſus,
 Cedit, & admittit victorem Antuerpia portis.
 Iam pauor excurrit mortis, iam terror oberrat
 Exitij. Quid agat? tantis circumdatus armis
 Quid teneat? Veniam ſupplex ſibi Belga precatur.
 Et licet incenſum valido cor ferueat aſtu:

*Tu tamen antiqua FARNESI gloria Gentis
Supplicibus veniam defers, & bile tumentis
Vltiores animi sedas in pectore motus.*

*Hoc Virtutis opus. Nunc ò quantum libet illa,
Nunc tui Alexandri facta inclyta Gracia iacta.*

*Est & ALEXANDER Romæ, æquè fortis
in armis:*

*Maior in hoc; nec enim tantum deuicerit
hostes,*

*Hostibus at victis sese quoque vincit, &
iram.*

I V L V S

ECLOGA.

I*nfelix Galatea ungas Minionis ad undas,
Sen solis fugeret radios, sen ferret opacas
Nox tenebras, raptum crudeli funere Fratrem
Flebat,*

*Flebat, & aurcolum vellens de fronte capillum,
Nequidquam hos gelidis silvis & flantibus auris
Iactabat questus, animamq; vocabat amatam.
Cur dolor heu prohibes in fletum ducere voces?
Sive quid inuitis lacrymarum suppressis imbrem
Luminibus? mea cur tantum singultibus ora
Mœsta sonant? iustis nec dum laxata querelis
Est via? Te ne mihi Frater tam dirus ademit
Casus, & ante diem sancta tibi lumina morte
Condidit? Heu te tam crudelia fata manebant,
Ut tibi fulmineis foret ictibus occumbendum?
Horrendo intonuit nimborum murmure Calum,
Ac simul abruptis elisus nubibus ignis
Excidit: heu subito correptus fulminis ictu
Volueris exanimis, lucemq; relinquis IVLE.
Ipsaq; tam duro casu concussa repente
Frigore corripior pectus; gressusq; labantes
Heu me destituunt: certâ vix sede manet mens.*

Accurro

*Accurro tamen infelix, collapsaq; membra
Excipio, simul & pallentibus oscula labris
Admoueo, frustra q; tuo te nomine Frater
Compello, extremumq; anima fugientis in auras
Halitum ab ore lego, & morientia lumina condo:
Et feretro gelidos compono flebilis artus;
Te q; rigo lacrymis. Tandem produceris; & iam
Funereis de more via longo ordine lucent
Ignibus, implenturq; leues lugubribus aura
Vocibus: atratis cognati in vestibus adsunt.
Te sequor hos inter, comitataq; ad usq; sepulchrum,
Inferiis mærens adsto. Pia turba precantum
Circumstat feretrum: iustis & ritè peractis
Non illaudatum tumulo te condit IVLE.
Ah quid, cùm febris iactatus ab igne iacebas,
Effudi Superis supplex pia vota? quid ora
Respersi lacrymis cumulans altaria donis?
Scilicet ut sani rapereris fulminis igne;*

Nec

*Nec misera heu miserrum extremo sub tempore
Eratrem*

*Affari possem, & voces audire supremas?
Ah dolor, ah lacryma! tantas an cōcipit iras
Nubiferum Calum? Quid si non liber ab omni
Crimine vixisses? Nulli mors inuida parcit.
Inuida mors, Fratris cano num vertice crinis
Albebat; dirō-ue dapes aut vina veneno
Dextera miscuerat, furtim molita piorum
Funera? An in quemquam violentum strinxerat
ensem?*

*Anne fidem Superūm sancto violarat abusus
Numine? Num Templis atros immiserat ignes?
Heu benefacta nihil, florens nil profuit atas,
Heu nihil incorrupta fides, mensq; integra iuuit.
Ah Frater mediā miser intercepte iuuentā,
Quo mœrore, quibus curis me conficis agram?
Quos acuiunt tua fata mihi sub corde dolores?*

Aa

Nam

*Nam postquam horrisoni cecidisti fulminis ictu,
Quamquam sex denos rutilus Sol extulit ortus,
Bisq; Soror iunctis complens cornibus orbem;
Non tamen ulla meam possunt solatia mentem
Mulcere, aut cordi infixum sedare dolorem.
Inuisa mihi sunt Comites: dant omnia flendi
Materiem, lucemq; simul noctemq; perosa
Te cupido exquirunt, Frater, mea lumina visu.
Nullam fert requiem tacitâ sub nocte cubile:
Quin nostris tantum resonat plangoribus ather.
Et mihi vix primi claudit sub luminis ortum
Sera quies oculos; buxoq; similima campos
Et montes peragro, tellus ubi lampade fulget
Phœbeâ, nostrisq; sonant nemora alta querelis.
Et cum deficiens mediis vox faucibus hæret,
Ilia singultus quatiunt, tepidaq; per ora
Voluntur lacryma: & gelida iam lumina mortis
Ferrens urgeret somnus, ni Delia nuper*
(Delia,

*(Delia, qua sacro vitam castissima Templo
Transigit, & veras illi transmittere fertur
Præcia mens Vmbra, seriemq; aperire futuri)
Lenibus alloquiis curas pœnamq; leuasset.
Illa quidem dixit, Frater dulcissime, iussu
Aetherei Patris, summo qui regnat Olympo,
Te loca adisse, quibus prisca vestigia culpa
Omnia delentur; nosterq; hinc spiritus astra
Ascendit leuior, Calig; in parte locatur;
Teq; breui athereas subiturum tempore sedes:
Sed tantos animi ut melius componere motus,
Ac solidum possim pœnis adhibere leuamen,
Spiritus ô Fratris tenues labare per auras;
Huc adsis, leuis Vmbra, tuam miserate sororem,
Si de te verum prædixit Delia, pande;
Ne mea perpetuò titubet mens nescia. Sed iam
Huc ades, ô cari dulcissima Fratris imago;
Huc ades, aspectuq; tuo solare dolentem.*

Aa 2

Talia

Talia dum iactat, Calo processerat alto
Humida nox, lateq̃s solum pontumq̃ tenebat.
Et licet hinc dederit finem defessa querelis;
Non tamen abscessit luctus: quin tristitia fletu
Lumina rorabant, singultusq̃ ora ciebant.
Iam vero Hesperias Phæbe properarat ad oras,
Quadriugis inuecta rotis, pronosq̃ sub undas
Oceani Calo, vaga sidera voluebantur,
Cum tandem madidos irrepsit somnus ocellos.

AD VRBEM ROMAM
 IN OBITU
 ALEXANDRI FARNESII
 S. R. E. CARD.

Q*Vid flet purpurei decus Senatus*
Roma FARNESIVM tuum peremptum?
Fletum comprime: vivit ille vitâ

Aeternum

Aeternum meliore nactus auum.
Nam uiuens aluit, Parentis instar,
Quantum floruit eruditionis:
Puberes miseros, Senes, & Aegros,
Pauperum genus omne, Virginesq̃
Sacras munificâ manu leuauit.
Et nouas fabricauit, ac vetustas
Auxit diuitiis, & ampliores
Aedes reddidit. An carere tantis
Commodis cruciari, angereisque?
Atqui FARNESIVS per hac, quietem
Perennem peperit sibi: neque ano
Possset perpetuo frui beatus,
Ni tu præsidio illius careres.
Et quò tu quereris magis doléſque,
Erga te merita illius fateris
Esse èò magis ampla: sic & hisce
Illi gaudia parta pleniora.

*Quare, ni male grata tete in illo
 Amas, sed redamas tuum Patronum;
 Fletus comprime. Nam tuo leuamen
 Dolori dolor ipse fert; tibi que,
 Quò doles magis, est minùs dolendum.*

AD GRATVLATIONEM
 ANTONII GIGANTIS
 RESPONSIO

Nomine DIONYSII RATTÆ, in nume-
 rum Romanæ Rotæ Auditorum
 nuper adscripti.

Q*Uod Patrum Pater omnium supremus,
 CLEMENS Maximus Optimusq; Princeps,
 In me munificus satis superque
 Dignitatis in hoc gradu locatum,
 Pondus tam graue me subire iussit;*

GIGAS

GIGAS tu mihi gratularis? Esse
Iucundam mihi gratulationem
Tam caro à capite haud negare possum;
Quin ago tibi gratias perennes.
Verum est ex animo mihi dolendum,
Virium bene conscio mearum:
Ni praesens Deus adsit, ipse mentem
Meam lumine lustret; inq, Iusti
Et Aequi dubiâ viâ labantem
Me regat. Meus huc laborque, & omne
Confertur studium. Inter hosce clausa
Limites mea cura non vagatur
Vltrà; dum Rota in Orbe constitutus,
Aevi quod superest, agam: mihiq;
Hoc ab Orbe refertur Orbis ille
Cali; ut hisce laboribus libenter
In motu, veluti Polus, quiescam.

AD

A D

VIRGINIVM CAESARINVM
CÆSARINI DVCIS FRATREM.

Rusticari, curas ac studium intermittere,
verum valetudinis præsidium.

VIRGINI, decus eruditiorum,
Amor Castalidum, iubar Quiritum,
Quos vera bona gloria cupido
Pennis euehit aurcis ad astra,
Quid rerum geris? ut vales? ut oris
Antij recrearis? an tepore
Istic aëris, ut ferunt, iniquum
Bruma frigoris impetum remittit?
Floridi tibi veris adflet aura,
Qua calum sine nubibus recludat,
Vt dulces nemorum queas per umbras

Securus

*Securus pede libero vagari,
 Dum cantu querulo strepunt volucres.
 Seu malis placidum maris per aquor
 Huc illuc agili vehi phaselo,
 Quem littus prope remus hinc & inde
 Impellat facili leuiq³ motu:
 Squamosum licet hic genus tueri
 Lusui necētere lusibus; vel hamo
 Piscem ducere. Quam inuat liquentis
 Regni caruleos obire tractus
 Vago lumine, nigra dum per undas
 Alis carbascis volat carina!
 Nec gratum minùs exhibet Theatrum
 Tellus gramine lata, quam petulci
 Huc hœdi, pecudumq³ grex, & illuc
 Immixti peragrant equis iuueni:
 Inter herbida prata se viuentes
 Diffundunt segetes satis in agris.*

Bb

Ad-

*Addunt se super, eminentq; dorso
Colles vitiferi: nivesq; in altis
Procul montibus albicare cernis.
An non hac facies soli decora,
Prospectusq; maris patens, & aer
Spiritus reficit, fugatq; tristem
Languorem, capitisq; fluxionem,
Quâ fauces nimium soles peruri?
Mitte cum Medicis graues medelas:
Curas excute noxias, capite
Valetudinis intimum venenum,
Et caros inbeas abire libros:
Sat te Ciampolus allocutione
Librorum vice detinet. Valentem
(Hac si feceris, ut reor) reuisam
Te breui. Deus annuat benignus:
Sic vouet tua Roma, sic Amici.*

NON

NON CELEBRANDA SOLVM,
SED COLEND A VIRTVS.

Virtutem meritis ad astra tollis
 Laudibus, cithara modos canoros
 Aptans, quos pudor integriq; mores
 Promunt è probitatis institutis.
 Res est digna quidem amulatione,
 Approbandaq; plausibus bonorum;
 Non tamen satis ad perennis aui
 Optatam requiem tibi parandam,
 Ni simul duce gratiâ superni
 Numinis benefacta consequantur,
 Qua pandant superam fores ad aulam.
 Has petentibus, hinc & inde passim
 Obsident iter hostium phalanges;
 Nempe delicia, cupidinésque,
 Et quidquid mouet, attrahensq; sensus

A sacrâ Pietatis arcet Aede.

Non alunt Crocodilon arua Nili

Magis quàm sit amor sui nocentem.

Tu recti studio, metuq, culpa,

Virtutum cuneum ciens opémque,

Pugna ceu iaculis & ense miles,

Qui fortis fugat obuias Cohortes;

Sic viam referans, ab hoste palmam

Non solo sonitu refert tubarum.

DE OBITU

CARD. PALEOTTI,

AD ANTONIVM GIGANTEM

EIVS FAMILIAREM.

D*Vm, mi docte GIGAS, te prope mœnia*
Vrbis Felsinea ruris in angulo

A curis vacuum detinet otio.

Musarum,

*Musarum, vitreis Rhenus aquis fluens;
Eheu Roma gemens quàm fera funera
Cogit me miserum cernere? quàm gravis
Nunc me pœna premit, qui dolor occupat?
Antiqua GABRIEL gloria FELSINÆ,
Et Patrum Columnen, quos sacra Purpura
Exornat, cecidit flebilis omnibus.
Quanto Christiadum publica res caret,
Et quo prasidio? Quem Senis optimi
Mores ingenui, puraq; Sanctitas,
Quem sincera Fides pectoris integri,
Virtutisque tenax rebus in arduis
Mentis consilium, & copia dinitis
Lingua, quem celebres ingenij latent
Fetus? hunc querula munere nania
Non fraudare queas: quin tibi plurimum
Dilecti meritas dicere Prasulis
Laudes cogit amor. Post cineres quoque,*

Non fallor, Dominum tu colis. *Aggredi*
Hoc quis possit opus? quem deceat magis
Quàm te, cui GABRIEL deditus cunice?
Qui vi Pierij carminis & lyra
In lucem revocas fluctibus obrutos
Lethais? Rutile nobilis incolà
Cali nunc GABRIEL pramia percipit
Vera; & quòd posita est meta laboribus
Latatur: fera non amplius impetet
Illum, qua miseris discruciet modis
Febris, non lateris corripiet dolor:
Non fratrum interitum cernet; & integram
Carpet latitiam, quam neque toxica,
Nec strictus gladius, nec metus horridi
Belli turbet, & hic qua mala plurima,
Casusq; ancipites omnibus imminet,
Quos vulgus fatuum non bene iudicat
Felices. Etenim vita Potentium

Est

Est regale epulum ; sed puer à scyphis
 Circumfert pateram sollicitudinum :
 Felix , cui cyathos parciùs ingerit.

R V R I S L A V D E S.

A *B Vrbe rura nos vocant ad otium
 Bona quietis , innocensq; gaudium.*

Quid hic moramur ? Ecce ver vices refert :

Ad hæc transuolant plagas Hirundines ,

Strepuntq; voce garrulâ , haud gemunt Itym :

Liquatur alba nix , gelûque soluitur ;

Hiems recedit acris , atra nubila

Fugat Fauonius , renidet Aetheris

Serenus ambitus , fretumque detumet ,

Ratique carulas recludit orbitas :

Opes & vda terra veris exerit.

Ab Vrbe rura nos vocant ad otium

Bona quietis , innocensq; gaudium.

Nono

Novo virent amicta prata gramine:

Novis & arua sunt decora floribus:

Botrósque pampinósque vitis induit,

Pluénque pura fontis unda murmurat:

Et inter arborum tenella germina

Aves canunt, & aura lenis adsonat,

Eburna ceu chelys, chorusq₃ musicus.

Ab Vrbe rura nos vocant ad otium

Bona quietis, innocensq₃ gaudium.

Vt inter hac patentis haustus aëris

Ad ima pectoris salubris influit!

Vt est videre dulce, siue collium

Aprica, siue montium crepidines,

Humum vel herbidam, satúm-ve, cum seges,

Velut maris tumentis unda fluctuat!

Amœna quàm iuvat per arua progredi,

Vel effedi rotis, equó-ve deuchi

Agri per aquor! ut vigor resumitur,

Laborq₃

Laborq̃ firmat agra membra viribus!
Ab Vrbe rura nos vocant ad otium
Bona quietis, innocensq̃ gaudium.
Suis ibi pudica Musa lusibus
Libens potest vacare, non licentia;
Vt arduis in Vrbe mens sit aptior.
Gravis facessit inde cura, concidit
Molestā turba litium. Negotiis
Datum satis: quid hic moramur? Anxij
Recessus est medela cordis optima.
Ab Vrbe rura nos vocant ad otium
Bona quietis, innocensq̃ gaudium.



Cc

AD

A D
BERNARDINVM
CAPPONIUM.

EN *Pater Autumnus, redimitus pulchra racemis*

*Tempora, pandit humi luxuriantis opes:
Imbre madent virides agri, fit mitior aestus,*

Dum cursu claudit Sol breuiore diem:

Ortag³ nocturni roris de flatibus aura

Innocuum blando frigore suadet iter.

Tu ne igitur celebres, CAPPONI, relinquere colles

Vrbis, & es patrium certus adire larem?

O, nisi me patris retinerent debita iussis

Obsequia in Tiberis, quod secat unda, solos

Non cari desiderio detentus Amici

Cogeret ingratos ducere in Vrbe dies:

Non

*Non equidem pluuiis torrens hiemalibus auctus,
Non oculis raperet te via longa meis:
Seu Tellus concreta gelu niuibusq; rigeret,
Seu flaret Boreas, imbricitor-ue Notus;
Seu squaleret humus camporum arentibus herbis,
Cultaq; flammisq; finderet arua Canis:
Non à te pelagi possent me auertere fluctus,
Nec maris incuterent mi fera monstra metum;
Efferà non Scylla rabies, non saua Charybdis
Ira, labor Nauta, perniciēsq; Ratis:
Horrida me numquam terrere Ceraunia possent,
Vt tibi non essem fidus ubique comes.
Ora tamen distans, non me mora longa, nec atas
Arguet ulla tui nominis immemorem.
Quem validè stringit præstanti pollice
Virtus,
Nescius est solui nexus Amicitiae.
Sic placitum Superis: posthac me Roma tenebit:*

*Tu sine me repetes, quos rigat Arnus, agros;
Inclita quàm celebrem laudum Florentia famam*

Explicat eximiis Patria clara Viris.

Te germana Soror, Genitrixque, Patérque morantur,

Spem reliquam soboles, praesidiumq, domus.

Te tua rura vocant, Minio quàm limpidus amnis

Profluit, & fractâ spumeus albet aquâ.

Huc procul à curis, animum quibus implicat Aula,

Te vocat afflicti cordis amica quies.

Vt verum mutat faciem tibi Frater ademptus?

Quas tibi fert vita propositiq, vices?

Heu, quo te procul hinc sensu discedere cernam,

Cuius in aduersis est mihi nota fides?

Heu, cum quo posthac animi mihi gaudia, cum quo

Partiri curas tempus utrumque dabit?

I tamen, aspectuq, tuo solare Parentes,

Quos subitus Nati perculit interitus:

Interitus,

*Interitus, quem scissa manu Florentia crines
Elebilibus fertur collacrymasse modis.
Quia renouem luctum funebri carmine? mecum
Sat fleuit querulo tristis auena sono.
Non tuus occubuit Frater: nam claudere Viso
Lumina, in aeternum sunt reuerata diem.
Manantes lacrymas cohibe, mentisq; tumultum:
Possumus audentes his grauiora pati.
A vicibus duris ætas incepta, beatæ
Abdita sæpè sinu femina fortis habet.
Quid Regem memorem Cyrum, fortemve Quirini
Thybridis expositum pratercuntis aquis?
Aspera quis nescit Mosis cunabula? Testis
Tu Joseph, Fratrum vendita prada dolis.
Non crucient mala nos propero concepta pauore:
Nec spes vana auidi somnia cordis alat.
Sors sua quemque manet. quoties mens
nescia vitat*

Quæ tolerata iuuant, & sequitur quod
obest?

Nos decet è Superùm nutu pendere. Pericla

Intrepidè intrepido sub duce miles obit.

Proderit hac olim forsàn perpeſſa referre,

Tempora cùm nobis candidiora fluent.

Intereà geminat vires exercita Virtus,

In propriâ retinet ſi ſtatione gradum.

I N

FONTEM MIRI ARTIFICII

EPIGRAMMA.

L *Argior anguſtâ primùm deſertur in auras,*
Inde magis latâ ſubſilit unda viâ:

Exprimit hinc patulum tenui cratera liquore;

Quid gelidam ſitiens non bibis hoſpes aquam?

Nam cui lymphæ ſitim mirâ non prouocet arte?

Ipſe calix lymphæ eſt, ipſaq; lymphæ calix.

DE

DE
FONTE PONTIFICIO
NAVIS EFFIGIEM HABENTE.

B*Ellica Pontificum non fundit machina flammās:*

Sed dulcem, belli quā perit ignis, aquam.

DE
VLYSSIS ALDOBRANDI
LIBRIS.

M*ultiplices rerum formas, quas Pontus, &
Aether*

*Exhibet, & quidquid promit & abdit Humus,
Mens haurit, spectant oculi, dum cuncta sagaci*

ALDOBRANDE, tuus digerit arte Liber.

Miratur proprios solers Industria fetus,

Quamq̃ tulit, moli se negat esse parem.

Obstupet

*Obstupet ipsa simul rerum fecunda Creatrix,
Et cupit esse suum, quod videt Artis opus.*

IN PONTICI AVARITIAM.

V*T parcas opibus, tibi quid non parcis? an um-*
quam

Augendi census terminus ullus erit?

Desine diuitias fuluo cumulare metallo:

Tam tibi deest, quod habes, quàm quod
habere nequis.

Quid tamen obduras toties, quid Pontice iactas?

Non nisi, qui frugi est, possidet ullus
opes.

Tu mihi diues eris, qui, ne quo tempore partis

Diuitiis egeas, Pontice semper eges?

AD

AD AVRELIVM VRSVM.

A Llicis AVRELI *mentes; seu rustica pangis,*
Seu fera bella refers, sine iocosa canis:
Utq; tenet variis pomis & floribus hortus
Lumina; Lectorem sic tua Musa tenet.
At varia hortorum spectanti copia prabet,
Qua legat; aut isthac, aut magis illa probet.
Tu tamen, VRSE, trahis Lectorem quolibet: & dum
Quod legat; aduertit; nil, nisi lecta legit.

IN MALEDICVM
 QVI IN VRBIS ROMÆ NOMEN
 IMPIE LV SIT.

C VM Romam nequeas (quod aues) euertere,
nomen
Inuertis, mores carpis, & obloqueris?
Te Germana tamen pubes, te Græcis, & Anglus
•Dd Ar.

*Arguit, exceptos quos pia ROMA fouet.
 Hostibus hac etiam parcens imitatur IESVM.
 Inuertis nomen: quid tibi dicis? amor.* {amor ab Vr-
 be Româ.

DE EODEM NOMINE.

ROMA, sibi quondam qua robore subdidit Or-
 bem,

*Argiuo robur nomine significat.
 Obsita tunc tenebris taurino polluit Aras
 Sanguine, cum faceret sacra nefanda Ioui;
 Vertit ab his mentem cultus exosa Deorum,
 Et veri floret Religione Dei.
 Si nomen uertas, AMOR est: ut congruit! Illi
 Nam pius in populos cuncta subegit AMOR.*

DE SOLE ET APE.

LVce fugat tenebras, cerâ dum uesit ab igne
 Accensas faculas amula Solis Apis.

DE

DE PRONVBO
DEIPARÆ VIRGINIS
ANNULO

Qui Perusiæ religiosissimè asseruatur.

Iمبرiseris Arcus fulgens in nubibus Orbem
 Effera diluuij damna timere vetat.
Sic Deus Omnipotens voluit: decus Annule maius
 Est tibi, quem supplex Vrbs Perusina colit.
Es gemino constans arcu felicior index:
 Nam peragit Virgo nupta Salutis opus,
Virgineo Terra coniungens fœdere Calum.
 Hac duce non pelagi, non Stygis unda nocet.

DE SANCTO PETRO.

Sæuitiam cultu spirans in stipite tortor
 Dum Petri plantas figeret, atque manus;
Hoc positu Crucis est clauis affixus IESVS,

Dd 2

Hac

*Hac inuersa , precor , sit mihi , PETRVS ait.
Protinus ecce Crucem inuertunt , sublatuſ in altum
Pes tendit , pendens ſronſ propè tangit humum.
Sic voluit perimi ſacri moderator Ouilis,
Huius ut in terris indicet eſſe Caput.
Sic aliis per iter caeleſtis Clauiger Aula
Protenſis pedibus prauius aſtra petit.*

DE SANCTO PAVLO.

E Calo tibi PAVLE lux refulſit
Aureo radians decore : ſic ſis
Agnus è rabido lupo. ſuperna
Hinc te miror ut Angelum Cohortis.
Me tuum eloquium trahit ſtupentem,
Ac magis ſacra flamma Charitatis.
Raptum ad ſidera te ſilens honoro,
Et cum lacte tuum colo cruorem.
Vana ſpes , temerarius ſit auſus,

Quærens

*Quarens te celebrare: sat voluptas,
 Cum cor exilit ob tuos triumphos.
 Rauca vox labiis profusa: plectro
 Qui meo cithara sonus cictur,
 Non laudis, sed amoris est tributum.*

DE NECE REGINÆ SCOTIÆ.

T*E quamquam immeritam ferit, ô Regina,
 securis,*

*Regaliq; tuum funus honore caret;
 Sorte tuâ gaude, mœrens neque Scotia ploret:
 . En tibi pompa, tuas qua decet exequias.*

*Nam tibi non paries atro velatur amictu,
 Sed terras circum nox tenebrosa tegit:*

Non tibi contextis lucent funalia lignis,

*Sed Cali stella: Nania tristis abest,
 Sed canit ad phœtrū Superū chorus aliger; & me,
 Cœlesti incipiens voce, silere iubet.*

D E
S. CAROLO BORROMÆO
E T

duobus aliis Cardinalibus à Montepolitiano
NOBILIO ET BELLARMINO.

H*Aec Vita innocua specimen fert omnibus atas,
Quos Vaticani muricis ornat honos.
Sanguine Pontifici iunctus, florensq; iuventa
Corde pius, castus moribus inter opes,
CAROLE, qui fulgens oestro decus adiucis astris,
Tu prais exemplo, dans documenta viris.
Nobile par aquè præstat Virtutis in ade;
Hos nobis soboles POLITIANA dedit:
Sanguine conspicuos simili, & pietate coruscos,
Excitat hic iuvenes, promocat ille senes.*

IN

IN PIOS AFFECTVS
ANGELI GRILLI
ABBATIS.

D*Emulcent animos, sacro qua carmina plectro
Concinis, angelicos visa referre modos.*

ANGELE seu CHRISTI cunas, vel funus acer-
bum;

*Seu lacrymas memoras, quas pia corda cient;
Mirus ubique potes diras inflectere mentes:*

*Qui fluit hinc, agris sit medicina, dolor;
Mox oritur diuinus Amor, curaſq; profanas
Pellit, & humanum mētare pectus alit.*

*Hinc tibi caeleſti praeſtinget tempora lauro,
Qui manet Aligerum te ſuper aſtra chorus.*

AD

AD SERENISS. DVCEM
ALEXANDRVM FARNESIVM
DE VICTORIA BELGICA

S*Vb Duce ROMA tuo cecidit bis Belga : re-
sumpsit*

Perfida bis fracto fœdere tela manu.

Nunc iterum arreptis infelix occidit armis,

Cogitur & duras rursus adire vices:

Et tua tecta licet iaceant illa aurea, sentit

Stare tamen veteres in sua damna viros.

Victor ALEXANDER Belga das iura subacto,

Desinat ut posthac rumpere Belga fidem.

*Pars laudis celebranda tua : Cum viceris ho-
stem,*

Leni inecta manu fræna docere pati.

DE

D E
PICTVRIS GVIDONIS RHENI
IN SACELLO EXQVILINO
S. D. N. PAVLI V.

V*T trahit, ut retinet, defixaq; lumina fallit
Quod RHENVVS celso fornice pinxit opus!
Pictorem celebras, hares immotus, & anceps
Ambigis, an sculptor, an sit uterque simul.
Sculpta putas, qua picta vides. sic undique pulchrè
Prominet eximiâ perlitus arte color.*

D R A C O Æ R E V S
IN FRONTE LAVRETI, IN VIRIDARIO
CARD. BVRGHESII.

N*On sedeo custos, adsto venientibus hospes:
Non magis hac domino, quàm tibi Villa patet.*
E c Hic

*Hic requiem captare licet, passimq; vagari,
Aëris hic haustum liberiore frui.*

*Nec species animum turbet metuenda Draconis:
Non ego, quæ flammis Hydra perempta cadat;
Non ego sum Python, feriant quem spicula: lauros
Ecce mihi credit Cynthius ipse suas.*

AD VLYSSEM ALDOBRANDVM

De eius admirabili rerum naturalium
Hermathenâ.

Q*ua Maris & Terra peragravit, & Aëris
oras,*

*Non fluxis opibus mens tibi diues erat.
Sed cui sat vitam paruo traducere, maius,
ALDOBRANDE, decus fert tibi parua domus:
Parua quidem, magno pandit tamen amula Mun-
do,*

In vasto quidquid continet ille sinu.

AD

AD AVGVSTINVM NERVVM
 PORCILIANI DOMINVM
 IN FLORE ÆTATIS EXINCTVM.

E*fera mors Flora passim bacchata per Urbem,
 Funeris nec adhuc exaturata rogis;
 Dum quemquam potuisse breuem protendere lucem,
 Sine obitum alterius non doluisse dolet:
 Delicia Patria, decus AVGVSTINE tuorum,
 Flos iuuenum, quo non alter amabilior;
 Ne quisquam mœrore vacet, luctûs-ve sit expers,
 Te, teneros annos non miserata, rapit.*

DE ATTILIO REGVLO.

A*mbigis an patria maior sit cura salutis,
 ATTILIO, an pactam non violasse fidem?
 Qua dictabat amor mirata est Roma loquentem;
 Africa sed reducem non minùs obstupuit.*

E c 2 Ma-

Maeste vir inuictâ mentis vi : barbarus hostis.

Muricibus tortum te laniare potest,

Et sano perimens leto tibi munera lucis

Demere , dum iugi vulnere membra ferit;

Mors tamen atra nequit praclarum extinguere
nomen,

Quin tua lux oriens hinc rediuiua micat.

Quod fragile est , periit : Virtutis fulgida
proles

Gloria perpetuò , non peritura , viget.

DE STATVA NIOBES
IN HORTIS MEDICEIS.

B*Is septem Niobe natis , orbataq₃ caro*
Coniuge sum , ducto facta rigore lapis.

Ecce tamen spiro : nec enim de marmore finxit

Me faber , at vita reddidit arte nouâ.

Lumina non fundūt lacrymas : non marmoris hâc est
Candor;

*Candor; hebent tristi pallida membra metu.
Omnis inest sensus, nec lingua deficit usus:
Sed taceo; timeo nam magè cauta loqui.*

AD IOANNEM PELICANVM
SENATOREM VRBIS
in PETRI VICTORII librum de
cultura Olearum.

H*Vnc PELICANE PETRI summâ scriptum
arte libellam,*

*Exiguum nostri pignus amoris habe.
Hinc poteris olea varios pernoscere cultus,
Largius ut baccas germina lata ferant.
En age oliuarum fecundas insere plantas,
Et tua Palladio prala liquore fluant:
Palladis ut per te diffundant rura secundum,
Per quem iam primum floret in Vrbe decus.*

EX GRÆCO
ANACREONTIS
EPIGRAMMA.

BOs cornu, pedibus Sonipes, rictuq; Leones,
Insidiis Vulpes, unguibus Vrsa nocet:
 Est Lepori cursus velox, Anibusq; volatus;
Prouida mens Homini, consiliūq; datum:
 Quid pro consilio, pennis, cursūque, Puella,
Pro rictu, insidiis, cornibus, ungue, pede?
 Pro cunctis tantū est teneris data forma Puellis:
Quin valet hac ferro, quin nocet igne magis.

DE STATVA DIANÆ
DORMIENTIS AD FONTEM.

PEr siluas iaculis nuper cursūq; Diana
Gaudebat celeres exagitare feras.

Nunc

Nunc defessa iacet permulcens membra sopore

Hic, ubi prosiliens leniter unda fluit.

Marmoream ne crede: leuem leni aëra motu

Ducit, & in vino spiritus ore sonat.

Non audis? simili sopita murmure murmur

Confundens, aures garrula fallit aqua.

A D

C L E M E N T E M V I I I .

DE TABVLARIO PONTIFICIO

IN ARCE ADRIANA.

HOc nos Scripta loco dubios contemnere casus
Possumus, ò CLEMENS, munere septa tuo.

Pro quo, sancte Pater, nostris tua gloria chartis

Vinct, dum nobis vita superstes erit.

Quid loquimur, si firmus obex nos protegit Arcis,

Et tua se propriâ fama tuctur ope?

AD

AD M. ANTONIVM ROSSIVM
EXIMIVM SCRIPTOREM.

VT *varie formata suos tua littera tractus*
Edocet, atque tuum dadala pandit opus!
Nulla tibi similem, nec talem proferet atas;
Sic tuus in chartis eminet arte labor.
Vnus Alexandrum merito depinxit Apelles;
Vnus Alexandrum scribere dignus eras.
Scribe age qua gessit Petrus sine sanguine victor;
Vt tuus in tanto nomine vivat honos.

MONOMACHIA
TERRENI AC CÆLESTIS
AMORIS.

QUAM *duris animum curis dolor intimus angit,*
Nec sinit optatâ me requiete frui!

Hen

*Hec simul ac Cali meditantem fulgor in altum
Tollit, amans Terram corpus ad ima trahit.
Disidium hinc oriens geminos committit Amores;
Inq₃ meo assidue pugnat uterque sinu:
Concertant validis armis, ictusq₃ vicissim
Declinant, artis vincitur arte labor.
Roborat hunc torpor, luxusq₃, procaxq₃ voluptas;
Dum stimulant sensus mille cupidinibus.
Nititur at contra fractis hostilibus ausis,
Qui Superos inter nos vocat, almus Amor.
Spes simul & Pictas geminatis viribus adstant,
Ut Victor sistat cordis in arce gradum.
Inspicit ancipitis Ratio discrimina pugna,
Et iugi clamans voce ministrat opem:
Cede boni fallacis Amor: vos ludicra pessum
Ite: Domus Dominos non capit vna duos.*

I N

MIRAM HVIVS SÆCVLI

HIEMALI TEMPORE

FLORVM VARIETATEM.

Veris opes varios flores mirata superbit
 Purpureas inter cana Pruina rosas.
 Ver queritur, mœrensq̃, Meos cur, inquit, honores,
 Floriferumq̃, rapis tu mihi Bruma decus?
 Tu quoque, Bruma refert, glaciem furaris, in astu.
 Ut sint vina magis grata, niuesq̃, rapis.
 Parcite iurgari, clamat Solertia: per me
 Nix æstate riget, florida vernat hiems.



E I Σ

ΕΙΣ
 ΤΟΝ ΕΝ ΑΓΙΟΙΣ ΛΕΟΝΤΑ
 ΤΟΝ ΤΡΙΤΟΝ
 ΤΟΝ ΠΑΝΑΓΙΩΤΑΤΟΝ ΚΑΙ ΠΑΜΜΕΓΙΣΤΟΝ
 ΑΡΧΙΕΡΕΑ
 ΕΠΙΓΡΑΜΜΑ.
 ΙΝ
 SANCTVM LEONEM III.
 SANCTISSIMVM ET MAXIMVM
 PONTIFICEM
 ΕΠΙΓΡΑΜΜΑ.

Εὔπλετοῦ ἱλαμένη γῆν φήμιν καὶ αἰὲ πόντον,
 Benè alata volans terram fama & circum mare,
 Ὡς αἶψα σεθεν τὰς ἀρετὰς σε τίει;
 Quàm canens tuas virtutes te honorat?

Ff 2

Πῶς

Πῶς οἷός τις ἔη τιμᾶς κοσμεῖν σε πρεπέσαις,
 Quomodo idoneus quis fuerit honoribus ornare te decentibus,

Οὐχ, ὃν ἔχει τὸ, Λέων, σὸν σῶμα, κόσμον ἔχων;
 Non, quem habet, LEO, tuum os, ornatum habens?

Ὁμματ' σοι, γλῶσσαν τ' ἐχθρὸς φθίον· ἐρανόθεν δὲ
 Oculos tibi, linguamque inimicus corrumpit: de Cælo autem

Τῇ φθόγῳ, κείνοις φέγῳ ἐπῆλθε πάλιν.
 Huic vox, illis lux superuenit denuò.

Κλεῖς τέλος θνητοῖς φῶς ὀμμασι, φθαρτὸν δόξαω
 Clausit demum mortalibus lumen oculis, corruptibilem perimens

Τὸν βίον, ἀχλυόεις τῇ θρεπάῃ θάνατῳ.
 Vitam, caliginosa falce mors:

Ἀλλὰ κλέῳ καλὸν λαμπρῇ τοι χεὶρ, τὸ θείον
 Sed gloria pulchra fulgenti tibi manu, diuini

Εἰς φάῳ ἀμβροσίον δέργματ' ὄγχε πόρον.
 Ad lucem immortalem aspectus aperit viam.

IDEM EX GRÆCO.

Qua mare, qua terras pernici transfusolat alâ,
 Quam mirè celebrans te pia fama canit?

Quis, LEO, promerita decoret te laudis honore,

Cui, tibi concessum, non sit in ore decus?

Reddidit

*Reddidit excisam Superûm tibi gratia linguam,
 Et discripta simul lumina restituit.
 Denique mortalis praecludit luminis usus
 Falce secans vitam mors tenebrosa breuem.
 Sed tibi diuinum dextrâ radiante perennis
 Lucis ad aspectum Gloria pandit iter.*

ΕΙΣ ΤΗΝ

ΤΟΥ ΑΓΙΟΥ ΣΕΒΑΣΤΙΑΝΟΥ

ΕΙΚΟΝΑ.

Ι Ν

S A N C T I S E B A S T I A N I

I M A G I N E M.

Δ Εσμβυθέντα βέλη πάμαχον Χριστῷ διαπείρει,
 Deuinctum sagittæ propugnatorem Christi transfigunt,

Ὅν μὴ ζῶντα γεγράφεις, μήτε θανόντα γράφειν.

Quem neque viuentem pictor, neque mortuum pinxit.

Ζῆν μὲν ἔτ' αἰθέριοις, νεκρὸν δ' φοβέμεθα πίπτειν,
 Viuere quidem adhuc videmus, mortuum verò timemus cadere:

Ff 3

Kal

Καὶ μέγα δειν' ἡμῖν τραύματ' ἐνώρσε πάθῃ.

Et magnam grauia nobis vulnera excitarunt commiserationem.

Ἐμπαγε τραυματίε Πηλιδόσσε' ἄσπερος ὄσσε,
Attamen fauciati suspiciunt stellas oculi,

Καὶ σῶμα μὲν χαῖνον λατομένη δοκέει.

Et os quidem hians precantis videtur.

Οὐκ ἔξεστι τέχῃ φωνῇ δ' ἀπὸ χρώματι δῆξαι,
Non licet arti vocem colore exprimere,

Νῆς δ' ὁ γλαφύρ' αὖ βλέπει χεῖλεα δ' ὅτ' ἰσχυρῶς.

Mens autem picta videt labia hoc dicere.

Ἄμμα λύει, ψυχὴ γὰρ ἐμὴ μεμαῖα φέρεσθαι,
Nexum solue, anima enim mea fuit desiderans ferri,

Ὡς ἔλαφ' οὐκ ἐπὶ πίδακα, πρὸς σε Θεός.

Vt ceruus sitiens fontem, ad te Deus.

IDEM EX GRÆCO.

DEpictus CHRISTI miles, quem spicula figunt,
Os neque viventis, nec morientis habet.

Ne cadat expirans metuis, quem vivere cernis,

Te δ' ἱερῷ sensu vulnera sania cient:

Sed placide, quamquam sic saucius, inspicit astra,

Dum labra suppliciter more precantis hiant:

Non

*Non datur artifice vocem depingere: pinxit
Hunc tamen, ut credas talia verba loqui.
Vincula solve: tuum IESU sitit anxia visum
Mens mea, ceu fontis Cernuus anhelus aquam.*

ΕΙΣ ΤΟ

ΤΩΝ ΓΥΝΑΙΚΩΝ ΚΑΛΩΠΙΣΜΑ

ΤΟ ΚΑΤΕΨΗΦΙΣΜΕΝΟΝ.

I N

ORNATVM MVLIERV M

D A M N A T V M.

Α Ὑχένα μὲν τί λίθοις κοσμήῃς, Φυκῶσα παρειάς,
Collum quid gemmis ornas, fucans genas,

Εὐώδη τε κόμαις τὴν δρόβον ἀμφιχέεις;
Benequē odoratum comis rorem circumfundis?

Ταῖς ἀρεταῖς ψυχὴν, ἐκ ᾧπ' ἐμφαίδρος μίλτω,
Virtutibus animum, non faciem exorna minio,

Ὡτ' ζητῶσα κόρη γνήσιον ἀνδρὸς ἔργον.

O quærens virgo legitimum viri amorem.

Ως

Ὡς δὲ συγγενικῶς πυρρίζει χρώματι μῆλα!

Vt pulchrè natiuo rutilant colore mala!

Ἦκεν χρωστῆρ' χεῖρα ποθεῖ τ' ῥόδον;

Quid pistoris manum desiderat rosa?

Κόσμον ἄφες μαλακόν, Φῦκός τ' ὑπόβαλλε προσώπῳ.

Ornatum dimitte mollem, fucumque proiice faciei:

Μεῖζον ἔχει φίλτρον κάλλ' ἀτεχνότερον.

Maius habet philtum pulchritudo inartificiofior.

IDEM EX GRÆCO.

Q*Vid pulchram medicas faciem, collumq₂ lapillis
Cingis, & effuso spargis odore comam?*

Non minio malas, animum virtutibus orna,

Quæ cupis ô virgo nupta placere viro.

Aspice, natiuo rutilant ut poma rubore!

An rosa pingentis pollicis optat opus?

Mitte supernuacuos cultus, fucumq₂ genarum:

Acrior est illex, qui caret arte, decor.

ΠΕΡΙ ΤΩΝ

ΤΟΥ ΟΔΥΣΣΕΩΣ ΤΟΥ ΑΛΔΟΒΡΑΝΔΟΥ

ΒΙΒΛΩΝ

ΚΑΙ ΤΗΣ ΑΥΤΟΤΕΡΜΑΘΗΝΗΣ

τῆς τῶν θαυμασῶν πραγμάτων βελούχης
τῆς φύσεως.

D E

VLYSSIS ALDOBRANDI

LIBRIS

EIVSQUE HERMATHENA

Rebus mirabilibus natura refertâ.

Ὅτ' Ἄλδοβρανδὸν ποιεῖ, ξένε, γνώριμον εἰκὼν
Non Aldobrandum facit, hospes, cognitum imago

Σοὶ μόνον, ἀλλὰ βιβλὸν καὶ δόμον ἐστὶν ὁρᾶν.

Tibi solum, sed librum & domum est videre.

Ποικίλα εἰ ποτέ τις ἴδμεν βλαστήματα γαίης,

Varia si cupis nosse germina terræ,

Χερσαίων, πτερωτῶν, νηχομένων τε γένος·

Terrestrium, volatiliū, natantiumque genus:

Gg

Βίβλον

Βίβλον ἀνοίγε, βλέπεις κόσμῳ κεμήλια. λάμπει
 Librum aperi, videre poteris mundi cimelia. fulget

Ἄνδρὸς ἐκὶ σοφίῃ, μέτρι' αὖδ' ἐ βίῳ.

Viri ibi sapientia, modesta hic vita.

Ζηλωτὸς βίῳ ἐν πενιχρῷ γὰρ πλούσιος οἶκῳ
 Felix vita: in paupere enim diues domo

Παγγενεΐρας ὡς τῆς φύσεως ταμίας.

Omnigenæ erat naturæ dispensator.

IDEM EX GRÆCO.

NON ALDOBRANDVM nosces ab imagine
 solum;

Attentè librum perlege, cerne domum.

Si diuersa cupis dignoscere germina Terra,

Terrigenum, Volucrum, Squamigerumq; genus

Hoc opus euoluas: Mundi patet ampla supellex,

Ingeniumq; sagax, mensq; modesta viri.

Vir felix: tecto clausit sub paupere, diues

Natura custos quas referant opes.

ΔΙΣΤΙ-

ΔΙΣΤΙΧΟΝ ΑΥΣΟΝΙΟΥ

ΕΛΛΗΝΙΣΤΙ ΜΕΤΑΦΡΑΣΘΕΝ.

DISTICHON AVSONII

GRÆCE TRANSLATVM.

I*nfelix Dido, nulli benè nupta marito:
Hoc percunte fugis, hoc fugiente peris.*

OΥδενὶ δὲ ἀνδρῶν ἐγαμήδης, δύσμορε Διδώ.
Nulli benè viroꝝ nupta es, infelix Dido:
Τῷ φύγεις ἐν θανάτῳ, τῷ δὲ φυγῇ ἐθανες.
Illius fugisti in morte, huius in fugâ mortua es.

ΕΙΣ ΤΟ ΡΟΔΟΝ.

IN ROSAM.

EΜΦΥΤΟΝ ἐκπορεύον πλῆθον, ἔ νήδυμον ὀσμὴν,
Ingenitas effundentem opes, & suavem odorem,

Ὄμμασι πορφύρεα χρώματα χάριμα φέρον,
Oculis purpureo colore gaudium ferentem,

Ἀγλαίαν πεδίσ, πάντων κλέει ἐξοχὸν αἰθῶν,
Pulchritudinem agri, omnium gloriam excellentem florum,

Gg 2

Aν-

Ἀνθηρᾶ τ' ἔαρ' ὅς κ' ὅμιον, ἔργον τε κορυῶν,
 Floridi veris ornamentum, amoremq; puellarum,
 Οὔτατάων τ' Ῥόδον φρεσὶ περιφραξεν ἀκρωτῶν,
 Acutissimarum Rosam custodiâ circum-ferpsit spinarum,

Φίλτατον ὡς ἔργον, ζηλοτυπῶσα φύσις.
 Amatissimum tamquam opus, zelotypa natura.

Καὶ τάχα τῷ φύλακας παρέφυσεν, θῆκε δ' ἀλκουργόν,
 Ac forsan huic custodes adgeneravit, opposuitq; purpuram,

Ἀνθεσι βελομένη τὸν Βασιλῆα νέμειν.
 Floribus volens Reginam tribuere.

Οὐβίβεις ὅπλοις Ἀρχὸν φρεσὶ μέμον; Ἀνθεὶ
 Beatum prædicas armis Principem vallatum? Floret

Ὡς Ῥόδον· ἀμφοτέρων κυδῶν ἐφημέριον.
 Vt Rosa: amborum gloria vnius dici.

IDEM EX GRÆCO.

Ingenitas qua pandit opes, & odore superbit,
 Atque oculos ostro muricis exhilarat;
 Camporum iubar eximium, Iuvenumq; voluptas,
 Insignis florum gloria, veris honor;
 Spinarum natura Rosam munimine cinxit,

Vt

*Vt rem, cuius amor sollicitum cor habet.
 Forsan & hanc positis custodibus induit ostro,
 Vtpote Reginam floribus esse velit.
 Vt felix colitur septus Rex milite? Floret
 Ceu Rosa: utrique rapit, quæ dedit ho-
 ra, decus.*

EΙΣ ΤΗΝ ΕΛΛΗΝΙΚΗΝ ΓΛΩΤΤΑΝ.
 IN LINGVAM GRÆCAM.

Ὅστις δερκόμην ὦ γλώττης Ἑλλενίδος ἔθαρ,
 Quisquis aspiciens linguæ Græcæ vbertatem,
 Καὶ πλέτον, καλῶς εἶπεν ἂν ὠκεαδούν.
 Et opes, benè dixerit Oceanum.

Μάργαρυα πολλά βαθὺς συγκρύπτει κύμασι πόντος.
 Margaritas multas profundum occultit vndis mare:
 Οὐ κενὸν ὅκιν' ὅμως, ἀλλὰ παρείλκε πόντος.
 Non illas segnities tamen, sed extraxit labor.

Τίμιον ἔδεν δὴδὲ τὰτ', καὶ νήδυμον, οὔτ' ὅτ'
 Pretiosum nihil sine hoc, & suaue, existente

Καίπερ ἄγδ' ἀμάρ, μὴδ' ἔχουσιν βροτοί.
 Quamvis valdè amaro, nihil habent mortales.

Gg 3

IDEM

IDEM EX GRÆCO.

Cognita cui Græca dives sit copia lingua,
 Hanc meritò vastum dixerit Oceanum.
 Concharum nitidos fetus maris occulit unda,
 Quas non segnities, extrahit arte labor:
 Hoc sine mortales, quamquam sit amarus, ha-
 bere
 Dulce nihil possunt, excimiumq; nihil.

A D

CLEMENTEM VIII.

PONT. MAX.

LEVAMEN PODAGRÆ.

Sirius fœvit canis, æstivansque
 Contrahit puros fluminis liquores,
 Et decus prati moritur, siletq;
 Spiritus aura.

Stridulo

Stridulo tantum sonitu cicada
 Obstreperans aures ferit: ô lenamen,
 O quies agra lyra blanda mentis
 Incipe carmen,
 Quod grauem pellat strepitum, leuetq;
 Principem curis. Age blandientes
 Dic modos, mentis quibus excitetur
 Vera voluptas.

Pelle maerorem: recrea iacentes
 Spiritus, qui deficiunt ob aestum:
 Languet, heu, CLEMENS, geminog³ tactus
 Vritur aestu.

Gliscit in nervis dolor, & per artus
 Igneus serpit vapor: affer agro
 Dulce lenimen: rege tu canenti
 Pieri vocem:

Tempera chordas, ferat ut salutem
 Cantus optatam; rapidas quod olim

Sit

Sit melos docta Cithara moratum

Fluminis undas;

Saxa commòrit, rigidas & ornos:

Flexerit diros animos Auerni,

Et fores Orci reſerarit; eſto

Fabula vatum.

Cum venenatus ciet iſta morſus

Membra, non mendax memoret Tarentum,

Vt queat dulcis ſonitus malignum

Pellere virus.

A D

PETRV M CARDINALEM

ALDO BRANDINVM

FERRARIA RECEPTA.

I*Nſanienti cùm quatit impetu*

Pagos & Vrbes concitus efferâ

Mars

Mars sanus irâ, qua tumultu,
Quæve truci vacat ora cade?
Confossa passim membra, cadauera
Aggesta, pradas, damna, sine incolis
Domos ruentes, & cruoris
Flumine humum videas natantem.
Desolat agros horrida vastitas:
Ac tecta captarum ignibus orbium
Incensa fumant, & triumphis
Panè suis gemit ipse victor.
Testis tot eheu Gallia cladibus
Funeſta, testis Belgica lugubri
Vexata gens bello, tot annos
Se lanians sibi disidentem.
Ferrarienses, inclyta Cinitas,
Te clade nullâ, te sine pralio
Videre Victorem, tuoque
PETRE frui cupiere vultu.

Hh

Vt,

*Vt, cui salutem, pacis & otium
Debere norant, gaudia pectoris
 Concepta praeferrent; Iuventus
 Nobilium, populique turba
Effusa portis undique confluit:
Te spectat unum, dum tua dextera
 Protensa format fausta sacra
 Signa Crucis, Tyrioque fulges
Insignis ostro: compita plausibus
Sonant; ab altis mœnibus arca
 Tormenta, iam conuersa in usum
 Latitia, geminant fragorem.
Vt fama primum, rem tibi prosperè
Cessisse, lata est; gaudia nescius
 Celare, sub lapsu silenti
 Sernitij quasi vincla, pontem
Excussit, alto gurgite liberas
In aquor undas Eridannus ferens.*

O fausta

O fausta lux Roma, quotannis
Insolito recolenda plausu!
Dum lecta Mauors instruit agmina
Vtrimque; nullis fallitur artibus
Tentata mens Patris supremi,
Propositiq³ tenax, & omnis
Terroris expers audet, & acriter
Constans Auerni deuouet ignibus
Ritè execrandum mentis hostem
Heu nimium male pertinacis.
Tu iussus Euris ocyor arripis
Iter, phalanges cogis, & expedis
Tormenta, qua demoliendis
Arcibus exitium minantur.
Mox alta virtus se tua militi
Ostendit, & diffunditur hostibus;
Tu mitis affatu, sagaci
Consilio, placidoq³ vultu

Hh 2

Fer-

Ferrarienses concilias tibi.

Hinc haret anceps Casar , & inscius

Cui fidat , armis Vaticanum

Depositis colit , & veretur.

Nil laudis huius machina praripit

Flammis trifulci fulminis amula,

Nil arma , nil aggesta tellus,

Nil equitum peditumq₃ turma,

Ducumq₃ Virtus : hac tibi gloria

Debetur uni , quam neque deterat

Obliviosi cursus aui , aut

Ponè sequens nebulis obumbret

Nascentis atrox hostis adorea

Limor : futuri non ope temporis,

Vt cumque nubes dissiparis.

Ausoniae volitans per Vrbes

Te fama , laudes te canit in tuas ,

Effusa prasens , atque perennibus

Fastis

*Fastis sacrat. Quem atas honorem
 Postera pro meritis rependet?
 Lux ô Latini Nominis, hostium
 O terror, ô spes. unica Thybridis,
 Innuicte Princeps, ô coruscum
 Purpurei columen Senatus.*

AD FRANCISCVM
 CAROLI FRATRIS
 FILIVM
 EXHORTATIO AD VIRTVTEM.

I*Ngresse pubis limina lubricis
 Calcanda plantis, se tibi semita
 Declivis offert, & dolofo
 Pandit iter malefida ductu,*

*FRANCISCE, Fratris germen amabile,
 Ob quem sub imo condita pectore*

Hh 3

Me

*Me cura mordet, detinetq̃
Sollicitum Genitoris instar;
Subsiste mecum, nec graue duxeris,
Hinc ex amœnâ, qua patet, orbitâ,
Ductore me, flectens adire
Per salebras Heliconis antrum.
Huc nate gressus: hîc licet aureo
Phœbi cientis pectine musicas
Audire chordas, dum canentes
Dulce melos sociant Camœna.
Hic multiformi carmine barbitos
Eburna Parcas sopit, & eripit
Heroes Orco, quos perenni
Fonte beat comitata Virtus.
Huic obsecutum conspicis inclytum
In collis almo vertice Thesea,
Quem flexuosus non fefellit
Tramitibus fabricatus error.*

Sic

Sic vectus altum per mare subdolos

Cantus Vlysses dicitur integer

Audisse i sic vitasse Circes

Pocula, letiferas & herbas:

Spectandus hic contemptor anhelitus

Spirantis ignem, diuine velleris

Pradâ coruscat, luctuosus

Messor agri grauis are, & hastis.

Conficta Præto crimina deferens:

Coniux necari quem petit, innocens

Hos inter excellit triformis

Bellerophon domitor Chimara:

Phœbea laurus frondibus allicit,

Dulciq, pascit nectare Pegasus:

At nosse vim nobis negatur

Melle sub Aonio latentem.

Sensus recludet Cynthius abditos;

Audi canentem: Quem sonet aurea

Virtus

*Virtus in ulnis , ille monſtris
Victor ouat domitis beatus.
Non hunc voluptas mollit , & impetus
Non vincit ira , qua violentius
Succis & herbis in ferarum
Terga viros & in ora vertunt.
Vt ecce plaudit Caſtalidum chorus,
Phœbiꝯ concors carmina concinit !
Hic ſiſte rurſum , me petente
Sacra refert tibi verba Chiron.
Incompta quondam , claraꝯ ſimplici
Nitore forma , talibus Herculem eſt
Affata Virtus , dum procaci
Blanda ſono loquitur Voluptas :
Hac ſumptuoſo tegmine turgida ,
Pexoꝯ mollis crine , micantibus
Ornata gemmis , appetendâ
Sub ſpecie , male caute puber,*

Edoſta

Edocta fraudes neetere fraudibus
Te ducit , atris quàm scatet anguibus,
Dum flore vernans se terendam
Perfacili via prona gressu
Ostentat : umbras frondibus explicat
Hic arbor , ales dum canit ; ah fuge
Qua poma pendent , quosque vitis
Fert gravidis latices racemis.
Hac pulchra visu poma necem ferunt :
Hac , qua renidet , lumina decipit ;
Letale nam larvata virus
Purpureo tegit una succo.
Si me sequeris per loca sentibus
Infesta , tesquis horrida , per nives,
Per saxa , per montis cacumen,
Sternet iter tibi ferrum , & ignis.
Vrèris astu , pulvere sordidus
Pulchro , madebis tempora nobili

Ii

Sudore,

*Sudore, non fractus labore, &
 Magnanimo generosus ausu.
 Euectus alis hisce per Aethera
 Tranabis ignem, & lactis iter pede
 Premens, coruscanti micabis
 Luce nouum decus inter astra.*

A D R. P.

ANTONIVM BARBERINVM

FRATREM AMANTISSIMVM

Ex debellato corpore mentem
 in Cælum rapi.

P*Ars hominis deducta putri Telluris ab aluo,
 Calig. semen spiritus,
 Dum sociis harent vincti compagibus, arma
 Iugi duello conferunt.*

Quisquis

*Quisquis ab illecebris terra se lumine mentis
Conuertit ad caelestia,
Opprimit Antai robur, superatq; lacertis
Alter dolos Tyrinthius.
Filia Cassiopes nudato corpore, sauis
Obiecta Ceti faucibus
Dum gemit, & Calum lacrymanti suspicit ore,
Adesse cernit Persæa,
Scq; neci raptam: dono mox Palladis inter
Corusca fulget sidera.
Herbida dum comites inter per prata vagatur,
Floresq; prona colligit,
Solis ab aspectu Plutonis raptâ quadrigis
Orcum subit Proserpina.
Quis neget è nebulis radium splendescere lucis?
Non sacra solum Pagina
Disiectis ducit tenebris Virtutis ad Aedem:
Sed rima lucis ignea*

Pierius umbras inter se prodit ab antris,

Regens pedum vestigia:

Affluit, & variis rivis calstis in omnes

Mentes redundat Veritas.

Hac duce, cui decorant diuino munere palmas

Verenda IESV stigmata,

FRANCISCUS nudis pedibus vilig³ lacernâ

Indutus, abdito in specu

Omnia qua blandâ proponit fronte voluptas,

Vanumq³ fastum despicit.

Commoda non optat vita, sub graminis herbâ

Anguem latere conscius:

Languida fessus humi declinat membra sopori,

Famemq³ pomis eximit:

Fonte sitim sedat, neque nectaris expetit haustus;

Mentiq³ corpus subingans

Pauperiem colit, & lamnis hanc diuitis auri,

Gemmifq³ prafert Indicis:

Ac

Ac veluti Samson dulces ex ore perempti

Leonis accipit fauos.

Nam quali mentem pascit dulcedine, donec

Intentus astra respicit,

Et noctu vigilans animi sublatu ab aliis

Choris beatis interest!

ANTONI germane, sacram qui paupere cultu

Sequare FRANCISCI viam,

Quam celebrant omnes, felicem ducere vitam

Non omnibus conceditur:

Se proba paupertas animis sine dote maritat

Veras opes amantibus.

A D

CAROLVM FRATREM

ΦΙΛΑΥΤΙΑ FUGIENDA.

Q*uam pulchra blande sensibus ingerunt*
Externa nostris se bona! Purpura

Ii 3

Qui

*Qui fulgor ! ut formosa pandit
Virgineum facies decorem !
Ut ardet auri splendor amabilis !
Ut ridet Aula gratia Regia !
Quot luxus indutus figuras
Attonitum trahit ore vulgus !
Proh quis latentis semina toxic
Non hausit imo corde ! Cupidinis
Heu febre iactati protervè
Tantalici inhiamus undis.
Heu quisque rursus , cui placidus fugam
Sistens , bibendum se liquor exhibet,
In fontis elusus nitore
Effigiem sequitur fugacem
Narcissus alter : cacus amor sui
Ut obruit vim mentibus insitam !
Ut fertur excussis habenis,
Libera quò rapuit voluntas !*

Vt

Vt perdit omnes ! sapè , quod expedit ,

Humana nescit cura capeffere :

Intenta iucundis canorum

Imbibit Aonidum leporem , &

Non percipit , seu negligit aurea

Qua sensa Pindus nectare condidit.

O te beatam , cui supremi

SAMMARIE mulier Magistri

Audire vocem contigit. Hydria

Oblita , lympham non cupis amplius ,

Qua pota non sedat , sed auget

Letiferum sitientis æstum.

Hac frater aquis CAROLE moribus

Imbuta Proles audiat : Integrâ

Nil mente maius ; pars paternæ

Sortis erit fatis ampla , Virtus.

PAX

PAX ALLOBROGICA.

MEntis verendum non acie minus,
Quàm bellicosi robore militis,

Quem nuper excepit superbo

Maximus Eridanus Triumpho;

Formosa pennis quem super aureis

Vexit profundum trans mare Gloria,

Alpésque, terrarumq; tractus

Præpete transiliens uolatus;

En pace partâ PETRVS ab exteris

Oris reuertens, eximit Italis

Belli timores, & cupitam

Ansonia statuit quietem.

En Roma curas pellit, & explicat

Frontem serenam: sic maris aquora

Cedente vento conquiescunt,

Tale nitet sine nube Calum.

Pendebat

*Pendebat anceps mentis, & anxius
CLEMENS futuri, concita dum graui
Europa bellorum tumultu*

*Perniciem pauet imminentem.
Quid moliatur? quid paret? instruit
Te PETRE iussis, mittit & arduis
In rebus expertus sagacem:*

*Tu Rhodani celeres ad undas,
Summi capeffens grandia Principis
Mandata, tendis quàm violentior
Martis recrudesce furentis*

*Ira, nouas paritura clades.
Non te rapacis fluminis impetus,
Non ater imber, non iuga montium,
Niveſq; concreta, nec Auſter,*

*Turbine præcipiti morantur.
Te mille votis, te prece proſequi
Non ceſſat altrix Roma, per Inſubrum*

Kk

Fines

*Fines agrorum transeuntem, &
Allobrogum gelidas per Alpes.
Intenta fixo Gallia lumine
Te spectat, & quas auribus hauserat
Mirata, virtutes in ipsâ
Fronte legit, meritaq; laudes.
Mox, qui feroces contudit hostium
Turmas, nec acris cessit Iberia*

*HENRICVS armis, efficaci
Eloquio tua se trahenti
In vota cedit, cedit & Allobrox,
Quem fronte saua non potuit minax
Terrere Mauors, annuitq;
Hesperia Dominator ora.
Vt corda Regum flectis athena,
Gramiq; mulces bile tumentia!
En Roma toto gesticentem
Pectore latitiam profundens,*

Dum

Dum te per Urbem non sine plausibus

Ad Vaticanum purpureus Patrum

Deducit Ordo , Quid meorum

*Maxima pars decorum , quid , inquit ,
Probata Virtus , sit licet arduum ,
Non ad secundum duxerit exitum ?*

Quo te reuertentem triumpho ,

Quâ decorem tua facta pompâ ?

Non , qui procaci garrulus obſtrepat

Clamore circum milite cingeris ;

Delata non viſuntur Urbes

Quæ reſcrant ſimulacra victas :

At quiſque narrat , quam tibi gloriam

Addunt incrim Gallus & Italus ,

Gentésque , & Urbes , quas PHILIPPVS

Conſilio moderatur aquo .

Non hîc ſonantem compede Perſea ,

Non hîc Iugurtham carceris obſitum

Kk 2

Squa-

*Squalore, non pulsum paterno
De solio vidco Syphacem.
Vesana sed Discordia ducitur,
Qua scissa pallam, vinc̃taq̃ ferrea
Nexu catena, claudicanti
Membra trahit propè nuda gressu.
Post hanc recenti sanguine sordidum,
Et crine cano fert Odium pedem;
Dolensq̃ se loris reuinctum,
Dente manus lacerat cruentas.
Hinc Terror, atro corpore luridas
Discerptus alas, progreditur, face
Subfultus extinctâ; nec amens
*Liuor abest, fera cui ceras̃tes
Cor pascit: illum filia temporis
Velata puro tegmine Veritas
Vultu reluctantem proteruo
Subsequitur, quantiens flagellum.*

IN

IN O P V S
ROBERTI BELLARMINI
S. R. E. C A R D I N A L I S

De Ascensione mentis in Deum.

Nec turri Babyloniâ nec montibus Gigan-
tum, sed Scalâ Iacob, & Caroli Borro-
mæi vestigiis, & Bellarmini gradibus Cæ-
lum peti.

S Vmmi decorâ dum specie boni
Hinc inde raptas distrahitis iniquis
Mortalium mentes, negatum
Struxit iter malesana, frontem
Terris minacem nubibus inferens:
Mox præpotentis vi Sapientia
Confusa, diuersum sonante
Eloquio stupidos repente

Kk 3

Ha-

*Harere fabros vidit, & irritis
Camenta votis undique congeri.*

*Tunc Fama protendens volatum,
Quà celebris rigat unda Cirrham,
Sub fronde lauri nuntia substitit:
Hinc fabulosis vera coloribus*

*Depicta promens, in Tonantis
Imperium Iouis irruentes
Insanienti robore Pelion
Titanas Ossa imponere detulit,*

*Ausûq; conatos proteruo
Scandere sidereas ad arces:
Ast interemptos vindice fulminis
Flammâ, solutis in cinerem artubus
(Essent ut exemplar superbis)*

*Ludibrium iacuisse ventis.
Proh quanta densis nox tenebris premit
Mortale pectus! diuitis hunc Tagi*

Non

*Non explet annis, fartus ille
Deliciis animum fatigat:
Hunc forma curis angit inanibus.
Quot pulchra fuso purpura fascinat?
Quid? nōne postquam quisque montes
Montibus intulerit, fatiscet?
Tutum beata sortis iter pede
Venaris? an despice commoda
Præsentis, & clausis fugaces
Illecebras oculis tueri.
Sopita somno lumina clauserat,
Cum vidit olim filius Isaci
Vt scala se tollens ab imo
Aligerum via trita plantis
Suprema Cali sidera tangeret.
Huc nōne curru raptus ab igneo
Abiecit Helias amictum?
Pone graues animi tumultus,*

Huc

*Huc pura mentis lamina dirige:
Scalam recludit rebus in omnibus
Pulsis BELARMINVS tenebris,
Qua gradibus super astra tendit.
Dux ille per vestigia CAROLI,
Cui vota fundit, quem decus Insulbrum
Miratur Orbis, quem Senatus
Roma sacrum veneratur astrum.*

A D

IOANNEM CIAMPOLVM

Eius erga Virtutem studium laudat.

A *Vreo Virtus folio decora
Regnat, & regnum neque Gangis unda,
Nec Maris tractus positus columnis,
CIAMPOLE, claudit.*

Hac

*Hac inextinctis radiis parentem
 ſmbrium nubem, tenebraſq; noctis
 Negligit, miros & amoris ignes
 Excitat ore.*

*Hac datum viſâ ſemel ante pomum
 Palladis forma Paris annuiſſet,
 Nec feris ſedes Priami iaceret
 Diruta flammis.*

*Sat ſuo cenſu ſibi diues, extra
 Se nihil Virtus cupit: hac vel hoſtes
 Placat iratos, ſociasq; necit
 Compede mentes.*

*Quem tot armatis pepuliſſe turmis
 Romulum robur nequit, hac peruſtâ
 Vnius dextrâ potis eſt Etruſcum
 Pellere Regem.*

*Quem truci pugnax Acies Quiritum
 Marte non fregit, potuit minacem*

Ll

Huius

Huius aspectus scelus abnuctis

Flectere Pyrrhum.

Hanc colit Pindi chorus, Hippocrenes

Phœbus hanc lymphis alit, ut perenne

Laurcis frontem redimita sertis

Vivat in ævum.

Mille post anni rapidos recursus,

Delio quamvis iaculo peremptus,

Pegasi sacrâ redimimus undâ

Testis Achilles.

Fallor? an Cirrha comitata cœtus

Palladis ductu tibi se videndam

Exhibet Virtus? videntur ut cornescat

Pulchrior æstro?

Simplici prodit placitura cultæ,

Nec genas ornat minio, nec auro

Impedit crines; cupiens olivæ

Nectere laurum.

Absit

*Absit hinc coniux Iouis, & Cythere:
 Carmen exultim sonipes tubarum
 Excipit, mentem tibi sola mulcet
 Incluta Virtus.*

A D

IO. BAPTISTAM STROZZAM.

Eius laudat animum æternitatis inhiantem
 bonis, & humana fastidientem.

C *Vris solutum ruris in otio
 Dudum beatam degere credidi
 Te STROZZA vitam, dum canentem
 Tuscia te coleret, tuumque
 Inferret astris nomen; & aureo
 Dum te cientem pectine dadalas
 Testudinis chordas, silenti
 Obstupuit pater Arnæ undæ.*

Ll. 2

At

*At nunc videris iure beatior,
Qui pura solum gaudia Calitum
Reris. Quid in terris rotamus
Sisyphio lapidem labore?
Nil vsque gratum, nec satias faui
Dulcem liquorem deficit: abditam
In rebus humanis vel ipsa
Miscet amaritiem voluptas.
Inuicta curru candida si praeit
Aurora, Solis subsequitur inbar
Nox atra: nascentem tueri,
Qua vario micat ore, Lunam:
Pars una lumen fundit, & altera
Umbrata mæret; nec vaga terminos
Umbra coarctat lux, coruscum
Exerat, aut retrahat nitorem.
Frustrà quietem quærimus anxij,
Dum Terra Cæli nos tenet exules.*

Quid

*Quid cæna regali paratu
Prodiga, Sidoniussq; murex,
Quid structa prodest marmore Regia,
Seu quidquid auri congerit India?
Quod nuper ascivit cupitum,
Mox animus fugiet perosus.
Quem sæpè victis hostibus inclyto
Romam triumpho viderat inuchi,
Ostroq; præfulgentem & auro,
Dalmaticis Dioclen in hortis;
Fastidientem mœnia Romuli
Vidit iuuentus Martia Thybridis,
Mirata priuatum superbos
Imperij posuisse fascēs.*



Ll 3

AD

A D
GABRIELEM CHIABRERAM

Carmina Virtuti parere immortalitatem.

Non cuspis ensis, sceptraq, regia,
 Non fulgor auri, non gena floribus
 Decora primævis, nec ær
 Tusculus, aut Anienis ora,
 Læto-ve præstans rore Calabria
 Dum æternat arbor, non aqua Clusij,
 Qua manat Hetrusco salubris
 Fonte, diem volucrem morantur.
 Letalis omnes impetit, omnibus
 Immitis aquæ, forfice qua genus
 Mortale funestans adurget
 Atropos, horribiliq, vultu.
 Qua penna monstrum Dadala fugerit?
 Vel certa ferro dextra ceciderit

Cruore

Cruore cervicem fluentem?

*Quæve trucem iaculantis arcu
Pythonæ Phœbi tela peremerint?*

Tu laudis æstro percita, ut alipes

Perses per auras incruentâ

Cade potes ingulare, Virtus.

Non hinc, ut olim sanguine Pegasus

Cretus Medusa, Gloria nascitur

Innixa pennis, quæ volatum

Pandit ab Hesperii ad fndos.

Hæc una vates excitat inclytos:

Hæc una fontem, qui iuga dicitur

Formosa Parnassî rigare, &

Fundere nectarcos liquores,

Non unguis ictu Pegasus elicit.

CHIABRERA testis tu mihi: Delio

Nam melle pascit, recreatq;

Ingenij tua vena mentes;

Sen

Seu fabulosi moribus inferis
Inuenta Pindi, seu calamis canis,
Viêtricis aut plectro labores
Ansonia celebras, Ducêsque.
Per te nec Aëra collibus inuidet
Flores, nec Aetna roscida pascua
Arnus, nec Ismeni canorum
In vitreo cupit amne cygnum.
Per te furentem comprimit Africum,
Irasq; Nerci pectine barbitos
Pulsata comescit, comêsque
Doridis & Thetidis marina.
Pimplaa Dircen Musa Ligusticis
Mustavit undis, & choreas agit,
Dum curuus in salsis canenti
Sternit aquis tibi terga Delphin.

AD

A D
FLAMINIVM FIGLIVCCIUM
RESPONSIO

Ad laudes sibi carmine attributas.

VT blanda flores floribus implicat,
Laudumq; pulchras Gratia carminis
Nectit coronas, qua perenni
Fronde virent, capiuntq; mentes!
Hac vera fectis miscet, & utraq;
Persuadet aquè: credere Dadali
Subet volatum, dum per undas
Carbascis veheretur alis:
Sic fluctuantis per maris aquora
Vectus triremi Bellerophon Equi
Signo decorâ, per supremas
Creditus est equitasse nubes.

Mm

Sua-

*Suadela Thebas condit, & adibus
Viros vagantes aggregat; attamen
Est dictus Amphion eburna
Saxa lyra sonitu mouere, &
Quocumque vellet ducere: Pindarum,
Phæbi canorâ dum fide personat,
Multaq; dum sublimis aurâ
Fertur olor, coluere Theba.
Tellus palustrem me tenet anserem:
Quid me volantem concinit assclam,
Pindiâq; diffusa colorat
Laude meum tua Musa carmen?
Muta coruscans luce Pœseos
Viniis Apelles dicitur amulos
Pinxisse vultus: dum loquaces
Pimpla suos tibi dat colores,
Formosorem pingis imaginem
FIGLIVCCE vini corporis insito.*

Decore,

Decore , celatiffq; mendis.

Non ideo minùs enitefcit

Illuſtris almo lumine gloria

Ars mira; ſeris quin mea poſteris

Tuos loquetur picta longè

Pulchrior effigies honores.

A D

A V R E L I V M V R S V M.

ALEXANDROS FARNESIOS;

alterum Belli , alterum Pacis artibus incl-
tum, celebrandos proponit.

IAm ſat decoris marmore fontibus,

Cultis & agris , iam ſatis adibus

Mirè coloratis , & hortis

V R S E datum , ſtatuiſſq; priſcis.

Mm 2

Te

Te cuncta bigis Fama fugacibus,

Pallas sonanti te ciet agide,

Ad arma te Mauors, ad arma

Maonia reuocant Camena.

Cur non sorores carmina musica

Dicant perenni consona gloria?

Quam Dux ALEXANDER, Quiritum

Fulgida lux, columenq; Parma,

Rebelle ferri cuspide Belgium

Subdens, triumphis adiicit Italis;

Nil arduum vitans, ut aris

Restituat veteres honores.

Non terret illum, qua volat horridis

Hinc inde pennis plurima cadum

Globis in ignitis imago,

Seu rapidis saliens ab undis.

Non acer illi Gallus equestribus

Turmis, cohortes non Batava truci

Mixta

Mixta Britannorum phalangi,
 Non validis inimicus agger
 Munitus armis, non ratibus mare
 Vires adaugens undique praelium
 Miscantium atrox pertinaci
 Robore, praeipere palmam.
 Quàm saepe duro corpora deferens
 Perempta ferro Scaldis inhorruit!
 Quàm saepe Belgarum cruore
 Terrifici maduere campi!
 Quis casa narret millia militum,
 Captas & arces? non ego detevam
 Exilis incompto paratus
 Ingenij, graciliq; aucta
 Laudes, sonora voce cani tuba
 Dignas. peritus pectine tu lyram
 Pulsare Phœbeam; Patremq;
 Dicere FARNESIVM Senatus

*Spem Vaticani suctus, in ultimas
 Telluris oras, & pelagi plagas,
 Defer per auras vectus alis
 Pegaseis utriusque nomen:
 Florente in uno pace, & in altero
 Ardente bello, nostra nepotibus
 Proponit atas, quod capebant
 Eximium specimen regendi.*

ADVLATIO PERNICIOSA.

C*um Luna Calo fulget, & auream
 Pompam sereno pandit in ambitu
 Ignis coruscantes, voluptas
 Mira trahit, retinetq; visus.
 Hic emicantem suspicit Hesperum,
 Dirumq; Martis sidus, & orbitam
 Lactis coloratam nitore;
 Ille tuam Cynosura lucem.*

Sen

*Sen Scorpij cor , sine Canis facem
Miratur alter , vel Iouis affeclas,*

Patrisve Saturni, repertos

Docte tuo Galilae vitro.

At prima Solis cum referat diem

Lux orta , puro Gangis ab aquore

Sola diffundit , micansq;

Intuitus radiis moratur.

Non una vita sic ratio genus

Mortale ducens pellicit : horrida

Hic bella per flammis & enses

Latus init , meditans triumphos.

Est , pacis ambit qui bonus artibus

Ad clara rerum munia prouehi.

Illum Peruanus ad auras

Egit amor male suadus auri.

Hunc , sumptuosus dum Sicula inuat

Mensa paratus , spes alit alea

Mendacis,

Mendacis, ac fundis auitis

Exiit, & laribus paternis.

Nil esse Regum sorte beatius,

Mens & cor aquè concipit omnium,

Quos larua rerum, quos inani

Blanda rapit specie cupido.

Non semper extrà quod radiat iubar,

Splendescit intrà: respicimus nigras

In Sole. (quis credat?) rectètas

Arte tuâ Galilae labes.

Sceptri coruscat gloria Regi

Ornata gemmis; turba satellitum

Hinc inde praeceat, colentes

Officiis comites sequuntur.

Luxu renidet splendida, personat

Cantu, superbit deliciis Domus:

Sunt arma, sunt arces, & aurum:

Iussa libens populus capeffit.

At

At si recludas intima, videris
 Vt sapè curis gaudia suspicax
 Mens icta perturbet. Promethei
 Haud aliter laniat cor ales.
 Cui sensa mentis prouidus abdita
 Rex credat? aut quos cauerit? omnium
 Sincera, seu fallax, eodem
 Obsequio tegitur voluptas.
 Fugit potentum limina Veritas,
 Quamquam salutis nuntia. Nauseam
 Inuisa prorit, vel iram:
 Sapè magis inuat hostis hostem.
 Ictus sagittâ Rex Macedo videt
 Non esse prolem se Iouis. Irritâ
 Xerxem tumentem spe, trecentis
 Thermopyla cohibent sarissis;
 Docentq; fractum clade, quid aulici
 Sint verba plausus. Vt nocet, ut placet

N n

Stil-

Stillans adulatrix latenti

Lingua fauos madidos Veneno!

Hac in theatri pulvere barbarum

Infecit atro sanguine Commodum,

Probrisq; scdavit Neronem, ac

Perdidit illecebris utrumque.

Artes nocendi mille tegit dolis

Imbuta: quis tam lynceus aspicit

Quod vitet? Intentus canentis

Mercurij numeris, sopore

Centena claudens lumina, sensibus

Abreptus, aures dum vacuas melos

Demulcet, exemplum peremptus

Exitij graue prabet Argus.



IN

I N T O R P O R E M

L Acte manantes fluvios canoro
Euchit plausu cithara, beata
Aurei gaudens celebrare sacli
Munera Pindus.

Tritico glandem siliquasq^{ue} præfert:
Melleo quercus gravidas liquore,
Sponte nascentes segetes ab arvis
Carminè iactat.

Fictio fulgens minio facessat:
Hac rudes mentes, animosq^{ue} molles
Fabula dictis trahit, otiumque
Laudibus effert.

Vera, quæ prosint canimus: fauorum
Artifex cellas Apis elaborat:
Sedulum tellus sata per laborem
Fundit aristas.

Nn 2

Her-

*Herbidis Pastor pecudes in oris
Curat; hinc pota redeunt ab agne,
Et ferunt mulctris grauiora puro
Vbera lacte.*

*Germinat tellus inarata vepres:
Qui caret motu, vitiatur aër;
Mens nocet torpens, velut vnda tetro
Putrida coëno.*

*Cui labor frontem decorauit auro,
Testis est David, solitus Leonem
Dexterâ, & dura silicis Gigantem
Sternere iactu.*

*Mox enim segnem requiem secutus,
Ius maritalis violans cubilis,
Vt notam probri tegat, innocenti
Sanguine fœdat.*

*Inclytum Virtus opus est Laboris.
Huius impulsu petit astra. Mores:*

Desides.

Desides vita, fuge delicata

Otia vita.

*Crapula, & pigri soboles Soporis,
Quem sinu Luxus fouet; & Voluptas
Educat firmans; comes it Quietis*

Torpor inertis.

*Atterens vires animi, decorem
Gloria temnit; studium perosus,
Quo parat laudum celebres triumphos
Vinida Virtus.*

*Latus indulgens genio iocisque,
Perstat aduersus vigilem Laborem;
Quotq; Virtutis solium tuentur,
Perdere tentat.*

*Quo iacet Torpor magis otiosus
Ingerens prauis alimenta curis,
Pugnat infestâ scelerum phalange
Acrior hostis.*

Nn 3

PRO

PRO
ADVERSITATIBVS
ARCENDIS
HYMNVS AD DEVM.

V*Rbes dira per Italas
Excurrrens miseris modis
Vexauit populos fames.
Squallent ab steriles agri
Raptis morte Colonis!
Non unum exitij genus:
Quot Mars effernus abstulit?
Quis non flens memoret feras
Cades, aruaque lugubri
Passim infecta cruore?
Hec vis pestifera luis
Quot strages dedit? horreo*

Mærens

*Mærens dum recolo ; quati
Mentem , membræque sentio*

Consternata pauore.

*In luctu gemit Ausonum
Pars omnis propè ; nec datum
Pœnarum satis : ignibus
Flagrans ecce Vesuvijs*

Campos undique vastat.

*Densis Aethereas plagas
Fumi nubibus occupat :
Bombos more tonitrui
Edens , Parthenopes domos,
Et latè loca quassat.*

*Funestos cineres vomit,
Flammas inuehit igneo
Mergens oppida vortice:
Hoc rursus furit , & Maris
Pugnam fluctibus infert.*

Spirans

*Spirans longius Africus,
Sauo flamine noxios
Importat cineris globos:
Monstro percitus Appulus
 Leto proximus horret.
Horret Dalmata suspicans
Extremam exitij diem
Instare. His Latium solum
Subducis vicibus Deus,
 Et parcis bonus Vrbi.
Quî reddam tibi debitas
Grates Rex Superûm iubar?
Te iungi facilem prece,
Te votis adeo : noua
 Nos discrimina terrent.
Armis hosticus impetus
Oras Vindelicas premit,
Complens omnia cadibus,*

Viciniſq;

Viciniſq; minas parat,

Vincla , incendia , clades.

Tu Virgo meritam Dei

Iram comprime : conſcios

Vrget nos ſclerum cohors :

Hac nobis magis , hoſtium

Quàm ſint arma , timenda eſt.

Rerum Conditor omnium,

Rex Aeternæ ter optimè,

Qui Terram regis ac Mare , &

Cæli ſidera temperas,

Noſtras excipe Voces.

Obliviſcere criminum,

Clemens parce precantibus,

Da Natis veniam Pater,

Tantis pone modum malis,

Noſtris annue votis.

Dele vindice dexterâ

Oo

Hoſti-

Hostiles acies , agit
Quas in nos furor impius.
Audi , te pueri vocant,
Intacta^q puella.
Nobis dexter ades. pia.
Te flectant lacryma : tuâ
Fidentes ope , bellicas
Vires temnimus Hæresis,
Nulla aduersa timemus.





ANTVERPIÆ,
EX OFFICINA PLANTINIANA
BALTHASARIS MORETI.
M. DC. XXXIV.



527249



